




M

13-8-A-8

VIII to 20 from



D N.
ALEXANDRI

LOSÆI AVILIANI, I. V.

Doctoris, in tertium Codicis
librum interpreta-
tiones.

*
Accessit his in calce operis eiusdem in §. præterea
inutilis. Instit. de inut. stipul. enarra-
tiuncula perbreuis,

Lege primum, lector candide, perlegeq;
ac tum demum iudica.



S. Andrea

VIRTUTE DVCE,



COMITE, FORTVNA.

Iella Valle.

LVGDVNI APVD SEB.
GRYPHIUM,

1537.



LIBRARY OF THE

UNIVERSITY OF MICHIGAN

ANN ARBOR, MICH.

1911

ALEXANDER

LOSÆVS IVRISPE

ritus, sacrarum sanctionum

studiosis S. D. P.



NON ab re sapientum sapientissimus, in suis à diuino spiritu manantibus dogmatibus, asseruit, sacratissimarum legum alumni, faciendorum plurium librorum, nullum fore numerum, sed unumquemque proprijs animi motibus duci, & ad noua (si noua appellare fas sit) faciliter prorumpere. Quod ego cum mecum animo perpenderē, ab ineunte tyrocinio meo, nusquam decreueram (etsi temporum progressu doctiorem me fore contigisset) ad scribendum, quod publicè ac passim proponeretur, manum apponere: tum ob uarias & copiosas diuersorum autorum explanationes, quibus nil addi posse autumo: quum etiam, ne quod de plerisque iudicari sapius audio, mihi ipsi iure merito adscribi posset. Quamobrem honestius semper iudicaui, reipublicæ nostræ utilius, quum aliquid ocij mihi uendicare quiuissem, antiquorum patrum nostrorum in sterquilinio ob corruptelam iacentium, & iam lectorum oculos infestantium, firmissima monumenta, ad pristinae eorum formam traducere, & ab inferis ad superos, ob nouam restaurationem, reuocare. Nec spes me bona usquequaque sefellit: oblata quippe fuere, ope munificentissimi Hugonis nostri à Porta, cui plurimum studiosos omnes debere scio, refarcienda expoliendaque Bartoli Saxoferrati, fidissimil sacrarum legum obseruatoris, diuino quodam ingenio contexta cōmentaria. quæ ubi primum emendanda suscepi: fasteor, ingemuisse sapius, tam codicum adeo deprauatorum infelicitatem, & professorum dispendium: quam ingenio mei tenues uires. Vtpote qui nondum adolescentiā egressus, ueritus non fuerim id moliri, quod nemo hactenus ca

cura tentarit. Habebitis namq; breui temporis intervallo eos codices, non quidem pusillę structure, sed in solitis ampliõribus columnis, non solum ex uetustissimorum exemplarium, præsertim Venetorum, sed & manu conscriptorũ fide, adconitidos & emunctos, ut ne litera quidem aut punctus sint defutura: quinimo potius ex cæteris auctos, & nouis nostris additionibus primæuo nitore restitutos. In præsentiarum autem, cum opus feliciter satis inceptum totis neruis prosequeretur, quod tamen iam maiori ex parte absoluiamus, in mente resedit (ut torporem & segnittem, quæ partim ex indefesso studio, partim ex asperrimis hiscẽ caloribus protulerunt, à nobis secluderemus) ad aliquid quod defatigatum, & penè exinanitum animum refocillare posset, per aliquot meridianas horas diuertere. Quare effectum fuit, ut inter cætera, scripta aliqua in tertium Codicis librum nostra, quæ in florentissima tunc, Taurinorum academia, anno ætatis meæ xxxi , publicè legendo digessi, reuoluenda & lectitanda decreuerim. Quibus trutinatis, etsi debilia & non magni momenti existant, non potui memetipsum intra pudoris limites continere, quin à proposito firmo recedere proposuerim: & quod nobis usus & natura contulit, in medium pandere festinarim: non quidẽ ostentationis aut iactantię gratia, etsi quod ad gloriã promouere debeat, nihil in me compari queat: sed ut animos uestros obdormientes quandoq; expergefaciã, & ad longè maiora succendam. Verum unum certò scio, non defuturos obtrestantiũ linguarũ uenenosos morsus: quos tamen flocci pendo, dummodo labores nostros uobis gratos conspexero. Suscipite igitur, Deo autore, proffessores humanissimi, opusculũ hoc nostrum, quod ex Sebastiani Gryphij, literatorum omnium fautoris officina uobis depromimus. In eo fateor me nihil ad pompam, sed tantum quod ad rem faciat, & iuri, ac rationi consonũ sit, protulisse. Puto enim non in multitudine ac farragine, sed in bene ordinatis numeris, uim legum subsistere. Valete, commissitõnis uestri semper memores.

Reueren

REVERENDISSIMO AC


ILLVSTR. DOMINO, D. PHILIP-
berto Ferrerio, Hypporediensis Antistitis sapien-
tissimo, sanctissimique domini do. nostri, ad
Christianis. Regem legato meritissi-
mo, Alexander Losæus Aulias-
nus Iurisperitorum mini-
mus, post sacrarum
manuum osculum,
S. P. D.



IX à tuo conspectu, dum à nobis ad Christianis-
simum Regem abstraheris, prodieram,
reuerendiss. Antistes, quum primum animo
uoluere coepi, quid mihi agendum foret, quod ue-
sumendum consilium, quo effici posset, ut ego
clientum, eorumque, qui quotidie munificentissimos tuos as-
fatus ueluti terrestre quoddam numen intueri solent, mini-
mus, apud te memoriae addictus perpetuo essem, tibi-
de me bene merito gratus, gratior in dies redderer. Sed quibus
neruis ad tam ingens conceptum me precingam: quibus ani-
mi fortunarumque dotibus pramunitum memetipsum cer-
no, ut quid muneris tibi omnium probissimo ac excellentis-
simo ausim deuotere? Tu enim ingenio, Mineruam ipsam;
Memoria, Themistoclem; eloquentia, M. Ciceronem; clemen-
tia & humanitate, Caesarem; patientia, Mutium Scauolam;
constantia, Catonem; temperantia & sobrietate, Epaminun-
dam; magnanimitate, Alexandrum; liberalitate tandem &
munificentia, Titum Vespasianum facillime superas. Præter-
eam, ne etiam felicitatem tuam, qua Q. Metello parem, aut
longè superiorem te ipsum cōspicio? Ortus es enim, è splen-
didissima ac illustrissima Ferreria, ea forti progenie, ex qua
tot religiosissimi galero radiantes, Praefules, Abbates: tot sa-
pientissimi Quaestores, à Christianis, quoque Regum consi-
lijs uiri; tot denique strenuissimi immortalisque famae Impera-

tores & Duces, ueluti ex equo illo Troiano, prodire. Inter quos, deo propicio, temporibus nostris aliud coeleste sydus in sacrosancto Romano cœtu, conspiciendus & uenerandus nobis præbetur patruus tuus, Bonifacius episcopus cardinalis: à quo, etiam quoddam cum satis ore referas, quascumque uirtutes, quibus te exornatum iudicaui, ab eo enutritus, promptissimè hausisti. Præbuiſti quoque his animi dotibus imbutus, dum apud Placentinos annis proximioribus præsides, sanctimoniam uitæque tuæ tale exemplum, ut nullo patetio hæſitarit Paulus Pont. Max. te ad inuictissimum, catholicæ fidei protectorem perpetuum, FRANCISCVM Francorum Regem prudentissimum, in pertractandis hac infelici, proh dolor, tempestate adeo ingentibus negocijs, legatum destinare. Quorsum tamen hæc? ut decantandarum laudum tuarum supinus ego, & inexpers, onus assumam? quas CHRISTO duce, propensis suis alis, omni æuo fama ipsa pandere deproperat. Decreueram iussis tuis obsequi, & te tenuissimo hoc, ac inculto dicendi genere, sæpius inuisere: quo per hæc notas meas assiduus tecum noctes diesque uersarer; uerum regionis, ubi ades, longitudo, ac tabellariorum, etsi frequens, mihi tamen inopinatus, & repentinus occurſus, à decreto diuertunt. Quare consultius fore existimaui, æternū quodpiam, æterno uiro dicare: aliquidque quod penes te, dum absens à nobis corpore fueris, commendatum me habeat, insculptumque cordi tuo affigat, typis excusum transmittere. Habebis itaque, & à tuo latere mei memor nunquam discedet, in constitutionum Imperatoriæ particulam: breuis, qua te dono, hæc mea enarratio: & eam quidem quā (modo secundus agitur annus) in famigeratissimo Taurinæ ciuitatis gymnasio publicè cōgrediendo discussi. Quid tamen infelix agor? ignauiam? ne meam palam patefaciam? inanes nugas ausus? ne fuero tanto uiro offerret? Lustrari an dignabuntur tot tamque excelsi gymnasiarchæ, prouinciarumque moderatores, adolescentis insipidi friuolas ineptias? Profectò, nō ea, qua in te angor, deuotio me urget, à

ret, à Criticorum acerrimorū faucibus, quas tam oblatrantes
 conspicio, lubentissimè diuerterem. Accipies igitur, Meccæ
 nas colendissimè, has Lofæi tui qualesquales lucubrationes
 culas; quæ nutu tuo, splendidissimorū clypeo munitæ, in pu
 blicum prodire non erubescant; hæ sunt laborum & uigilia
 rum suarum, primæ numini tuo dicatæ fruges. Quas si his
 lari, clementiūq; (ut assoles) fronte susceperis, nec elatos cen
 sores uerebor, rudisq; infirmus, & quodammodo semimors
 tuus animus meus, ad longè meliora prorumpet. Salus
 tant te Petrus Bayrus archiater facundissimus,
 necnon & Ioannes Bartholomæus eius na
 tus, Montis Cenisi præpositus: quos
 tibi deuinctissimos certo certius
 crede. Vale, clientis tui asy
 lum tutissimum. E
 Lugduni emporio,
 x. Cal. Augu.
 M. D. XXXVI.



ALEXANDRI

LOSÆI IN RVBR.

De iudicijs, interpretatio.

- 1 Editio actionis seu libelli, inter iudiciorum preparatoria enumeratur.
- 2 Nomen actionis, an sit in libello exprimendum.
- 3 Editio instrumentorum, quando preparatoria dici mereatur.
- 4 Citatio an uere iudicij preparatoria nuncupetur.
- 5 Noua circa istud formatur oppo. cum distinctione.
- 6 Practica, ut una tantum citatio usq; ad sententiam inclusue interponatur.
- 7 Interrogatoria, an iudicij preparatoria dicantur.
- 8 Quid de calumnie iuramento. Et latius nume. 19. usq; ad 27.
- 9 Quid de cautione rati. Et de alijs preparatorijs, remissive.
- 10 Terminus iudicium, quæ significata habeat, remissive.
- 11 Iudicium, quo ad titulum nostrum attinet, quomodo sumatur.
- 12 Diffinitio iudicij communiter recepta.
- 13 Noua nostra iudicij diffinitio legibus & ratione comprobata.
- 14 Iudiciorum uariæ species, remissive.
- 15 Continuatio rub. de Iudicijs ad præcedentes.
- 16 Libri ad librum an necessaria sit continuatio.
- 17 Continuatio Bart. in rub. supra de passis. an sit uera.
- 18 Noua huic rub. accommodatur continuatio. Et nume. 22.
- 19 Iuramentum calumnie quomodo præstetur, quum causa per procuratorem agitur.
- 20 Cur sit, quod hic imperat. præposuerit titu. de iura. calum. titulo de iudicijs. contrarium uero in decretalibus, Ro. Pont. seruauit.



PRO felici introitu lectionum nostrarum, CHRISTI prius ex uiscerum intimis postulato præsidio, & uirginis matris pietissimo suffragio, condescendo ad gloss. rub. de iudic. c. Ad cuius perfectiorem intelligentiam præmitto, quæ sint, & quæ dicantur iudiciorum preparatoria. Et multa ea esse comperio. In primis glo. nostra enumerat exemplificando duo: uidelicet ut de edendo, & de in ius uocando. Videamus an primum de

•B edendo

edendo sit uere præparatorium iudicij: Et quidem editio
 1 actionis * procul dubio est iudiciorum præparatoria, quic-
 quid in cōtrarium tentarint aliqui patres: de quibus per do-
 minū las. in rub. suprà de eden. ut est tex. in l. edita. in primo
 responso suprà eod. ibi, speciem futuræ litis. Terminus enim
 lis, de lite contestata propriè intelligitur, l. is qui se obtulit.
 in ultimo responso. ff. de rei uend. & notat las. post ceteros
 in l. causas uel lites. suprà de transact. latiusq; de hoc infrà di-
 cemus. Si ergo editio actionis, demonstrat speciem futuræ li-
 tis, necesse est fateri, quod sit ad iudiciū præparatoria; quum
 iudicium post litis contestationem uere dicatur. l. iudicium
 soluitur. ff. eod. l. j. §. exceptis, infrà de anna. excep. adducitur
 uulgò text. in l. amplius non petitum. ff. rem ratam habe. Et
 quod sit præparatoria, est text. in l. j. in princ. ff. de eden. & in
 autent. offeratur. infrà de litis cōtestat. intelligendo d. l. edita
 actio: id est, actionis editio: quod est dicere, libelli editio seu
 2 porrectio: quum in libello * nomen actionis exprimi debeat:
 secundum opi. aliquorum legistarum in d. l. edita. & in d. l. j.
 in prin. de eden. & si non expresse, saltem tacitè, ex narratio-
 ne facti, ex quo ius, quod est actio (inst. de actio. in prin.) oris-
 tur, & est implicitum in eo. l. si ex plagis. §. in cliuo. ff. ad leg.
 aquil. quod sufficere si tacitè fiat, de æquitate canonica præ-
 cisè est decisum, c. dilecti, extrà eo, estq; communis opinio,
 teste Decio in d. l. edita. col. j. De editione autem instrumens-
 3 torum * hæsitatur apud las. & Decium post ceteros in rub.
 suprà de eden. ut patet ex adductis per eos. Breuiter dico ex
 mente ipsius Decij, plenius ~~alibi~~ alibi, in c. j. col. xxxij. extrà de
 probatio. quod aut loquimur de editione, quæ sit iudici ad
 fines probandi; & hæc nō est præparatoria, sed probatoria. l.
 quinquaginta. ad fin. (aliàs quingenta) ff. de probat. Aut lo-
 quimur de editione instrumentorum, quæ sit parti ad fines
 inspiciendi, an contendere uel cedere uelit; & tunc ad instar
 actionis seu libelli talis editio instructoria dicitur præpara-
 toria. d. l. j. ff. de eden. non tamen nego, quin hæc instructoria
 editio fieri post litem contestatam possit; & eo casu præpara-
 toriam

toriam non appellabimus : ut ibi per Decium latius, sequens
 tusq; fuit hanc sententiam, recondendæ memoriæ præceptor
 meus Io. Franc. Rippa, in dicta rub. col. mihi iij. suprà de edē
 do. De secūdo non uidetur dubium: quia in ius uocatio, quæ
 citatio * nuncupatur, ante litem contestatam fieri debet: quū
 ab ea tota tela iudiciaria dependeat. Istud probat mihi text.
 in d. auten. offeratur. ibi, Ei qui in ius uocatus est. Nam si edi
 tio libelli est præparatoria, ut suprà ostendimus, multo ma
 gis citatio: quia ille text. præsupponit citato offerendū libellu
 lum. Addo text. in l. j. ff. de in ius uocan. ibi, Iuris experiū
 di. & est melior tex. de iure, in §. fi. instit. de pœna teme. liti.
 Omnium autē actionum instituendarum, inquit Iusti. prin
 cipium ab ea parte edicti, &c. si principium, ergo aliud quid
 piam ante se habere non potest. §. discipuli. uer. in reliquā. in
 proœ. Digestorū. Sed cōtra istud fortiter * opp. sententia siue
 pro absente, siue contra absentem lata, si citatio legitima eam
 nō præcedat, est ipso iure nulla. l. ea quæ. ubi Bart. infra quos
 modo & quando iudex. modò sic sententia ferri debet lite
 contestata, aliàs non ualet. l. fi. §. illud. c. de tempo. appel. not.
 Bart. in l. consentaneum. col. j. quomo. & quando iudex. ergo
 quum sit dare casum in quo citatio fiat post litem contesta
 tam, non meretur ita indistinctè præparatoria nuncupari.
 Hanc oppo. à nemine quem uiderim, tactam aut resolutam
 legisse memini. Iudicio tamen meo hanc difficultatem ita res
 solui posse existimo: Aut loquimur de citatione, quæ est præ
 ambula ad omnes actus iudiciarios, & sic sine qua iudicium
 uniuersale subsistere non potest: & hanc dico necessariò ius
 dicij præparatoriam, quum in initio causæ proponi debeat:
 & de hac edictum prætoris uerba facit. de quo in d. l. j. & d.
 §. fi. Aut loquimur de citatione, quæ fit ad aliquē actum spe
 cialem post litem contestatam, ut in exemplo sententiæ pro
 posito: & talis non dicitur præparatoria generaliter, sed bene
 particulariter, & quo ad quid: ut puta citatio erit præpara
 toria ad sententiam, quæ potentissima pars est iudicij: quum
 ad eam totus actus iudiciarius referatur, arg. §. curare. insti.

- de actio. & l. ij. §. post originem. ff. de orig. iur. Hæcque distinctio sine dubio procedet, si præparatorium largè sumamus, pro omni eo, quod aliquem actum præcedit. Si uerò strictè in materiæ nostræ limitibus acceperimus, nusquam præparatoria citatio, quæ post litem cōtestatam cadat, dici poterit.
- 6 Sciendū tamen est, * cōmunem stylum affore, istudq; in praxi obseruari, præsertim apud Taurinorum magistratus, ad dirimendos litium anfractus; ne ex tot citationibus cauillationes suboriantur, ut una citatio ad omnes actus usque ad sententiam diffinitiuam inclusiue proponatur; ut tradit insignis Cherinoræ practicus, affinis meus, dominus Iafredus Balbus, decisio. xliij. incip. consiliū est, in prima centuria, cū cōminatione tamen quod in citatum, eius nō obstante absentia, procedetur ad perfectam causæ decisionem, ut etiam uoluit Bar. quem ipse non refert in l. statuliberos. §. Stichus annua. ff. de statuliberis. Quare autem in hoc uolumine præpositus fuerit titu. de edendo. tit. de in ius uocan. quod secus in Pandectis factum legimus: uidendus est Bart. in rub. ad fi. eod. titu. de in ius uocan. circa quod etsi multa dicenda forent, latius
- 7 tamen non subsisto. Reperio & tertium * iudiciorum præparatorium, scilicet, Interrogatoria: quæ ante litis contestationem fieri debent. l. qui petitorio. in princi. ff. de rei uendi. l. qui seruum. §. in iure. ff. de inter. actio. Opp. nouiter, si interrogatoria sunt præparatoria, cur nō præposita fuere in Pandectis, titu. de iudicijs? Respondeo, quia nonnunquam post litem contestatam æquitate dictante admittuntur. l. ubicūq; ff. eo. tradit Panorm. in c. cum causam. col. iij. de iura. calum. nimirū si postponuntur. Replicari potest, etiam quod quandoque fiant post; attamen regulariter fieri debent ante litem contest. cessante æquitate. Ergo ad ea quæ frequentius obtinent, magis attendere debemus. l. nā ad ea. ff. de legi. l. ea que. ff. de regu. iur. Possem respondere duobus aut tribus modis: prout in simili in actione ad exhibendum, respondent Ias. & Decius in d. rub. suprā de eden. uel secundum Panor. in d. c. cum causam. Istud, quod interrogatoria preponantur, in uisum consilij

consilij, non præcepti statutum fuisse; quum semper æquitas dicter ea admitti debere. Sed breuibus dico hoc factum fuisse, ne actionum materia separaretur: ut quia olim interrogaciones iure actionis fierent, uel iudicis officio, glo. rub. ff. eod. quod iudicis officium ex lata saltem interpretatione sub actione continetur. Bart. in l. fin. ff. de iniurijs. Cum igitur in ea parte digestorū tractetur de actionū materia: oportuit ea, quæ de eodem loquuntur, in confinio ponere, l. continuus. in princ. ff. de uerb. oblig. l. ij. §. quartus. suprà de uete. iur. enucle. Quartum iudiciorum præparatorium, Iuramentum calumnie * uocitamus, quod in primordio uniuscuiusque litis præstari debet. l. fin. §. fin. in princ. suprà de iureiur. propter calum. dan. Contra istud obstat alius text. in d. l. fin. in prin. ibi, Nisi post narrationem & responsionem; & sic post litis contestationem. l. j. in frà de litis contesta. c. j. extra eo, ergo non præparatorium. Accur. in d. l. fin. in princ. sentiens contrarium, istud soluit, dicens, satis præstari in primordio, si statim post litis contestationem præstetur. argu. l. lecta. uers. dicebam. ff. si cer. pet. Iste passus latiore indagationem exposcit: uidebitur mus latius in frà in continuatione. Aliud & quintum est iudiciorum præparatorium, Cautio rati, * quæ litem contestatam & iudiciū cœptum præcedere debet. l. pompo. §. rati habitiois. ff. de procurat. de quo me remitto ad notata per Paul. Castren. in l. ij. ad fi. in frà de confor. eiusdem litis. Alia pleracq; præparatoria congerere possem, ut puta actionem ad exhibendum, de qua in l. ij. §. est autem. ibi, acturo, & c. ff. ad exhibend. Exceptiones dilatorias & procuratorias, de quibus in l. exceptionem. in frà de probat. in l. ita demum. suprà de procur. uel satisfatione de iudicio sisti, de qua in §. j. in l. i. de satisfda. ut uoluit Bart. in l. si insulā. col. iiij. uers. ult. opp. ff. de uerb. oblig. Et de his præparatorijs amplissimè tractat Spec. per totum ferè secundum librum sui Speculi. Secundò præmittendum est, quid sit iudiciū. In quo aduertendum est, quod nō potest ita indeterminatè prolatur, cōmodè diffiniri: æqui uocum enim terminum esse * & multas habere signifi-

- ficationes, Docto, demonstrant, quas sigillatim prosequi potius laboriosum foret, quam ingeniosum, uideas gl. magistrā in §. præterea, inst. quib. non est permis. fac. test. tradunt scrib.
- 11 hic, & in rub. extra eo. Hic autem iudiciū sumi dicimus * pro ordinatione causę, seu iuris disquisitione: quę per cōtestationem litis fit. glo. in l. j. infra eo. Et ut scias, differentia est inter iudicium hoc modo sumptum, & iudiciū quod pro instantia capitur: ut Accur. aduertit in d. §. præterea, in ij. & xj. signisficato, perpenditq; Paul. Castr. hic. Licet satis inaduertenter Alex. hic, Canonistę in d. rub. uideantur ista cōmiscere: dum inquirunt, iudiciū sumi hic pro instātia, seu ordinatione causę. Quod tamen falsissimū est: quia si ita esset, sequeretur, qd abolutus ab obseruatione iudicij, id est, instantiæ, censeretur etiā absolutus à iudicio, quod pro ordinatione causę & actu triū personarū sumitur, quod à ueritate deusum foret: nam refectis expensis, potest aliud iudiciū de nouo inchoari: ut uult glo. in uer. iudicij, in §. & siquidē. l. properandū. infra eo. Salsuari possunt Doct. isti, ut dicamus, eos intellexisse, qd in l. huius tit. tam de iudicio, id est, ordinatione causę, qd de instantia tractatū fuerit: non autē qd in hac rub. iudicium pro instantia causę accipiatur, & hanc teneo fuisse eorum mentē. Reperio
- 12 ergo iudicium, prout hic sumitur, ita diffiniri: * Iudicium est actus triū personarum, iudicis, actoris, & rei, in iudicio cōtendentium. Hanc diffinitionē sequuntur cōmuniter scrib. Legistę & Canonistę: eamq; defendit Decius in rub. col. ij. & iij. extra eo. qui alias refert diffinitiones: circa quas post tantorū patrū tam antiquorum qd nouissimorum trutinacionem, nec approbando minusq; reprobando me inuoluam: ut quia nullus taliū disceptationū sit finis: cum multa dici possint, quę quādoq; parū ad rem faciant. Mihi autē, qui uix iudiciorū li-
- 13 mina tetigi, ita diffiniri posse iudiciū in animo sedet: * Iudiciū est iuris sui discussio, seu disquisitio, apud eū, qui uel sua, uel alterius uice tribunali præest, legitime facta. An hæc diffinitio cum suo dissipito bene cōuertatur, ipse dispice. Examino ego uerbo tenus. Dixi, iudicium est iuris sui: ad differentiam
- iuris

iuris simpliciter, quod de scripto, aut non scripto, & eius speciebus intelligitur. toto tit. instit. de iure natu. gen. uel ciuil. l. ius ciuile, cum sequen. ff. de iust. & iur. nam si de eo apud iudicē quis disputando discerneret, tunc iudicium dici nō mereretur. Loquimur autē de iure suo, quod aliquis cōpetere sibi credit: quodq; uarijs modis nanciscimur. toto titu. de rerum diu. acqui. rer. domi. & similibus plurimis. Dixi etiam, iuris sui discussio, seu disquisitio; ut comprehendam actorē & reū, quorum uterq; de iure suo disceptare dicitur; nam iurare debet uterq; se bonum ius fouere: actor agendo, reus reluctando. l. si. in princ. supra tit. proximi. uel iuris sui, ut includam tantummodo reum; qui ius suū defendit, & de eo discutit, quum aduersus eum per inquisitionem proceditur. Et per hec uerba cessabunt, & nouiter silentium imponetur tantis doctoribus, qui & hic, & in rub. extra eo, in huius contrarij ad cōmunem distinctionem solutione, adeo acerbē capita sua torserunt. Dixi, apud eum qui tribunali præstet, ut includam tam iudicem competentem, quā incompetentem: qui tamen alicui præstet tribunal; cuius, consensu partium, prorogatur iurisdic-tio. l. j. ff. eod. & excludam eum, qui saltem nomine, iudex dici posset, qui tamen nulli præstet iudicio. per text. in l. priuatorum. infra de iurisdic-t. om. iudic. Dixi, qui uel sua, uel alterius uice, ut admittam delegatum, apud quem de iure eorum partes disceptant: qui tamen ex persona sua tribunal nō habet, sed delegantis. l. j. §. qui mandatam. ff. de offic. eius cui mand. est iurisdic-t. l. solet. secundo responso. ff. de iurisdic-t. om. iud. Dixi postremo, legitimē facta; nam si legitimē non fieret, ut puta quod quis ad iudicem accederet, & coram eo de iure suo disquireret, nō præcedentibus legitimis actis, ut citatione, litis cōtestatione, & similibus, uel tabellione qui ea conscriberet, iuxta formam c. quoniā contra falsam. extra de proba. tunc nō mereretur dici iudicium, eo modo quo in materiæ nostræ terminis sumimus. Oportet ergo, ut ualeat iudicium, quod talis discussio iuridicē fiat. Et ex his concludo hanc nostram diffinitionem uerissimam, perfectamq; fore, & de iure

- de iure subsistere. Tercio & ultimo præmittas ad uerā huius
 14 materiae intelligentiam, * multiplices esse iudiciorum spēs
 cies. Alia enim ciuilia sunt, quædam criminalia, nonnulla mi-
 xta; de quibus ut per Alex. hīc. & Cano. in d. rub. extra eod.
 Rursus quædam uniuersalia sunt, alia generalia, nonnulla
 particularia, seu singularia, pleraq; simplicia, adfunt & du-
 plicia; quæ prosequere ut per Pau. Cast. & latius per las. hīc,
 qui alias diuisiones addit, Annotandum quoq; est in hac ma-
 teria, aliter dici iudicium formatū, aliter inchoatum. Inchoa-
 tur enim iudicium citatione; formatur uerō litis cōtestatio-
 ne. Et hoc casu ea de quibus primo euidentiali diximus, uerē
 præparatoria dicuntur: superiore uerō non. Istud declarat me-
 lius quā alius, quem uiderim, dominus meus Ripa. in rub.
 col. ij. suprà de edendo. His ita præmissis, deuenio propius
 ad glo. rub. quæ non diuisitur, quum unico contextu lega-
 15 tur. Pro cuius expeditione quæro de cōtinuatione. * Respon-
 det Accur. Dixit de præparatorijs iudiciorum, ut de edē-
 do, & de in ius uocando: nunc generaliter de iudicijs. Ista cō-
 tinuatio cōmuniter recipitur, & in se est uerissima: attamen
 nimis à remotis sumitur, contra tex. in l. ij. ff. de stat. homi. cū
 uulga. Saluando possumus respondere, quòd hic sumus in
 16 principio libri, * in quo non est necessaria cōtinuatio, ut uo-
 luit glo. reputata singu. in rub. ff. de condict. furt. in fi. & tra-
 dit las. in rub. inst. de actio. col. ij. uerfi. quæ tamen conclusio.
 & ideo etiam, quòd fiat à remotis, cū necessariò nō requi-
 ratur, non uitiatur continuatio. arg. text. in l. j. in princ. infrà
 de rei ux. actio. & tex. cum glo. in §. serui. insti. de libert. Et
 licet dict. glo. in rub. de condi. fur. intelligatur cōmuniter, ut
 statim dixi: sunt tamen qui uolunt eam loqui, quòd in prin-
 cipijs librorum requiratur continuatio: sed sufficiat eam fieri
 ad remota, ut perpendit Decius in rub. col. ij. in ij. lectu. ex-
 trà eod. Mihi autem illa glo. nec cōmunem, nec aliam senten-
 tiam recte probat: quinimo in princ. illius libri fit continua-
 tio. Nam cum imperator fuerit in præcedentibus in tracta-
 tu cōditionum; subannectit etiam in eo x i i i. lib. eandem
 materiam

materiam : etiam quod à prioribus conditionibus foret ea parumper diuersa. Et ideo intelligerē illam glos. dato quod illud probet, ad quod adducitur propter communis opinionis auctoritatem, ut procedat, quando sequens liber tractaret materiam penitus diuersam, ut tunc necessaria non sit continuatio : secus autem si eandem materiam prosequatur : ut in tit. nostro, in quo materiam iudiciorum inchoatā debito ordine prosequitur, arg. tex. in l. continuus. in princ. ff. de uerb. oblig. & pro hac distinctione dico esse text. clarum in l. ij. §. quartus. suprā de ueter. iur. enucle. ibi, & prædictæ actiones quasi pedissequæ illarum, &c. & ibi in fi. quum oportuerat ea, quæ de eodē penē loquuntur, in confinio ponere, qui tex. non admittit differentiam, quam faciunt doct. inter titulos & libros : cum indistinctē & generaliter loquatur, & ideo generaliter ueniat intelligendus. l. de principio. ff. de public. cum concord. Inquirenda est ergo melior * continuatio. Doct. hic se remittunt ad amplam continuationem Bart. in rub. suprā de pactis, quam tamen procedere non arbitror, cum defectiua sit : nam continuat tantummodo usq; ad rub. de arbitris, dum dicit ipse : & quia aliqui in prædictis læduntur, ideo ponit de in integ. restitu. postea uenit liber de iudic. Ecce qualiter hæc continuatio sumitur à titul. de alie. iudic. mutand. causa facta. qui titu. est ultimus materiæ in integrum restitutionis : & omittuntur medij titul. de arbitris, cum tribus sequentib. Nec obstat, si diceret quis subtilis, aduerte, quia intentio Bart. fuit sumere tractatum de iudic. à tit. de arbit. quum ad similitudinem iudiciorum arbitria sint introducta l. j. de arbit. Nam ad istud respondeo dupliciter. Primò ponderādo uerba Bart. qui non dicit, Postea uenit materia aut tractatus iudiciorum, sub quo arbitria contineri potuissent : sed dicit, Postea uenit liber de iudic. A' titul. ergo de arbit. non incipit liber de iudic. quum ibi non sit caput libri : sed sit adhuc sub secundo libro. Secundo respondeo : Dato, & non concessa, quod ea fuerit Bart. intentio, quod tamen cōtinuatio non procedit : quia licet arbitria sint redacta ad instar iudiciorum :

non tamen sunt iudicia, licet in aliquibus conueniant; nam ad hoc ut ex similitudine uel conuenientia argui possit, necesse est quod omnia in totum sint similia & conuenientia. l. quid ergo. §. ex compromisso. ff. de infam. & si arbitria idem essent quod iudicia, ut quid tam diuersis titulis & diuerso iure censerentur? arg. l. si idem. infra de codicil. Concludo ergo, quum uerba Bart. non possint ad titul. de arbit. accommodari, non bonam esse continuationem; ut quia nimis à remotis. contra text. in dict. §. quartus. Ego autem melius ad proximiora ita posse continuari existimo. * Vis multis necessarijs ad præparationem iudiciorum, restat nunc uidere de ipsis iudicijs; sed quia iuramentum calumniæ præstatur in ipso iudicii exordio; & inter ea, quæ illico, & incontinenti fiunt, non sit dare prius nec posterius. l. petens. supra de pactis. ideo præpositus titulus, de iureiur. ob cal. dan. subiicit titulus, de iudicijs. Ista continuatio, si tenuerimus conclusionem glos. de qua supra in iij. præparatorio; quam ibi sequuntur Bartol. & communiter docto. sine dubio procedet. Sed contra illam oppo. * & uidetur dicendum, quod iuramentum calumniæ ante litem contestatam, præstari debeat. Primo per text. in l. j. uersic. si autem. supra de satisfand. ubi exceptio procuratoria, quæ est dilatoria. l. ita demum. supra de procur. debet opponi in ipso litis exordio, id est, ante litem contestatam, ut ibi exponit Accur. Secundo per text. in d. l. si. §. si. de iura. cal. ibi: Et in primo post hanc legem ingressu eam compelli iusiurandum præstare. exponit Accur. ingressu, ad iudicium. Si ergo iudicium dicitur post litem contestatam, ut in primo præparatorio ostendimus, datur intelligi, ante litis contest. tale iuramentum præstari debere. His non obstantibus, tenenda est opi. glos. & doct. per text. qui cauillari non potest, in d. l. si. in princ. qui clarè loquitur, in illis uerbis: nisi post narrationem & responsionem, &c. & per text. in c. j. in princ. de iuram. calum. lib. vj. sequitur Panormit. in rub. & in c. j. in iij. notab. extra eod. in antiquis. Tota uis consistit in respondendo contrarijs. Et in primis dico fundamentum supra negatum,

negatum, uerissimum esse: ut quia illa uerba, in ipso litis exordio, importent litem contestatam fore: quod infinitis iuris probatur: primò per tex. in c. super quæstionum. in prin. uers. quòd si delegatus. extrà de offic. deleg. ubi glos. in uerbo litis. istud annotat. Secundò, ultra text. qui optimè probant, adductos per las. in d. l. causas uel lites facit: quia lis propriè dicitur, de contestata. l. j. uers. siquidem. infra de plus petitio. Et quòd initium seu exordium sumatur à litis contestatione, est casus, ubi Accur. not. in autent. de litig. §. omnem. uers. si uerò apud iudicem. coll. viij. Et hoc dico esse regulare. Sed si reperiatur casus specialis, & materia subiecta patiatur: tunc, ut euitetur absurdum, recedendū puto à regula: quum nulla aded generalis sit regula, quæ non patiatur fallentiam. l. j. ubi Decius in iiij. not. ff. de reg. iur. Et ita procedat text. in d. l. j. de satisfdan. quia nisi ita intelligeretur, sequeretur absurdum, quòd exceptiones dilatoriæ post litem contestatam proponerentur. contra l. exceptionem. cum concord. infra de probation. Non obstat §. si. d. l. si. cum expositione glos. quia retorqueo fundamentum in cōtrarium: nam si iudicium post litem contestatam intelligitur, iuramentum calumniæ præstabitur post: & sensus est talis: In primo ingressu ad iudiciū: id est, in primo actu, qui fiet in ipso iudicio, lite contestata. Sed pro clariori resolutione * adhuc oppo. contra prædictam iurium & communem decisionē, de text. in d. l. ij. §. si autem abfuerit. de iur. cal. ubi dicitur, si dominus uoluerit causam agitare per procuratorem, non antè licentiam habeat litē exercendam mandare, nisi prius de calumniā in prouincia, qua degit, iurauerit. Ecce text. rotundum, qui uult ante iudicium cœptum iuramentum calumniæ per actorem præstari. Paul. Castr. ibi sentiens difficultatē respondet istud admitti, quando quis uult agere totam causam per procuratorem, & ad iudicium nunquā uenire. per illum tex. facit etiam text. in d. l. ij. §. hoc etiā huic legi, secus quādo causa agitur per ipsos met principales, quia tūc procedit, quod suprà diximus. per text. in d. l. ij. in princ. iuncta autem. principales. Suadetur ista

solutio, ratione. Nam datur licentia dominis, qui rebus suis
 & litibus præesse nolunt, uel non possunt istud per procura-
 tores agere, l. j. in prin. ff. de procu. Sed quia tunc machinatio-
 nibus locus foret, quum dominus iuramentum lite coepta
 præstare fugiens, deciperet, & læderet aduersarium colluden-
 do, uel mutando ius in procuratorem tanquam cauillosum, aut
 potentiorum: ideo uoluit lex, ut ante litem exerceri mandan-
 dam, dominus de calumnia iuret, demum procurator causam
 prosequatur. Istud tamē sanē intelligas in procuratore ad ex-
 ercitiū tantum; secus in procuratore in rem suam, uel qui a
 se satisfationē præstat; quia tunc procurator, & nō dominus,
 post litem contestatam iurat; ut uoluit Accur. in l. nō solum.
 in princ. ff. de procur. adhibita distinctione, de qua ibi per eū.
 Sciendum tamē est circa istud calumniæ iuramentum à pro-
 curatore præstandum, Canonistas aliter obseruare: ut habes
 text. in c. ij. §. j. & c. fi. extrā de iur. cal. Secundò oppo. de text.
 in l. j. suprà de iura. cal. ubi ante litem contestatam & sæpius
 iuramētum calumniæ præstat. Augetur difficultas, inter-
 rogatoria fieri debent ante litem contestatā regulariter, l. qui
 petitorio, ff. de rei uend. & dictū fuit in tertio præparatorio,
 suprà, iuramentū calumniæ præstat super interrogatorijs:
 per tex. qui ad hoc solet adduci in l. thesaurus, ff. ad exhib. &
 tradit Panor. in c. cum causam, col. iij. in fi. extrā de iura. cal.
 ergo iuramentum calumniæ ante litem contestatā præstat.
 Breuiter resolutio est ista, aut quærimus de iuramēto calum-
 niæ uniuersali, quod præstat super tota causa: & tunc tale
 iuramentum de iure ciuili statim lite contestata præstari de-
 bet, & semel tantum, d. l. ij. in prin. iuncta autē, hoc sacra-
 mentum, & autent. in isto iuramento, de iure cano. nō est istud de
 substantia; sed sufficit, dummodo post litem cōtestatam iure-
 tur, & non statim, c. j. in prin. de iur. cal. in vj. aut loquimur de
 iuramento calumniæ particulari super certo actū, puta super
 exceptione dilatoria uel interrogatorijs: & tunc ante litem
 contestatam præstari potest, per text. in d. l. j. suprà tit. proxi.
 ponderādo generalitatē illius tex. ibi, in omnibus causis, &c.
 qui

qui terminus causa de lite nondum contestata intelligitur. c. forus. in. ij. respon. extra de uerb. signi. tradit Decius in rub. col. ij. ad medium. extra eod. istam concordiam approbavit Barto. quem ceteri sequuntur in dicta l. ij. in princip. uersi. modo habemus uidere. & Panor. in c. j. col. ij. & c. cū causam. colum. v. de iura. cal. in quo. c. j. referendo Bartol. in d. auten. hoc sacramentum. & in d. l. ij. dicit. auten. illam. hoc sacra. cor. rīgere tantū dict. l. j. in eo quod illam restringat. ut lite contestata amplius quā semel non possit de calumniā iurari: quantum uerō ad iuramētum prāstandum in quacūq; exceptione ante litis contesta. remaneat incorrecta lex codicis. Est tamen aduertendum. quod iuramentum malitiā. etiā iuramento calumniā prāstito. in singulis actibus. ubi iudex expedire uiderit. prāstari debet. c. ij. §. fi. de iur. calū. in vj. refert Paul. Castr. in d. l. j. in fin. & Panor. in d. c. cum causam. colum. v. in prin. Ultimo pro complemento. inuestiganda est ratio. quare Roma. pontifex contrarium seruauit in suis decretalibus. eius quod obseruauit Impera. in Codice: ut prāposuerit titu. de iudicijs. titulo de iuramēto calūniā. Respō. ex mente Barto. in rubr. suprā titu. proxī. hanc rationem diuersitatis fore. licet ipse non ita declaret. Nam olim licitum erat de iure antiquo Codī. & ante & post litem contestatam indifferenter & saepius iuramentum calum. subire. dicta l. j. titu. proxī. Ideo nimirum. si Imper. prāposuit titu. de iur. cal. titu. de iudī. quia habuit respectum ad id. quod principaliter faciendum erat: scilicet ad initium. in quo prāstandum erat iuramentum huiusmodi: quod initium principaliter attendens dum ueniebat: ut quia finis. id est. aliud sacramentum post litem contestatam prāstitum. necessariam consequentiam haberet ad id. quod primo loco prāstabatur. arg. tex. in l. ij. §. scio. ff. de minor. Romanus autem ponti. uidens per nouissimum ius auten. l. cod. correctam. ut quia super toto negotio semel tantum incōtinenti post iudicium cēptum iuramentum calum. prāstari statutū fuerit: attendens illud iuramentum generale. tantū dignius & principalius: seruato debito



ordine, post titul. de iudi. & de litis contesta. titulum, de iur. calum. apposuit: quod litem cōtestatam & iudicium formatum subsequitur. Et hoc respectu ipsi Cano. melius fecerūt: quod non est mirum, quia fuere longè post leges conditas: & ob hoc optimi iuris ciuillis cognitores extitere: facile enim eis fuit, considerato iuris ciuillis tenore tanquam solido fundamento altius superædificare. arg. l. egi. in prin. ff. de excep. rei iudi. & c. cum Paulus. j. q. j. Et ex his omnibus ita resolutis, posset nouiter & melius ista rubr. continuari. * Postquam uisum fuit de præparatorijs iudicijs, & sic de iuramento calumnie, quod ante iudiciū cceptum præstatur: restat nunc de ipsis iudicijs tractare. Nec obstat titu. de arbitris inter medius: quia modicum interuallum cōtinuationem non uitiabit. arg. tex. in l. j. §. j. ff. de uerb. oblig. Et ex his remaneat, satis utiliter, ut opinor, commentata hæc rubr. in qua si quid bene dictum fuerit, Deo opti. max. condonetur: sin minus, imbecillitati & ætati adscribatur.

S V P E R l. j. c. de iudi. nil scripti: quia iussu scholarium (eo quod materia esset nimis longa) textualia tantum cum diuisione glossarum in uoce expeditui. Sequitur l. ij.

- 1 Actioinum diuisio, in uniuersalem, generalem, & singularem.
- 2 Actio uniuersalis dicitur ea, in qua consideratur solum ius in uniuerso: non autem singula uniuersi. Et hæc duplex.
- 3 Actio generalis ea dicitur, sub cuius generalitate singule res sunt considerabiles.
- 4 Differentie inter actionem hanc generalem, & uniuersalem.
- 5 Actio singularis est, que in se tantum continet singulare subiectum.
- 6 Intellectus secundus gloss. communis & uerus.
- 7 Casus in terminis cum rationibus dubitandi & decidendi.
- 8 Aduersus Castren. & ceteros, quod dispositio tex. nostri procedat non tantum de equitate, sed & de rigore, retento secundo intellectu.
- 9 Actio generalis, per sententiam absolutoriam, ipso iure non extinguitur.
- 10 Differentia, an remedium competat ipso iure, uel ope exceptionis.
- 11 In actionibus generalibus, an licita sit emendatio.
- 12 Due negationes affirmant: tres uero negant.

Licet

Licet. Præmittendum est ad huius legis intelligentiam, quod actiones reperiuntur diuise in tria membra. * Alia enim est actio uniuersalis: altera generalis: & tertia singularis, seu particularis. de quibus est glos. ordinaria in l. j. in prin. ff. de eden. ubi Bar. col. ij. examinat. & Iaso. post alios, col. v. & vj. idem Iaso. in l. edita. colum. iij. supra de eden. & in rubric. colum. vj. ff. solu. matri. Panor. in c. ij. col. vj. & seq. extra de libel. obla. Resolutiue dico ex mente docto. * quod uniuersalis dicitur ea, in qua consideratur solū ius in uniuerso, actu uel potentia; singula uero uniuersi non habentur in consideratione. Et hæc est duplex. Alia enim est uniuersalis sui natura: id est, à primordio, postquam est in esse deducta: ut potes ponere exemplum in petitione hæreditatis. iuxta tex. in l. iij. ff. de peti. hæredita. & hanc uniuersalem appellat tex. in l. j. in prin. ff. de rei uendi. Aut in actione de peculio. de qua in l. quæsitum. §. is qui. ff. de pecul. & in l. uendicatio. ff. de rei uendi. pro cuius intellectu, uide unum singulare uerbū per Ias. in l. si grege. in iij. not. de lega. j. uel in actione de dote. de qua in l. quod dicitur. la. j. ff. de impen. in re. dota. factis. notat Bartol. in rubric. ff. solu. matr. ad fi. Alia dicitur uniuersalis accidentaliter; id est, non ex sui natura, sed mediāte aliquo facto hominis: ut exemplificare potes, in actione ex testamento contra hæredem rogatum restituere ex Trebelliano hæreditatē. de qua toto tit. ff. & c. ad Trebel. & in l. i. de fideicom. hæredit. uel in actione ex empto contra uenditorem hæreditatis. de qua toto tit. ff. de hæredita. uel actio. uendi. præsertim in l. ij. Hanc distinctionem legi apud Dominum meum Ripā (ne tacito autore pertranscam, licet aliqua addiderim) in d. l. edita. colum. xij. in prin. glos. magnæ. de eden. Quædam, & secundo, est actio generalis. * quæ secundum aliquos dicitur illa, sub cuius generalitate singulæ res sunt considerabiles; uel quæ sub sui generalitate plura apta est actu comprehendere. Exemplum in tex. nostro, in quo sub generali actione tutelæ, multæ species comprehendi possunt; uel in actione pro socio, aut nego. gestorū.

- storum de quibus est tex. no. in l. pro socio arbiter. ff. pro so-
 cio. Et ista generalis * differt ab uniuersali: quia hæc non re-
 cipit augmentum uel diminutionem: ut est text. hic, & in l.
 lucius. §. tutelæ. ff. de admi. tuto. illa uerò sic: ut est tex. in di-
 cta l. iij. & in d. l. quod dicitur. & est tex. clarus in l. si ex quo-
 bus. §. j. ff. de pecu. Est & alia differentia: quia in prima, multa
 transeunt cum uniuersitate, quæ aliàs non uenirent. l. in mo-
 dicis. ubi Accur. not. ff. de contrahen. emptio. c. ex literis. ex-
 trà de iur. patro. in hac uerò secus: quia multa bene compre-
 hendi possent in specie, quæ in uniuerso non uenirent: ut in
 tex. nostro facit l. obligatione generali. ff. de pigno. & hanc
 differentiam sensit Paul. Castr. in l. j. in fi. prin. ff. de offi. cius
 5 cui man. est iurisd. Alia & tertia est actio singularis, * quam
 tamen iurisconsult. in dicta l. pro socio arbiter. specialē uocat.
 Et ista est, quæ in se tantum continet singulare subiectum:
 quum in ea ueniat designanda, & specificanda res per signa
 particularia: ueluti in actione mandati, commodati, & depo-
 siti, ac similibus. de quibus mentio habetur in dicta l. pro so-
 cio arbiter. uel potest poni exēplum in actione empti & uen-
 diti, pro re particulari, ut toto titu. de actio. emptio. His sic
 præmissis, diuiditur lex nostra in duas. In prima thematis
 tacitè illatī decisio: in secunda decisionis illatio & effectus,
 secunda ibi, et ideo. Patitur tres intellectus: ut in glos. habes.
 6 * Secundus communiter recipitur, quem & uerissimum pu-
 to, per illa uerba, Si de specie de qua agis, in iudicio priori
 tractatum non esse allegas. quæ non possunt accommodari
 primo intellectui: nam si actum esset generaliter sine specifi-
 catione, in illo genere indifferenter omnes species fuissent
 comprehensæ: nec iste Valerianus allegare, aut probare pos-
 set de specie, de qua agere intēdit, in priori iudicio tractatum
 non fuisse. Et secundum hunc intellectum hoc dicit, in sum-
 ma: Absolutoria in actione generali lata, ad prosecutionem tantū,
 exceptionē rei iudicatæ efficacem parit. Calus sic figuratur:
 7 * Maior factus xiiij. cōtra tutorem egit actione generali tu-
 telæ: in prosecutione causæ expressit, tutorem male adminis-
 trasse

strasse tutelam in re uinaria, ut quia eius culpa, aut dolo perierant uina; ob quod petijt tutorem cōdemnari; quo tamen intentionem suam non probante, absolutus fuit tutor; comperijt post rem iudicatam adustus; tutorē in alijs speciebus (puta frumēto & oleo) male se gessisse; quare uolebat ad hæc male administrata repetenda admitti. Videbatur pro ratione dubitandi dicendum, hunc aditum debere repelli; nam nouatio necessaria, quæ fit per sententiā absolutoriam in fauorem rei, operatur, ut à prima obligatione cōseatur recessum, & actor denuo agens excep. rei iudicatæ repellatur; ut dixit Accur. in l. j. suprad. eod. in glos. si. uers. fit quoque necessaria. Præterea absurdum & inciuile est, ut sæpius de eiusdem hominis admissio quæratür, inquit Vulp. in l. licet. ad fin. ff. nau. caupo. stabu. Absortum ergo uidetur, ut sæpius de male administrata tutela, postq̃ semel absolutus fuit, tutor inquietetur. His & similibus non obstantibus contrarium decidunt Seuer. & Anto. Imperatores, dicentes: Licet accepto, &c. Et antequam ueniam ad rationem decidendi, respōdeo contrarijs. Non obstat ergo primitiuū fundamentū: nam fateor comperere absoluto excep. rei iud. uere & cum effectu, ad ea, super quibus ipsa absolutoria est lata; sed ad ea, de quibus non fuit actum, competit nulliter tamē & sine effectu, ut hoc tex. iuncta glos. penul. & d. l. lucius. §. tutelæ. Paria ergo sunt alia quid non competere, & cōpetere, sed sine effectu. l. aliquando. §. j. ff. ad uelleia. addo, quia ad tollendam uel inducendam obligationem non modus, sed effectus attendi debet. l. cum seruus. ff. de uerbo. obliga. Non obstat ratio l. licet. §. fin. quia loquitur quādo unum tantū factum intercessit; & non compererat actio seu accusatio ad plura delicta; & ideo super eodem admissio amplius quæredum non est. l. si cui. §. j. de accu. Nos uerò loquimur quando plura facta intercesserint; & ideo absolutoria lata in uno, non patit excep. rei iudicatæ in alio; quum facta sint diuersa, & separatorum separata debeat esse ratio. l. si. ff. de calum. l. si maritus. la. j. c. de dona. inter uirum & uxorem. Et si uis scire, quamnam dici debeant plura facta,

& diuersa, & non unum, ad hoc ut quis pro unoquoque teneatur: uideas text. in l. si familia. ubi Docto. multa utilia dicunt. ff. de iurisd. omnium iudi. Ratio decidendi potuit esse, & quidem notanda. * per quam edocebitur contra Paul. Castr. & ceteros hic, dispositionem l. nostrae non solum de arquiteate, sed & de rigore iuris procedere: quia per iudicium quod litis contestatione fit, quasi contrahitur. l. ii. §. idem scribit. ff. de peculio. In isto quasi contractu inspicitur potius, quid senserit actor, quam reus: per rationem iuriscōsul. positam in l. inter stipulantem, §. j. ff. de uerbo. obliga. facit text. in l. si quis intentione. ff. eo. Si ergo istud in casu dubio, procedit per illa iura, quanto fortius procedet in terminis. l. nostrae. ubi manifeste constat de mēte actoris, qui specificando certum casum, uoluit tantummodo super eo iudicium procedere, & sortiri effectum. l. si ex testamento. ff. de excep. rei iudi. l. & an eandem. §. actiones. eod. titu. species igitur ommissa & in iudicium non deducta, habebitur pro ommissa, argu. l. commodissime. ff. de liber. & posthu. & l. si extraneus. ff. de condi. ob causam. faciunt pro hac decisione, quae tradit Decius in c. qua fronte. col. ij. ad medium. extra de appella. Non est ergo dicendum, quod iudex, qui uidet certam tantum speciem in iudiciū deductam, uoluerit reū ultra id, quod fuit in prosecutione comprehensum, absoluerit. l. si, c. de fideicom. liber. Et per hanc patet responsio ad dictum Paul. Castr. dum inquit: quod de rigore iuris iudex bene censetur sensisse, de omni specie, quae sub actione generali poterat comprehendī. Fateor tamen ipsius sententiam procedere fortē posse, ubi generaliter nulla facta specificatione secundum primum intellectum, actio tutelae foret intentata. Nec obstat l. sub pretextu. la. ij. supra de transact. quia ad eam patet responsio, ex Accur. ibi, Quicquid sit, non discedas à sentētia Docto. per tex. nostrum, & in d. l. lucius. §. tutelae. qui praesupponunt dari exceptionē & replicationem doli: quod non esset necessarium: si de rigore iuris, de speciebus ommissis non censeretur actum. Noto primò ex hoc tex. * quod actione generali tutelae intentata per sententiam

tiam absolutoriam, ipso iure actio ipsa nō extinguit, sed ope excep. istudq; in quacunque actione generale est: ut patet ex rubri. cum nigro. ff. de exceptione rei iudicatæ. Et est annotandum, magnam esse differentiam, * an remedium aliquod¹⁰ ipso iure competat, uel ope exceptionis: quia si cōpetat ipso iure, etiam quod nō opponatur, non præiudicat: secus si ope exceptionis, ut est theorica Bartol. in l. cum qui ita. §. qui ita. uersicu. moueo tibi unum dubium. ff. de uerborum obliga. tradit Areti. in §. omnis stipulatio. colum. ij. Instit. de uerbo, oblig. refert, & sequitur Decius. in l. j. colum. ij. suprà de pact. Noto secundò, quod contra istam exceptionem rei iudica. obstat replicatio doli, quantum ad ea, quæ in iudicio nō fuerunt specificata, concor. tex. quem perpetuò notabis, in dicta l. lucius. §. tutelæ. ff. de admini. tuto. ex quo puto decisionem huius text. sumptam fuisse. Istud notabile pulchrè limitant Alexan. & Iaso. hîc diuersis modis. Dic ut per eos. in tex. ibi, iudice accepto. Quoniam pacto hæc uerba intelligi debeant, ne prolixius insistamus, uide per Ias. qui succinctè, & eleganter exponit. Item ibi, Si rursus. * Aduertendū est uideri tex.¹¹ contra communem Docto. sententiam in l. edita. in materia emēdationis libelli. suprà de edē. quod in generalibus actionibus post litem cōtestatam non admittatur libelli emendatio in non deductis: sed alia interpellatione opus sit. Istud annuit dictio, rursus; cuius natura est, ut in duabus uicibus uerificetur. l. fideicommiss. §. si quis decem. ff. de legatis ij. ubi Bartol. not. clarius istud probant illa uerba, In iudicio priori: quæ præsupponunt prius iudiciū perfectum & consummatum. sine quibus illa uerba, Si rursus eundem iudicem petieris: non obstarēt: quia possent intelligi, Petieris, in eodem iudicio: addendo, libello iam porrecto: & sic in duobus actibus separatis uerificarentur. Quicquid sit, decisio communis uera in se est: quod post litem contestatam admittatur emendatio, ut uno ore, in dicta l. edita. concludunt Docto. Nec obstat hic tex. quia est extra terminos quæstio, nostræ: ut etiam aduerterūt ibi moder. nostri præceptores: ipsi enim

loquuntur post litem contestatam, & ante conclusionem in causa, seu sententiam, nos autem in hac l. & post litem contestatam, & post finitum iudicium per sententiam; quo casu fatuum esset dicere, quod admittatur emendatio: ut per eosdem ibi, per hunc nostrum tex. Verum tamen est, quod lex nullo pacto potest probare communem, nisi in istis uerbis, si de specie, de qua agis, in iudicio priori tractatum non esse allegas; Subaudiendo, in libello porrecto, uel in emendatione facta post litem contestatam ad eum. Quæ subauditio quum literæ applaudit, tolerari potest: quinimo hunc intellectum conuiuentibus oculis admittere cogimur, ut suo loco liquidissimè quandoque parati sumus edocere, in tex. ibi:

12 non inutiliter, Nota id, quod passim dici solet: * Duas negationes idem operari quod assertio, seu affirmatio, tex. est qui hoc expresse dicit, in l. duobus, ff. de uerborum significatione, ubi Bar. not. & dicit, quod si sint tres negationes, duæ affirmant, & alia eas destruit: & sic remanet negatiua, per tex. quos adducit, cui adde Fely, in proce, Decreta, col. iij.

L. A IUDICE.

- 1 Iudex ordinarius quis dicatur. Et quis delegatus.
- 2 Legatorum diuersæ species, pulchro ordine distinctæ.
- 3 Terminus delegare æquiuocus.
- 4 Quatuor notabilia ex tex. selecta.

A iudice. Quia materia huius legis plenissimè in locis ordinarijs habetur: ideo leui pede pertrāsibo, ea tantum adducens, quæ pro iunioribus facere uidebuntur. Premitto ergo pro terminorum intelligentia, quia uerba sumus facturi de ordinarijs iudicibus, delegatis, & legatis; qui sint & dicantur hi. * Breuiter dico, quod iudex ordinarius dicitur is, qui à lege constituitur, cum potestate, causam ad suam iurisdictionem pertinentem delegandi. Hæc descriptio probatur in l.

in l. more. ff. de iurisdic. omn. iudic. & in l. j. in princ. infra qui pro sua iurisdic. Et quod dico à lege, intellige uiua, ut puta à principe, uel mortua, quæ acquirantur. §. fin. in autent. de consul. coll. iij. l. de precatio. ff. ad leg. rhod. de fact. de quo per Specu. in tit. de offic. ordin. §. j. in princ. & in titu. de iurisdic. omn. iudic. §. j. in j. uersic. Delegatus uerò dicitur, secundum compatriotam meum dominum Card. Hostien. ut refert Pas norm. in rub. de offic. deleg. is cui causa decidenda, seu exequenda committitur, uices alterius representans, & proprium nihil habens. Probatur hæc descriptio, seu diffinitio in l. j. §. qui mandatam. & in l. & si prætor. & in l. fi. ff. de offi. eius cui mand. est iurisdic. quam diffinitionem, et si aliqui in rub. eod. tit. subuere conentur: eam tamen & bene sustinet Decius in d. rub. col. fi. de offic. deleg. Horumq; delegatorum principalis est diuisio: quod aliqui à principe constituuntur delegati: alij uerò ab inferioribus à principe, ut hoc nostro text. & in d. l. j. infra qui pro sua iurisdic. Legati uerò, * quantum ad ius ciuile attinet, in duplici comperiuntur differentia: alius enim est legatus largè, qui mittitur à principe, seu à ciuitate, ad alios principes uel ciuitates, personam mittentis, præsertim in proferendo, representans. Et tales uulgo appellamus ambasiatores. Latini uerò oratores dicunt. Hinc poeta, Centum oratores uenerant ab urbe Latina. De his legatis uarijs in locis apud iurisconsult. mentio fit: principaliter in titul. de legationibus. & in l. ij. §. legatis. & in alijs pluribus legibus illius tit. ff. de iudic. Et hos, quum sancti dicantur, nullo pacto pulsare, aut uiolare licet. l. sanctum. ff. de rerum diui. l. fin. de legatio. Alius & strictè, in iure ciuili dicitur legatus proconsulis: de quo in rubr. & nigro. ff. & c. de offic. proconsul. & legatis. & de isto uerba faciunt Accur. & docto. hic. De iure autem canonico principaliter quoque legati in duo sciunduntur genera. Aliqui enim similes sunt his, de quibus supra primo membro diximus: & istos iura canonica missos solent appellare, cap. constitutio. ibi, missorum nostrorum. l. xij. distinct. Curia uerò Romana nuncios uocitare consueuit: quod nomen &

iuri, & etymologiae conueniens est. Congruentius tamē eos legatos simpliciter appellari censerem; ut quia honestius nomen legati, quā nūcij sit. & de his meminit generaliter Gratianus in cap. ius gentium. prima distinct. Alij dicuntur legati, Iudices ordinarij, quos Papa facit in prouincijs: & isti sunt in triplici differētia. Alij enim dicuntur legati de latere sanctissimi domini nostri: quibus tum ob dignitatē galeri, tum ob personae industriam, prouinciarum administrationes, laxatis habentis, creduntur. & de his passim in tit. de offic. legati, mentio habetur: praesertim in c. j. ult. responso. eod. tit. in sexto, hijs proconsulibus æquiparantur. c. ij. eod. tit. Et inter cetera priuilegia, quae istis reuerendis, dominis Cardin. competere, uarijs locis tradunt docto. nostri. Annotandum est unum, quod Cardinalis si occurrat alicui, qui ducatur ad locum supplicij, ut ibi morti tradatur, potest talem à maioribus familiae eripere, imponendo galerum in caput eius. Ista fuit elegans decisio Bald. quam refert, & ita dicit de facto seruari Paul. Castr. in l. addictos. in princ. infra de appella. Non dedignantur igitur reuerendis, domini mei, tanto priuilegio condonati, qui nolle debēt mortem peccatoris: miseros, quos non dolo malo, sed leuitate, aut incōsulto calore aliquid perpetrasse constat, à mortis cruciату liberos reddere. Alios quos, & loco secundo dicimus legatos natos: qui ratione dignitatis ubi primum archiepiscopatu adepti sunt, in eorum prouincia ipso iure legati efficiuntur. secundum Panorm. in c. j. col. ij. in j. notab. de offi. leg. ubi dicitur de Archiepiscopo Cantuariensi. Facit text. in c. j. qui loquitur de Archiepiscopo Eboracenensi, extra de appel. ubi Decius. iij. not. Alij postremo sunt legati, nec de latere, nec nati, sed qui tertiam speciem de per se faciunt: quos Specul. in tit. de legato. §. sequitur uidere, constitutos nuncupat, dicens eos minores fore: de quibus in c. uolentes. eod. ti. Et de potestate omnium istorum legatorum circa absolutionem ab excommunicatione, praesertim ob iniectionem manuum in clericum, uide text. & ibi not. in c. pen. eo. tit. de offi. leg. Et de potestate eorum in con

in conferendis beneficijs. pulchrè in c.j. eodem tit. lib. vi. per Spec. in d. tit. §. nunc tractemus. Secundò habes pramittere, *quòd terminus delegare, & delegatus, est æquiuocus: & adaptatur ad multa; propriè tamè delegare est uice sua alium dare reum creditori, uel cui iusserit. l. delegare. ff. de nouat. & toto titul. Impropriè uerò accipitur in materia nostra; quando quis habet iudicandi auctoritatem, & illam alteri committit, secundum Decium in rub. extrà de offic. delega. col. fin. in princ. per text. in l. præcipimus. infrà de appell. quod intellige secundum decisionem text. in d. l. j. infrà qui pro sua iurisdic. Improprijsimè uerò sumi potest delegare, pro omni eo quod in alterius locum subrogatur. exemplum in. §. fuerat. Instit. de acti. ubi una actio loco alterius ponitur: & sic delegatur, ex generalitate huius locutionis. Nam & doctorem delegatum in scholis appellamus, qui alterius iure legendi munere fungatur. Noto primò ex hoc text. *regulam indubitabilè: quod iudex ordinarius potest delegare, dum in primis uerbis præsupponitur, delegatū à iudice datum. De hoc iura sunt clara, in rubr. & nigro. ff. de offic. eius cui mand. est iurisdic. in l. more. cum sequen. ff. de iurisdic. om. iudic. & in d. l. j. qui pro sua iurisdic. Noto secundò, quòd delegatus ab ordinario non potest subdelegare. Concordan. habes hñc in ij. glos. quod amplia, & limita, ut per Alex. & Ias. hñc copiosissimè. Tertiò nota, quòd delegatus non dicitur fungi iurisdictione sua, quum de causa sibi madata cognoscit: sed delegantis. Hoc uult Imper. in illis uerbis: Cum ipse iudiciario munere fungatur. concor. tex. quos suprà adduxi, in l. j. §. qui mandam. & in l. & si prætor. ff. de offic. eius. & in l. solet. secundo respons. ff. de iurisdic. om. iudic. Noto quartò, quòd delegatus à principe potest alium sui loco subdelegare. Text. habes similem in d. l. j. in fin. infrà qui pro sua iurisdic. concor. text. in c. pastoralis. in c. fin. in princip. extrà de offic. deleg. & in c. cum causam. ad fin. extrà de appella. Cætera dic, ut per scrib. hic: & latius per Decium qui propriā huius legis materiam commentari uidetur, in c. si pro debilitate. de offic. deleg.

l. placuit.

- 1 Aequitas duobus modis dicitur. Et eius descriptio.
- 2 Rigor tribus modis in iure accipitur. Et quomodo in l. nostra.
- 3 Ius quid sit. Et eius species.
- 4 Dispensatio, quoniam dici mereatur. Et de eius materia, remissive.
- 5 Aequitas scripta praefertur rigori scripto. Ampliatur quatuor modis.
- 6 Aequitas non scripta praefertur debet rigori, etiam non scripto.
- 7 Intellectus ad l. quod si Ephesi. §. fin. ff. de eo quod certo loco.
- 8 Rigor scriptus praefertur aequitati non scriptae.
- 9 Rigor scriptus in specie, an et quando aequitati scriptae in genere antea ponatur.
- 10 Rigor ultimo loco scriptus, an proferatur aequitati priori loco scriptae, quod non. Aduersus Alex. et 14f.
- 11 In arbitrariis attendit iudex, quod uult: uel rigorem, uel aequitatem.
- 12 Rigor iuris civilis, in plerisque casibus de equitate canonica cessat.
- 13 Limitatio ad glos. in autent. ut sine prohib. matr. debet. in princ.

Placuit. Tractaturis nobis difficilem aequitatis, rigorisq; materiam, necessario sciendum est, habere nos quatuor terminos differētes: Aequitatem scilicet, Rigorem, Ius, & Dispensationem. Et in primis reperio, aequitatē duobus modis dici: primo quo ad deum: secundo quo ad homines. Quae ad deum refertur, ita à Hieronym. in Cantica canticorum describitur: Aequitas est, quae mandata custodit, & diligit CHRISTVM: quod utinam recte adimpleamus. & de hac uerba non sumus facturī. Quae uero ad homines refertur, hoc modo ab Accurs. hic diffinitur: Aequitas est rerum conuenientia, quae in paribus causis paria iura desiderat. Et reperio apud quendam moder. Alenconien. plenius à Polycrato lib. iij. cap. ij. diffiniri: inquit ille: Aequitas est rerum conuenientia, quae cuncta aequiparat ratione: & in paribus rebus, paria iura desiderat: in omnes aequalis, unicuique tribuens quod est suum. Aliter diffinit Panorm. in c. fin. in uersic. sed quaero, extra de transact. & de hac loquimur nos, Rigor uero tribus modis accipi

*accipi potest: primò, pro stricto ordine iuris: secūdò, pro quadam iuris austeritate: tertio, pro quadam subtilitate iuris: ut edocet Panorm. in c. super literis. iij. not. extra de rescrip. & in c. si clericus laicum. col. ij. de foro comp. Quantum ad positum attinet, credo rigore accipi in duobus primis significatis: non tamen exemplificando prout facit Panor. sed hoc modo: Pone exemplum clarum in usucapione: certè est ea austerà, & de stricto iuris ordine, ut quis amittat suum, & cum aliena iactura aliquis locupletetur. l. nā hoc natura. ff. de consdict. indeb. & tamen statutum fuit, ut per spatium temporis, dominio rei suæ quis priuetur: adhibita distinctione, de qua in princ. Instit. de usucap. cum concord. Tertium membrum, materiæ nostræ non quadrat: ut quia illa perniciosa & irrationabilis iuris subtilitas omnino non sit admittenda. l. si seruus. §. sequitur. ff. de uerb. oblig. de qua subtilitate, quando sit digna, ut admittatur, uel repellatur, uide per docto. in c. dilecti, maximè per Panorm. col. iij. de iudic. & per dominum meum Ripam nouissimè, in rubr. col. j. ff. ad trebellia. Et aduerte, quod rigor iste non appellatur ius, sed iuris excessus. glos. ubi Archid. not. in ca. ut constitueretur. l. distincti. quod tamen intellige, ut infra in secunda cōclusionē declarabimus. Tertio habemus ius * quod ante æquitatem & rigorem proditū est: ut quia in eo de æquitate, rigoreq; tractetur. Istudq; a Cello diffinitur (ut refert Vlpian. in l. j. ff. de iustit. & iur.) quod est ars boni & æqui, &c. id quoque medium inter cætera fore, asserit glos. in d. cap. ut constitueretur. Et est istud ius multiplex: Aliud bonum & æquum simul: aliud bonum & non æquum: est & æquum & non bonum: quantum æquo æquius, quod prosequere ut per Accurs. in l. j. in uers. ius est. ff. de iustit. & iur. Quarto extat dispensatio, * quæ fuit introducta contra ius, quum sit iuris relaxatio, & hæc nisi causa urgente, concedi non debet: alioquin dissipatio dici meretur. glos. in d. c. ut constitueretur. ad finem. Panorm. in c. cum nobis. colum. ij. not. x. de election. de qua dispensatione loquitur text. in cap. requiritis, §. nisi rigor (ubi glos. not.)

j.q.vij. latissimè Specul.in titul.de dispensatione.per totum.
 ponit Decius post alios notatu digna. in capit.at si clerici. §.
 de adulterijs. extra de iudic.& talis dispensatio, quum contra
 iuris dispositionem ueniat, dicitur stricti iuris & odiosa. c.j.
 §. fin. de filiis presbyter. lib. sexto. His sic præmissis uenio ad
 propriam materiam legis nostræ: quæ non diuiditur, quum
 unico cōtextu legatur. Summatur hoc modo secundum Sa-
 lice. Alexand. & Iaso. Aequitas præfertur rigori. Bald. uerò
 & Paul. Castren. ita summant: Aequitas scripta præfertur ri-
 gori scripto. Et istud summarium tutius puto, & magis lite-
 ræ conueniens. Aliud uerò nimis generale est: ut quia sit das-
 re casus, in quibus æquitas rigori non præferatur: ut infrà
 demonstrabimus: & lex nostra, quæ de æquitate, rigoreq;
 scriptis loquitur, illud non admittit. Saluari possunt, ut intel-
 lexerint, æquitas præfertur rigori: scilicet, in paribus termi-
 nis: & hoc modo procedet summarium. Aliter summat Bar-
 tol. qui in hac lege nihil dicit, sed se remittit ad dicta per eum:
 ubi etiam alij docto. plenius tractant, in l.j. suprà de legib. cu-
 ius summarium, ita ut sonat intellectum, non recipio: dice-
 mus statim in prima conclusione. Casus potest figurari tot
 modis, quot exemplis utitur Accurs. in glos. in omnibus.
 Vel duobus modis principalioribus, secundum duos intel-
 lectus Accur. in glos. j. tene primum, qui & hic, & in d.l.j. cō-
 muniter recipitur: & secundum eum pone casum per te. Ex
 text. glosis & doctrina scriben. hic, & in d.l.j. suprà de legib.
 & in l. si seruum. §. sequitur. ff. de uerb. obligatio. Decij in l. in
 omnibus quidem. ff. de reg. iur. Canonistarum in c. ex parte.
 il. secundo, extra de offic. delega. & latius in c. fin. de transact.
 Breuiter colligo sequentes conclusiones. Prima igitur erit
 cōclusio: *Aequitas scripta præfertur rigori scripto. Funda-
 mentum huius conclusionis, nullibi in iure ita clarè percipi-
 tur, sicuti in hoc text. & ultra concord. adductos per Accur.
 adde duos, qui clarius probant, in l. si tibi. & in l. si & me &
 titium. ff. si certum petatur. ubi scriptus erat rigor, scripta
 quoque fuit æquitas, quæ attendi debet, ad idem alius bonus
 text.

text. in l. si fundus. §. si pluris. ff. de pignor. Nec obstat si diceres, tex. nostrum non probare expresse rigorem scriptum; sicut æquitatem sub illis uerbis, quam stricti iuris rationem; ut uelle uidetur Bart. dum summat; æquitas scripta præferatur rigori, quia respondeo, quod ius scriptum nil aliud est, quam rigor iuris; qui dicitur decisio quædam, quæ sit secundum regulas iuris scriptas, secundum doctrinam ipsius Bar. in d. l. j. ad fin. supra de legibus. Præterea quum rigor non est scriptus in iure, non potest dici rigor iuris: sed dici debet rigor simpliciter; quum priuatio præsupponat habitum. §. seruus. instit. de cap. dimi. cum concord. & non entis nullæ sint qualitates. l. eius qui in prouincia. uers. quoniam nō possunt. ff. si certum pet. quum ergo text. dicat stricti iuris, debemus intelligere de scripto. Aduertendum quoque est ad unum; nam Accur. exemplificat tex. nostrum, per l. si seruum. §. sequitur. ff. de uerb. oblig. quod uidetur contra ea, quæ dixi in euidentibus, dum de rigore tractaui. Puto pro resolutione ita dici debere: Aut sumus in terminis, in quibus æquitas uenit præponenda rigori: & tunc fateor, appellatione stricti iuris uenire illam perniciosam & irrationabilem subtilitatem, ut quia agatur de odio excludendo; & ita procedat §. sequitur. Aut sumus in terminis, in quibus rigor anteponitur æquitati: & tunc dico, quod sub rigore iuris non comprehenditur illa perniciosa & irrationabilis subtilitas, ut quia ageretur de infestissimo odio admittendo. arg. text. in l. cum quisdam. ff. de liber. & posthum. quod enim ratione caret, extirpandum est. cap. corepiscopi. lxviij. distinct. nec obstat text. in l. prospexit. in princip. ff. qui & à quibus manumiss. liber. non fiunt. ibi, Quod quidem perquam durum est: sed ita lex scripta est, quia illa uerba talem recipiunt sensum; Perquam durum est: id est, ab æquitatis ratione deuium; non autem perniciosum, & irrationabile; quia non sine aliqua ratione ita ibi statutum fuit. cap. erit autem lex. iiij. distinct. & dicemus infra, in tertia conclusione. cogita tamen super his; quia nullibi à doct. tanguntur, Ampliatur nunc ista conclusio per

Accursus, ut generaliter procedat in omnibus causis tam ciuilibus, quàm criminalibus; & tam publicis, quàm priuatis: propter ea uerba, In omnibus rebus. Et ideo extendit Iason post ceteros, ut procedat etiam in contractibus. per l. ij. ubi Bald. not. infra de rescindend. uendition. melius dixissent doctores in distractibus, quantum ad illum textum attinet, attempta dispositione legis, & natura tituli sub qua est situata: quum ibi de distrahendo, non de contrahendo agatur. arg. l. imperator. ff. de in diem adiectio. non tamen, quin in contractibus conclusio procedat, negandum est: quum id toto iure ciuili ita se habeat, ut uerbis Pompon. utar in l. alienatio. ff. de contrahend. emptione. Ampliatur tertio, ut etiam procedat in ultimis uoluntatibus: quum de contractibus ad ultimas uoluntates ex identitate rationis liceat argumentari. l. seruum filij. §. cum qui chirographum. ff. de leg. primo. glos. fin. instit. de lege fusia cani. tollen. & ne eamus per arguta, est casus rotundus in l. cum auus. ff. de condition. & demonstration. & in l. cum acutissimi. c. de fideicommissis. Amplio & quarto, ut conclusio nostra procedat generalissimè, in pactis, statutis, rescriptis, priuilegijs, & si quæ sint similia, ut in eis æquitas attendatur. Hoc mihi probat iste text. in illa actione, omnibus: quæ est generalis, nihil penitus excludens. l. hoc articulo. ff. de hæredi. instituend. capitul. si Romanorum. xix. distinct. suadeturq; istud ex ea dictione, rebus: quæ adeò est generalis, ut etiam personas comprehendat. l. omnia. §. fin. ff. de legatis secundo. notat Decius in cap. ij. in princip. extra de constitutionib. Secunda sit conclusio: * Æquitas in iure non scripta, præferri debet rigori, etiam non scripto. Fundatur hæc conclusio per textum in l. secunda. §. item uarrus. ff. de aqua pluuiæ arcen. ibi, Hæc æquitas suggerit, etiam si iure stricto deficiamus. Suggesti enim dicitur, quod scriptum non est, ut notat Accursus. in l. ij. in prima glos. c. de legi. ad idem text. in cap. fin. de trans actionib. ibi, In his uero super quibus ius non inuenitur expressum, procedas æquitate seruata, semper in humaniorem partem

partem declinādo. Nec obstarēt, si dīceres, quōd ille tex. non loquitur de rigore iuris, sed de iure simpliciter: eō quia rigor non sit ius, sed iuris excessus, ut diximus in euidentialibus; quia respondeo ius ibi assumi pro rigore ipso iuris, ut subiecta materia demonstrat, ut est tex. clarus in l. j. suprà de legi. & in d. l. si seruum. §. sequitur. iuncta glos. de uerborum obli. Declarat pulchrè Panor. in d. c. si. uer. si. & scias quōd quādoq; & hanc conclusionem firmat ibi Bernar. in glo. æquitas te. Sequuntur communiter Docto. in d. l. j. de legi. Ad idem adduci solet text. in l. quod si Ephesi. §. si. ff. de eo quod cer. loco. intelligendo tamen cum tex. prout facit Decius, contra Panor. & communem. in c. ex parte. il. ij. colum. j. de offic. delega. quōd non loquatur de æquitate informata à iure, sed de æquitate simplici. Quam Decij sententiam ego sequor: quia si intellexerimus ibi de æquitate informata, id est, quæ accipiat formam & declarationem limitatam à iure, erit illa æquitas in iure scripta, à qua iudici non liceret recedere, per l. nostram; cuius cōtrarium præsupponit ille tex. in ea dictione, quoque, quæ de sui natura est implicatiua, ut inquit Bart. per illum tex. in l. labeo. ff. de pactis. l. aso. in l. si arrogator. colum. iij. ff. de adoptio. nec obstat, uerbum debet ibi positum, quod si materia exigat, potius honestatem quàm necessitatem importare habet, ut fuit de mente Panormita. in c. si uir. in fi. de adulte. Ego tamen puto dictam l. quod si Ephesi, ad hanc conclusionem non bene adaptari, stante hac declaratione, quinimo potius ad ultimam, ubi de arbitrarijs tractabimus, ut quia in terminis conclusionis nostræ æquitas semper seruanda sit, dicto c. si. ad si. ponderando ibi dictionē, semper, quæ regulariter continuum factum, & non uarietatem, seu interpellationem designat. l. j. in iij. responso. ff. de fluminis. ponit Bartol. in l. j. colum. v. ff. soluto matrimo. Ratio fundamentalis harum duarum conclusionum stat in hoc potissimum, quia in casibus dubijs, prout in istis, benigniorem sententiā assumere debemus, uulg. l. arrianus. ff. de uerborum obligatio. l. semper in dubijs, cum concord. adductis ibi per

- 8 Decium, ff. de regulis iur. Tertia sit conclusio: * Rigor scriptus præfertur æquitati non scriptæ. l. prospexit. in princip. ff. qui & à quibus manumif. ibi, Quod quidem perquam durum, & c. l. j. secundum primum intellectum, cum concordant. adductis per Accur. c. de legi. facit tex. in c. ij. vj. quæstio. iij. Ratio fundamentalis huius conclusionis est, quia expressum facit cessare tacitum. l. cum ex filio. §. filio impuberi. ff. de vulga. & pupilla. & dato quod iste rigor scriptus uideatur forsitan absurdus; attamen non est sine ratione & causa scriptus, cap. erit autem lex. iij. distin. non enim esset recipiendum quod omnino ratione careret, cap. corepiscopi. lxviij. distinctio. cap. peruenit. de censibus. facit l. dotem. ff. soluto matri. quod ergo legum conditoribus placuit, obseruandum est. l. leges. la. j. c. de legi. §. sed quod principi, insti. de iure natu. & c. Et in hac conclusione, quum passim recipiatur, prolixius non insisto. Quare
- 9 tam formo conclusionem: * Rigor scriptus in specie, anteponi debet æquitati scriptæ in genere. Fundamentum huius conclusionis sumi potest ex infinitis iuribus, sed nullibi ita clare, ut in l. j. ff. de usucap. nam ibi rigor iuris in specie, ob causas in ea lege adductas, scriptus est. Aequitas quoque generalis, in l. nam hoc natura. ff. de conditione indebi. scripta fuit; ne quis scilicet cum iactura aliena luctum caperet; & tamen, inquit Bartol. in dicta l. j. ea æquitas generaliter posita cedit rigori in specie scripto. sequitur Iaso. in dicta l. nam hoc natura. quam legit sub l. naturaliter. ff. de cōdictione. inde. approbant; istud scrib. hic, & in dicta l. j. de legib. Et si istud in rigore procedit. longè fortius, & sine dubio, locū sibi uendicabit in æquitate in specie scripta, ut est casus notan. & ad literam, in l. nonnunquam. ff. de colla. bonorum. Ratio fundamentalis huiusce cōclusionis est; quia generi per speciem derogatur. l. in toto. ff. de regulis iur. c. generi. cod. tit. lib. vj. quod enim specialiter declaratur, maioris est potentiae, quàm quod in genere prædicatur. l. ij. c. de seruo pigno. dato manumif.
- 10 Quinta erit conclusio: * Rigor ultimo loco scriptus, uenit

uenit præferendus æquitati, priori loco scriptæ. Fundatur hæc conclusio ex glos. in c. extirpandæ. §. fina. in glos. magna. ibi, sed hic rigor. extra de præben. Ratio fundamentalis uis detur, quia ultima prioribus derogant. §. posteriore. instit. de testa. l. illud. ff. de pericu. & commo. rei uendi. & cum hac conclusionem transeunt Alexand. & Iaso. hic, Aduertendum est, quod Decius in reg. in omnibus quidem. in fin. ff. de regulis iuris. tenet indistincte, hanc conclusionem non fore ueram; quia id quod diximus, posteriora derogare prioribus, præsertim in legibus, cap. j. de constit. in vj. procedit quando lex posterior directo & expresse contrariatur priori; sed in terminis nostris rigor & æquitas non sunt directo contraria: quia diuerso fine & ratione æquitas temperat rigorem. Et hanc solutionem, licet Decius non dicat, uisus fuit à contrario sensu uoluisse Ioan. Andreæ. in glos. in dicto cap. j. in uersic. reuocare. ibi, In legibus autem contrarijs stamus ultimæ. & istud uoluit tex. ad literam, de quo miror, quod Decius non fecerit mentionem in l. sed & posteriores. ff. de legibus. Præterea intelligenda est glos. secundum tex. quem allegat Bart. in l. non solum. §. si liberationis. ff. de liber. lega. quum ergo glos. in dicto cap. extirpandæ. nihil alleget pro opinione sua, ei credendum non est, quum eius decisio probabilis tantum sit, & non necessaria, ut tradunt Docto. omnes in l. j. ff. si certum petat. comprobatur etiam hanc sententiam pulchro fundamento Decius: necnon & autoritate Panormi. Domi. de sancto Gemi. & Fely. in dicta l. in omnibus. Et ideo cōcludo hanc nostram aduersus Bernar. opinionē, de iure ueriores, & magis communem: quum plures, uel saltem tot eam tenuerint. Et ea dicitur magis communis, & sincera opinio, quæ maiori ratione, pietate, & autoritate nītitur, secundum glos. notan. in c. j. de his quæ fiunt à malo. part. capi. faciunt quæ elegantissimè ponit Do. Valericus Zazius in scholijs, ad l. ij. in uer. innotuare instituit. ff. de origi. iuris. Sexta & ultima sit conclusio: * In arbitrarijs omnia iudicantis arbitrio & discretionī committuntur, ut rigorem seruet, si uelit, uel nō seruet, sed æquitatem,

tatem. Istud uoluit Do. Iaso, hîc in ultimis uerbis, autoritate Anto. de Butr. & Bald. motus, qui tamen nil aliud adducit. Ego puto hanc conclusionem ueram, & clarè probari, in l. quod si Ephesi. §. fina. ff. de eo quod certo loco, inducendo illum text. & ponderando, ut feci suprà in secunda cōclusionē. Addo fortius, quia in eo titu. de arbitrarijs tractatur, & in eo præcipuè de rigore fit mentio, præsertim in l. non utiq. §. si. præmisso ergo rigore, Iurisconsul. in dicta l. quod si Ephesi. §. fina. monet, & dat potestatem iudici, inquit: In summa æquitatem quoq. ante oculos habere debet iudex, qui huic actioni addictus est. Ad idem text. in §. præterea quasdam, institutu. de actio. & ita puto procedere & debere intelligi tex. in autenti. iusiurand. quod præstatur ab his, circa medium, collatio. ij. in illis uerbis, Et omnem æquitatem seruabo, &c. fateor tamen & pedibus eo in sententiam Alberi. de Rosa. in d. l. quod si Ephesi, ut hæc conclusio nostra non intelligatur de æquitate cerebrina, & fantastica; sed de ea quæ iuris & rationis regulis claudatur; quæ ideo æquitas ob hoc negari nō potest, quin saltem largè capiendo, à iure informata dicatur: non tamen ita præcisè, ut arbitrati sunt Docto. ne aliàs arbitrarium in necessariū uertatur. Examinatis satis utiliter his conclusionibus, quæ substantiam totius materiæ continent, non est omittendum, * quod rigor iuris ciuiliis, in plerisq. casibus, de iure canonico, quod super æquitate fundatū est, non seruatur: unde rigor §. j. institutu. ui. bono. rapto. & l. si quis in tantam. c. unde ui. secundum canones non attenditur. glo. in cap. j. extra de dolo & contuma. similiter rigor l. j. ff. de eden. non obseruatur. cap. dilecti. de iudicijs, dixi in rub. suprà eod. colum. j. Quinimo fortius dixit indistinctè glos. in cap. sæpe, de restit. spolia. secundum canones, rigorem iuris ciuiliis non seruari. Nec etiā rigor ipsius iuris canonici, si rigor dici possit, semper attenditur, ut est tex. cum glos. not. in cap. fina. de

12

13

sententia excommu. Postremò sciendum est * per has cōclusiones restringendū esse dictum illud singulare, nimis tamen generale, glos. in autenti. ut sine prohi. matres debi. in princ. colla. vij.

colla. vij. Super uer. æstimamus, quod habet, Ineptum esse, nō fallere regulam, si æquitas dicter, ut intelligere debeamus Illud admittendum fore, ubi aliquæ ex his conclusionibus nō legerentur; aliàs secus ne tota materia hæc, in qua tot uiri illustres insudauere, unico uerbo destruat,ur.

L. PROPERANDVM.

- 1 Noua totius legis, properandum, diuisio.
- 2 Duplex instantiæ diffinitio cum etymologia.
- 3 Instantia duobus modis dici potest, largè & strictè.
- 4 Eremodicij descriptio, & etymologia.
- 5 Instantia hæc, an de iure ciuili esset cognita.
- 6 Rationes dubitandi, & decidendi.
- 7 Quenam dicatur causa finalis: & quæ impulsua.
- 8 Lites non debent esse immortales.
- 9 Causa inquisitionis an debeat terminari biennio.
- 10 L. properandum, an edita fuerit ante uel post l. fin. infra ut intra cer. temp. quæst. cri. Et an attendatur ordo in legibus.
- 11 Cause ciuiles, frequentiores sunt criminalibus.
- 12 Nouus intellectus ad ea uerba: Et sepe ipse materiam criminibus, &c.
- 13 An necessaria fuerit specificatio facta in uersis censibus.
- 14 Cause fiscales & similes non clauduntur triennio.
- 15 Quid de causis dotalibus, ecclesiæ, & ciuitatum.
- 16 Instantia initium sumit à litis contestatione.
- 17 Cause in quibus lis non contestatur, quo termino clauduntur.
- 18 Noua oppo. ad ultimam partem text.
- 19 Iudex habet potestatem in subditos, & ideo ei parendum est.
- 20 Tres pœnæ, quas incurrit nolens obedire iudici. Et ibi uide de contumacia, aliqua notatu digna.
- 21 Nō tenetur qs iudici, iniusta præcipiendi, obedire: quinimo obediēs plebitur.
- 22 Qui casus in glo. non meruerint pro fallentialibus adduci.
- 23 Autent. qui semel, an corrigat l. properandum.
- 24 Quid de autent. ei qui, C. de tempo. appella.

Properandum.

Re & fama, satis per
celebris est hæc lex:
continet enim mates

F riam

riam iudicalem utilissimam, scabrosam tamen: sine cuius cognitione, nec ad magistratum, nec ad patrocinium (nisi indignus) quis uocari poterit. Obiurgatum enim fuisse à Quinto Mutio Seruium Sulpitiū meminisse debemus: quod turpe foret patricio & nobili uiro, causas exoranti, ius in quo uersaretur, ignorare: ut refert Pompon. in l. ij. ff. de orig. iur. Quare totis uiribus, ad huius l. intelligentiam nobis propensandum est. Diuiditur tota hæc l. communi uoto scriben. in sex partes. ¹ Ego autem melius in octo partes scindi existimo. Nam in prima ponitur proœmium generale. In secunda meta instantiæ causæ ciuilis. In tertia pœna actoris, cuius cōsumaciā perit instantia. In quarta pœna rei, eodē modo cōsumaciis. In quinta ponitur generaliter de cōdemnatione expensarum. In sexta mulcta iudicis, cuius negligentia uel dolo lapsa est instantia. In septima quomodo puniatur patrocinus, cuius factio precepta est instantia. In octaua & ultima, quomodo subueniatur pupillis, uel adultis aduersus tutores, curatores, uel actores: quorum factio periit instantia. Secunda sibi, censemus. tertia ibi, & siquidem. quarta ibi, si uero reus. quinta ibi, siue autem alterutra. sexta ibi, si uero utraq. septima ibi, illo procul dubio. ultima ibi, si uero causæ. Habita hac generali diuisione, præmitto pro cognitione terminorum, quid sibi uelint hi termini. Instantia, & Eremodicium. ² Diffinitionem instantiæ apud aliquem, quem hactenus uiderim, tactam minimè legisse repeto. Ego uero ita diffinire posse autumo: Instantia est cursus temporis, in causis terminandis, à lege præfixus. Hæc diffinitio meo iudicio faciliè procedit, optimeq; cum suo diffinito conuertitur: & constat ex genere & differentiis, argum. l. j. §. dolum. ff. de dolo. & eorum, quæ not. Barto. in l. prima. ff. de testam. Quatenus autem ad propriam materiam l. nostræ attinet, ita plenius diffinitio: Instantia est terminus trium annorum, in causis ciuilibus decidendis, à lite contestata computandorum: in odium negligentia aut doli, actoris, iudicis, aduocati, uel rei: & ob publicam utilitatem à lege inductus

ductus, Probare hanc diffinitionem, superuacuum foret; tu ex ipsa l. nostra tota periculum facias. Dicitur autem instantia (ut arbitror) eo quia litigatores instare apud iudicem, & curare habeant, ut intra debitum tempus causa finem suscipiat per diffinitiuam sententiam; sicut in simili dicimus de eo, qui instantiter petere debet apostolos, c. ab eo, de appellatione. libro sexto. Et hæc quæ dixi, * sanè intelligenda sunt de instantia stricte sumpta; & sic quæ biennio, aut triennio claudatur; non autem de instantia largo modo sumpta, quam unusquisque actus iudiciarius recipere potest. Vt puta citatio habet suam instantiam: uidelicet quousque durat terminus datus ad comparandum, seu quousque fuerit comparitum: dum modò compareatur in termino. Istud uoluit Alexand. hic, licet ad aliud propositum. colum. ij. in principi. Eremodicium uerò ita describitur: * Est iudicium desertum. Etymologizatur autem ab eremo, hoc est, deserto, ut dixit Accursi, in l. & si sine. §. finali. ff. de minoribus. & in l. nostra. §. si autem reus. Sciendum tamen est in codicibus nostris barbarè legi hermodicium cum aspiratione: Latini autem (ut inquit Calepinus) ermodicium sine aspiratione proferunt. Eremus enim (unde eremita, & eremitas nus dicuntur) locum desertum & solitarium significat. Moderni nostri Latini oris linguæ peritiores, ueriores tradunt pronuntiationem: Inquit illustris doctor Gallus, Guiljelmus Budæus, in Pandectas, hanc dictionem barbaram Latine dici debere Eremodicium; quod Diogenes separatim, eremum dictionem appellat, quodq; Latine uersum, desertam causam denotat. Præceptor quoque meus obseruandissimus Andr. Alciatus, lib. iij. in titu. de uerb. signifi. hunc locum annotauit, textusq; nostros restituit: Inquit ille: Eremodicium iuris cons. appellauit, quoties in iudicijs absente altera parte ius dicitur; unde qui facile & citra contradicentem uictoria potitur, Eremodio potiores dici possunt. Ex Accur. in gl. §. si autem reus. ego ita describo: Eremodicium dicitur, quoties deseritur iudicium; ut ex eo diffinitiuè possit pronuntiar.

quod tamen intellige, ut declarat Paul. Cast. in §. & siquidē.
 & §. si autem reus. circa prin. Aduertendum est, q. Accur.
 in d. l. & si sine. §. si. de minor. uidetur uelle, quod eremodiciū
 etiam contrahatur, quando nō deuenitur ad aliquam senten-
 tiam, sed triennium totum cucurrit, ex quo (si uerum sit) in-
 ferri potest, dominum meum nō perfectē descripsisse eremo-
 dicium, quum iste casus in sua descriptione non comprehen-
 datur. Ego, exemplo Calsij, magistri mei sententiam, distin-
 guendo defendo: aut uolumus accipere eremodiciū largē
 ab etymo, ut quia causam seu iudiciū desertum denotet: &
 tunc dico utroq; casu eremodiciū dici posse; aut loquimur
 propriē in terminis §. & siquidem, & §. si autē reus, quando
 iam prope finem triennij deuentū est: & hoc casu quum uerē
 dicatur contrahi eremodiciū, d. §. si autem reus, in princ.
 procedat descriptio domini mei, & ea quam ex Accur. tradi-
 di; quod tamen prudentissimū iudicio tuo Præceptor colen-
 dissime, totum submitto: ut tu qui hæc longē melius nosti, &
 tuā & discipuli tui, si aliquis oblatret, causam suscipias. Re-
 stat uidere, * an de iure digestorū, cognita esset hæc instantia.
 Ad quod breuibus respondeo in Pandectis apud Iuriscōf.
 terminum hunc Instantia, non reperiri: sed eius effectum sic.
 Legimus enim causas ipsas, intra aliquod tempus conclusas
 fuisse, attamen de quantitate temporis expressim nō compe-
 rimus, ut ait hic Pau. Castr. in primis uerbis, de hoc sunt tex.
 in l. sed & si per prætorem. §. ait prætor. ff. ex quibus cau. ma-
 ior. & clarius in Arbitrio. §. dolo cuius. ff. de dolo. De iure
 autem codicis instantia certam originem sibi uendicauit, l. si.
 c. ut intra cer. tem. quæst. crimi. & hac l. nostra. His præmis-
 sis, deuenio ad princ. legis nostræ: quod, retenta in hoc diui-
 sione cōmuni, legam usq; ad §. & siquidem. Diuiditur istud
 princ. per Bart. in quinque partes, ut hic per eum. Solus Ias. in-
 surgit aduersus diuisionē, dum in quarta parte dicitur: quod
 repilogat præcedentia, & bene, meo iudicio: ut ex eius dictis
 & textu facillimē percipi potest: diuersa enim res est causa
 ipsa, & persona, coram qua ea agitur. Ego in tres partes di-
 uidere

uidere melius fore arbitror. In prima proœmium: in secūda, quæ est ibi, censemus, constitutio; in tertia ibi, hoc enim, constitutionis ratio & effectus. Nec admitto in illis uerbis, exceptis, &c. fieri partem: quū per parenthesis legi debeant: minusq; in eo uersi. sed omnes, quū consecutiue ad præcedentia ueniat, & idem uerborum contextus scindi non debeat, arg. l. continuus. in princ. ff. de uerb. oblig. Summaria docto. totam literam nō complectuntur: ob quod ita summo: Quæcūq; ciuiles causæ, apud quoscūq; iudices, & ubiq; locorum, triennio à lite contestata, claudi debēt; causis fiscalibus, & publicarum functionum exceptis. Ratio dubitandi non satis cōmodè assignari posse uidetur. * Nam in his, in quibus legislator procedit disponendo, & quæ sunt iuris positiui, nō potest certa assignari ratio, quare ita, & nō ita sancitum fuerit, ut dixit Accur. in l. j. §. pueritiam. in glo. ratus. ff. de postul. ubi ponit exemplū in usucapione. Addo facere, quia nemo dicere potest imperatori, Cur ita facis? quum sola uoluntas principis censeatur iusta causa aliquid faciendi. glo. in l. relegati. ff. de poenis. in fin. Bal. in præludijs feudo. col. ix. in his dico, quæ sunt iuris positiui: non autē naturalis, aut gentium: de quo per Bar. in proœ. Digestorū. in prin. latius examinat las. in l. quominus. in tertio not. ff. de flumi. Ne tamen ita illotis manibus pertrāseamus, ratio dubitandi potuit esse ista: uidebatur enim dicendū, quod causæ ciuiles minori tempore claudi deberent, quàm criminales. Nam habeo tex. in l. si. ff. de ferijs. qui uult maiores dilationes dari in causis criminalibus, quàm in pecuniarijs. Ergo uidebatur in l. nostra parī modo dicendum; ut si causæ criminales conclusæ sunt biennio, causæ ciuiles debuissent terminari anno, uel saltem parī tempore. Quod probō optimo argumento: nam dispositum in quasi instantia, seu instantia largo modo sumpta, ut est ea, quam unusquisq; actus iudiciarius (puta citatio, uel dilatio ad probandum) recipit, de qua suprā in euidentialibus dixi, deberet extēdi ad instantiam simpliciter, & strictē sumptā, quæ interponitur super tota causa; procedit enī argu-

mentatio à dicto secundum quid, ad dictum simpliciter. l. qui pene. ff. de manumissio. Probatur quoque istud ratione; nam ubi maius est periculum, cautius ibi est agendum. l. j. §. sed & si quis. ff. de carbo. edicto. qua ratione uidetur concludendum, breuius tempus dari debuisse in sopienda causa ciuili; quum in ea minimum, respectu causæ capitalis, periculum uersetur. His uel similibus non obstantibus, contrarium firmat Imperator. Et ratio decidendi fuit: quia causæ ciuiles frequentiores sunt, ut dicit tex. & suo loco uidebimus. Et ideo quum ob multitudinem non possint ita repente terminari, fuit maius tempus in ipsis decidendis, quàm in criminalibus præfixū. Et q̃ causæ criminales citius terminari debeant, nō fuit absq̃ immodica ratione inductū; quia ut plurimum (nisi aliquo speciali casu) quis ex uinculis in causa criminali, causam dicit; ut experientia docet. Et est tex. in l. j. ff. de cust. reo. & in l. j. c. eo. Carcer uerò non ad pœnam & uindictā, sed ad custodiam inuentus est. l. aut facta. §. solent. ff. de pœnis. l. in credibile. c. eod. præterea carcer dicitur mala mansio. glo. in uerbo tormentis, in clem. j. de hæretic. & quod grauius est, carcer dicitur species quædam seruitutis. arg. §. libertos. inst. de iure perso. l. ij. ff. de libe. homi. exhi. Et ideo de his quos tenet carcer inclusos, id aperta diffinitione sancitum est, ut aut conuictos uelox pœna subducatur: aut liberandos custodia diuturna nō maceret, inquiunt imperatores Gratian. & Valentin. in l. fin. c. de custo. reorū. Pro quo facit, quia si causa ciuilis iam sit incepta inter aliquos, & superueniat criminalis, ea prius, quàm ciuilis est terminanda. l. fin. infra de ordi. cog. Non obstant ea quæ pro ratione dubitandi adduximus; quia solutio patet ex istis, & ex his quæ dicit Bart. in d. l. fin. colū. fin. ff. de ferijs. & dominus las. hinc, in ij. notabili. Priusq̃ descendam ad notabilia, necessariū est præmittendum, quænam dicatur causa finalis, & quæ impulsua. Dico ergo, quod causa finalis dicitur illa, quæ præstat occasionem aliquid statuendi, præcisè: & quæ ab initio antequàm tale quid statueretur, erat in esse producta; qua cessante ipsum causatū subsistere

sistere non potest. Causa uerò impulsua dicitur ea, quæ præ
 cisè non est causa aliquid statuendi, sed incidenter, aut per
 consequentiam: & ideo ea cessante non cessabit causatum;
 quum sine ea stare possit, & ab ea fundamentum non reci
 piat, sed à finali. Istas descriptiones (uel si mauis diffinitio
 nes) colligo ex text. & glo. in l. j. §. sexum. ff. de postuland. ubi
 causa finalis fuit, ne contra pudicitiam sexui congruentem,
 mulieres alienis causis se immisceant: & ne uirilibus offi
 cijs fungantur: ut est text. in l. foemina. ff. de regul. iur. & in
 l. fin. c. de arbit. Impulsua uerò fuit improbitas & inuere
 cunda illius scelestæ Calphurniæ: qua tamen cessante, ut
 puta quòd bona mulier reperatur, quod tamen raro eue
 nit, non cessabit causatum seu effectus. de quo per Barto. in
 l. ij. §. fin. ff. de donatio. & per Alexand. in l. fin. in primo not.
 c. de edicto diui Adria. tollend. Noto primò ex hoc text.
 unam causam, propter quam fuit inducta præsens consti
 tutio: scilicet * ne lites fiant penè immortales, & uitæ ho
 minum modum excedant. Et aduerte, quia cum notabilis
 bus expediam glossellas usque ad gloss. magnam. in uer. tri
 ennij. Noto ergo qd lites non debent esse immortales, sed ali
 quem exitum certū habere debent. & istud dicit Accursius,
 quòd erat ante hanc legem: ut habes (licet ipse non addu
 cat) in multis iuribus: præcipuè in l. quidam aestimauerunt.
 ff. si certum petat. in l. terminato. c. de fruct. & litium expen.
 concordat text. cum glo. in prima constit. c. & de iure ca
 nonico est text. in c. finem litibus. cum suis concord. de dolo
 & contum. ex quo sequitur, quòd nisi istud opportunum &
 necessarium remedium aduenisset, longior esse potuisset li
 tis uita, quàm hominis: quum homo usq; ad centū annos tan
 tum usuere credatur: ut dicit glo. adde l. an usufructus. ff. de
 usufruc. & l. si usufructus. ff. de usufru. lega. Et hanc dicit
 Accur. esse rationē, seu causam finalem huius constitutionis:
 scilicet, ne lites, &c. quod ex eo suadet, quia ante hanc le
 gem istud statutum fuerat, ideo, &c. ut suprà diximus. Noto
 secundo ex hoc prin. ibi, cum criminales, qd causę criminales,
 siue per

siue per accusationem, siue per inquisitionem procedatur,
 9 * biennio terminari debent. Hoc uelle uidetur ille text. ge-
 neraliter loquens, per quem ita decidit Alex. hic, in fina. uer-
 bis, dicens hanc fore ueritatem. De hoc tamen an hæc lex in-
 telligi debeat, quando proceditur per uiam inquisitionis, in-
 ter docto. magna est altercatio; ut per eos hic, & in l. fin. infra
 ut intra cer. tem. quæst. crimi. Ego teneo, text. nostrum loqui
 simpliciter, quando proceditur uia ordinaria accusationis,
 non autem extraordinaria inquisitionis, per text. quem glo.
 allegat pro concor. in d. l. fin. infra ut intra cer. tempus. pon-
 derando eum tex. ibi, sed post biennij excessum, accusatum
 absolui. Ecce text. clarum, qui præsupponit causam crimina-
 lem biennio finiri, quando proceditur per accusationē, dum
 enim dicit accusatum, de necessitate præmittit accusatorem:
 quum sine eo iudicium criminale subsistere non possit, l. res-
 scripto. §. si quis. ff. de mune. & hono. in inquisitione uerò ac-
 cusator non requiritur. l. ij. §. si publico. ff. de adulte. c. qualis-
 ter & quando. il. ij. de accusatio. faciunt quæ latissimè ponūt
 Canonistę in rub. extra de iudicijs. & pro hac opin. est casus
 rotundus, qui cauillationem non patitur. in l. ubi falsi. c. de
 falsis. uerba sunt text. qui pro cōcordanti adducitur cum d.
 l. fin. ultimum autem finem strepitus criminalis, compendios-
 so spatio limitamus: quem litigantem, disceptantemq̃, fas nō
 sit excedere; cuius exordium nascetur auspicio contestatæ
 accusationis, apud iudicem competentem, torques hunc
 text. quomodo uelis: & uidebis an ueritatem Alex. defende-
 re possis. Nec obstat, quod dicit ipse, hanc l. nostram, loqui
 indistincte in causis criminalibus, quia respondeo eam debe-
 re restringi ad d. l. fin. ad quam habetur relatio. l. sed. & postea-
 riores. ff. de legi. facit regula notanda Socy. in l. omnes. per
 illum text. cum glo. ff. de exceptio. in secundo not. quod lex
 quantumeuncq̃ uniuersaliter loquatur, recipit tamen inter-
 pretationem ab alijs legibus. quum ergo illa l. fin. tantum-
 modo de causa criminali, in qua per accusationem procedi-
 tur, loquatur: ponderando denuo & inuicibiliter ultimo
 respon

responsum, dum dicit, Sciētibus iudicibus, eorumq; officijs: quod si litigatoribus admonētibz, ipsi litis introductionem uel examinationem distulerint, &c. nostrum nō erit leges extendere: nec credendum erit Do. Alexand. eiusq; opinionis uiris. Non obstat, quod dicit Alex. inquisitionem succedere loco accusationis. per c. qualiter. de accusa. quia respondeo; neutrum illorum cap. istud probare: quinimo contrariū asseritur in c. qualiter. il. ij. circa si. ubi in uersicu. sicut accusatio nem, constituitur inter ea differētia. Et dato quod probarent illa iura, inquisitionem loco accusationis succedere: non tamen dicet quis, esse accusationem: quum diuersæ sint nature, & originis. Ergo non probat hoc esse, quod ab hoc contingit abesse l. non hoc. c. unde legi. c. in præsentia. circa si. extra de probatio. & si istud diceremus, sequeretur, quod omnia iura loquentia de accusatione, locum etiam sibi uendicarēt in inquisitione: quod, quā foret ridiculum, nemini non patet. Quum ergo habeas tex. expressos, conclude contra Alexan. ex regula ipsiusmet in l. si sic stipulatus. ff. de uerbo. obliga. quæstionem non esse debere, ubi casus legis adsit. Dicendum igitur erit, cum Guiliel. de Cu. quem refert, & nō reprobandus transit cum eo simpliciter Paul. Castren. hic, circa princē. quod si procedatur per uiam inquisitionis: huic nullum tempus censeatur præfixum, sicut nec causis fiscalibus: ut quia iudex tendat ad fiscī utilitatem uel publicam. Nunc ad nota. eo modo quo declarauī, redeundo, *aduertendum est, quod 10 Imperator hic dicit, Cum criminales causas iam nostra lex biennio conclusit. ex quo uidetur inferri, quod l. fin. infra ut intra certum tempus. fuerit condita ante hanc legem: prout etiam proximē cōclusimus. & tamen uidemus manifestē contrarium: quum longē post hanc sit situata. in lib. ix. Cod. titu. xliij. & sic illa lex est dicenda posterior: hæc autem prior, atq; tento ordine literæ & titulorum, qui seruandus est. l. quoties. ff. de usufru. l. cum pater. §. penul. ff. de lega. ij. auten. hoc amplius. ibi, prout quisq; eorū prior nominatus est. c. de fidei commissis. Accur. sentiens difficultatem, respondet: quod licet

illa l. fin. sit posterior in ordine, tamen prior fuit in compositione. Et sic uult inferre Accur. in hac glos. quæ singularis est, & perpetuo notanda; ordinem literæ attendi non debere, sed potius mētis, & intellectus. l. nec enim. ff. de solutio. §. ante hæredis. institui. de lega. cum concor. Pro quo dico facere, quod uoluit Hieronymus in præfatione generali ad omnes epistolas Pauli, dum inquit absurdum non esse, quod epistola ad Roma, quæ scripta fuit post eam, quæ ad Corinth. destinata extitit, primo loco polita fuerit. Non obstant modo adducta in contrarium, quia illa non procedunt, ubi expressæ & manifeste apparet de mente, ut in text. nostro uidemus, ponderando uerbum, conclusit, quod est præteriti temporis, rem factam fuisse demonstrans. l. j. §. hæc autem uerba, ubi Iaso. not. ff. quod quisque iuris. Ista fuit decisio Doctorum in dicto §. ante hæredis. præsertim Ioan. de Platea, qui ex hoc infert ad pulchram quæstionem, de eo qui prius petijt cogi & compelli aduersarium, demum condemnari: quod uidetur contra l. j. c. de executio. rei iudica. ut per hoc non uitietur libellus: quia omisio ordinis in his, quæ dependent à uoluntate disponentis, non uitiat actiū, l. præposter. c. de testa. notat Bartol. in l. ij. §. prius. ff. de uulgar. & pupilla. Quicquid sit, aduersus hanc solutionem uideo tex. ualde cōtrariantem, in prima constituto. c. §. quibus. ibi, ita tamen ut ordo temporum, &c. & ibi, primis quidem in primo loco; posterioribus uero in secundo ponendis. Et fateor me nescire aliter soluere, quàm hoc modo: quod istud non fuit ab re factum; quia magis conueniens extitit ponere titulum, sub quo congruè situata est illa l. fina. post in materia criminali, cum ibi locus proprius esset, quàm ante hunc titulum; oportuit enim ea, quæ de eodē penè loquuntur, in confinio ponere. l. ij. §. quartus. c. de uete. iur. enucle. reperio tamen, quod Bartol. aliter soluit, in l. ij. in princip. supra titu. j. quod contrarium procedit: quando ponerentur in eodem titul. secus si in diuersis; ut hic. Noto tertio ibi, & pecuniariæ: unam rationem, & sic tertiam, quare facta fuerit hæc constitutio, & hanc credo etiam

etiam finalem, ut ex his quæ statim dicam, cognosci poterit.
 * Noto igitur quòd causæ ciuiles frequentiores sunt crimi-
 nalibus. Istud probatur non solum in toto iure ciuili, ubi ui-
 des, pro una lege, quæ loquatur de re criminali, adesse cētum,
 & plus, quæ loquuntur de ciuilibus negocijs, præsertim in
 Cod. in quo proceditur per decisiones & respōsa, prout pro-
 ponebatur casus, sed etiam in ueteri testamento, ut in discursu
 Exodi, & Leuitici deprehendere poteris: & hoc satis ex
 ratione naturali, & experientia rerū magistra demonstratur.
 Quare quum ob earum multitudinem non possint ita de fa-
 cili expediri, sicut criminales, quæ rariores: ideo circa eas de-
 cidendas maius tempus indulgetur. Pro quo facit illud uul-
 gatum, Pluribus intento minor est ad singula sensus. Et si di-
 ceres hanc causam uideri potius impulsuam, quàm finalem:
 eo quia si eueniret in aliqua ciuitate rixosa, & partiali, seu fa-
 ctiosa, adesse plures causas criminales quàm ciuiles: si diceres
 mus hanc causam fore finalem, sequeretur meritò, quòd ipsa
 causa finali cessante, cessare etiam deberet effectus, uulga. l.
 adigere, §. quamuis. ff. de iure patro. quod tamen esset contra
 mentem Impera. Si uerò sit impulsua secus, ut in superioribus
 ostendimus. Ad hoc respondeo: si istud diceremus, seque-
 retur ridiculum, quòd illa causa scilicet ne lites, &c. cessante,
 quæ tamen est finalis, ut dicit Accur. ut puta, quòd lis non
 esset immortalis, sed duraret tantum lustro, uel decem annis,
 quòd deberet cessare causatum & effectus. Et ideo dico cum
 Barto, in l. ij. §. si. ff. de dona. quòd ubi causa accipitur pro ra-
 tione, ut hic uides ex Accur. & actus est perfectus & cōsum-
 matus, ut in hoc casu in quo præfixit hūc terminum
 legislator, etiam si causa seu ratio cesset, nō debet cessare effe-
 ctus: nec possumus has duas causas dicere impulsuas, ut ex
 diffinitione, & his quæ statim dixi, percipi potest. Noto quar-
 tò ibi, & sæpe ipse, &c. secundum intellectum Accur. * quòd
 ex agitatione causarum ciuiliū sæpe causæ criminales sca-
 tescunt. Exēplum: Petis à me fundum ex instrumento, quod
 ego falsum dico. glos. nihil adducit. Ego adduco tex. ubi eo-

dem modo exemplificat ipse Accur. in l. penult. c. de ordine iudicio. ad idem l. si his. c. de falsis. Et hæc causa dicenda est impulsiva. arg. l. j. §. sexum. ff. de postulan. quia non omnes causæ ciuiles creant materiam criminibus: sicut nec omnes fœminæ dederūt causam edicto. Ego sum in noua opinione, quam puto uerām ut euangelium, quod ista uerba, Et sæpe ipse materiam criminibus creare noscuntur. debeāt intelligi, id est, ad committenda crimina. exempli gratia: Quando lites erant immortales, & nullus adhuc erat terminus præfixus, facilimè quis desperabat de causa: & ideo cōpellebatur quodammodo, si uolebat negocium sortiri effectum, committere crimina, ut falsificare instrumēta, uel acta: aut precio corrumpere iudicem, uel testes, ut citius pronunciaretur: ne forsitan lis terminum uitæ suæ egrederetur. Pro quo facit sententiā ea aurea, quam in scalis Palatij collegij uenerandi Mediolan. proscriptam legi: In controuersijs causarum capitales inimicitia oriuntur: sit amissio expensarum: labor animi exercetur: corpus quotidie fatigatur: multa & inhonesta crimina inde consequuntur: & qui sæpe credunt obtinere, frequētius succumbunt: & si obtinent, computatis laboribus, & expensis, nihil acquirunt. Et si bene inspicies uerba legis, cogeris fateri, hunc sensum ipsa ueritate ueriorē. Quod probo ineuictabili fundamento: Nam actus agentium non debent ultra eorum intentionem operari, sed ab ipsa intentione regulari, l. non omnis. ff. si certum petatur. clarior tex. in l. heratius consultus. ff. de regulis iuris. Mens & intentio Iustiniani fuit ista, & ad hoc uoluit ipse has rationes, de quibus in princip. legis, adducere: ut lites longo tempore non durarent, sed breuem, inquantum fieri posset, sortirentur effectum. Si intellectus Accur. foret uerus, operaretur contrarium effectū, eius quod sanciuit Iustinianus: uidelicet, quod lites longissimo tempore durare debeant: ad hoc ut ex diuturna causarum ciuiliū agitatione, causæ criminales scaterent: ut quia delicta soleant clam committi. l. fina. ff. de ritu nuptiarum, capi. fina. de testibus cogen. & intersit reipub. ca mani

ea manifestari, si non modò, saltem ex interuallo; iuxta illud Catonis, Temporibus peccata latent; & tempore clarent; ne aliàs delicta remanerent impunita. l. ita uulneratus. circa finem. ff. ad legem aquil. l. licitatio. §. quod illicite. ff. de public. & tamen uidemus contrarium statuisse Iustinianum, ea (ut credo) etiam opinione motum, quòd malus euentus, scilicet ut ex ciuili prodeat criminalis, ob quod quis plectatur, non sit habendus in cōsideratione. iuxta l. inter stipulantem. §. sacram. ff. de uerb. oblig. Noto quintò, ibi, censemus causas, quæ triennio debent finire. Sed aduertendum est: quia uidetur quòd non fuerit necesse specificare istas causas particulatim: ponderando illa uerba, Omnes lites, quæ dictio omnis, est uniuersalis, nihil penitus excludens. l. Iulianus. ff. de lega. iij. l. hoc articulo. ff. de hæred. institu. dixi in l. placuit. in prima conclusione, supra eod. & aliàs plenius, in §. omnium. in primo not. Instit. de action. dictum igitur generale, generaliter debet intelligi, ad eò ut nulla enumeratione opus sit. l. i. §. generaliter. ff. de leg. præstand. Saluando possumus breuiter respondere, non fuisse absurdum specificare istas causas, non obstante talí generalitate, propter regulam, quæ habet, quòd iura noua quantuncunq; generaliter loquentia, locum sibi non uendicant in casibus specialibus, uel specialem fauorem habentibus, nisi exprimatur, secundū glo. in l. sciendum. ubi Bart. ff. qui satisd. cogan. notat Ias. in l. j. col. ij. in tertio not. ff. soluto matrim. unde nisi facta fuisset hæc specificatio, dubium oriri potuisset super causis pecuniarijs magnæ quantitatis, quæ æquiparantur criminalibus: ut dixit Bart. in l. admonendi. col. xij. ad medium. ff. de iureiur. per tex. in l. propter litem. in princ. ff. de excus. tuto. an includi deberent potius biennio, quàm triennio, ad instar criminalium, quod tangit dominus Iason hic, in iij. not. Et etiam in iij. ponit de causa quæ uentilari potest super conditione personæ: ad cuius dicta me remitto. Quintò noto, ibi, exceptis, quòd causæ fiscales, & quæ publicas concernunt functiones, quales sunt causæ tributorum, aut uectigalium, non clauduntur triennio.

Istud uult text. noster singularis, qui quum aliquod certum tempus non præfigat, censēbuntur hæ causæ nullo tempore claudi, & perpetuo posse durare. Pro quo facit, quia quod nō habet certum finem, reputatur perpetuum. l. iuris peritos. in princ. ubi Nicol. de Neapol. notat. ff. de excusa. tuto. faciunt quæ congerit Decius. in c. ex literis. col. iij. uersic. tertia conclusio. extrā de constitu. Quod enim specialiter, & expresse immutatum non est, quare perpetuo stare prohiberi debet? l. sancimus. c. de testamen. l. præcipimus. in fin. c. de appella. Et ratio huius decisionis, iudicio meo est, ne desidia aut præuaricatio patroni, si labi pateretur triennium, fisco aut reipu. præiudicare possit. arg. l. unicæ. c. de senten. aduer. fiscum latis retractan. lib. x. quod sine dubio procedit, quum de fisci fauore tractatur. argu. eorum quæ ponit Decius in d. c. ex literis. col. fin. Nec istud est mirum: quum alia pleraque in causis fiscalibus, & publicarum functionum specialiter compendantur indulta: ut habetur in l. publicas. infra de ferijs. ubi docto. & per Paul. Castren. in l. fi. infra de priuil. fisci. & hanc conclusionem approbant scrib. hic. Non tamen negamus, quin patroni, & procuratores fisci, diligentissimè instare habeant, quo celeri expeditione causæ fiscales terminentur, ne ex nimia procrastinatione fiscus damnum patiatur. l. pen. c. de aduoc. fisci. l. j. §. j. ff. de offic. procur. causa. ne ue inducta in augmentum tenderent ad diminutionem. l. legata inutiliter. ff. de lega. j. l. ij. ff. de iurisdic. omn. iudic. Sed an idem dicendum, de causis dotalibus, ecclesiæ, & ciuitatū, quæ fiscalibus æquiparantur, quum pari passu ambulent? l. ij. c. de priuil. fisci. l. fin. c. de sacrosanct. eccle. Quantum ad causas dotales attinet, Bart. in l. j. col. ij. ad medium. ff. solu. matrim. tenet, quod non claudantur biennio. Docto. ibi communiter inferunt Bart. sentire, quod claudantur triennio, per text. nostrū. & dicit ibi dominus las. col. iij. ad medium, quod non recordatur uidisse contradictionem: attamen quod est in contraria sententia, aliquot fundamentis licet cōcludat, se ea acuerdi tantum ingenij gratia dixisse, non quod recedat à Bartol.

Reperio

Reperio quòd ante eum Bald. Nouel. in tracta. de dote. in ix. parte. priuilegio xliij. examinauit rēsoluendo hunc articulū. De quo dicas ut ibi per eum, ne frustra chartas denigrē; qui (si inspicias) dat mirandum & singularē intellectum, ad hunc uersic. exceptis. quem tamen non puto procedere, stante generalitate exceptionis, & his, quæ suprā diximus. Quo uerò ad causas ecclesiæ, dubium pendet ex eo, an de iure canonico instantia perlat triennio. quod Accurs. tangit in fin. glos. magnæ; & dicit non perire, per c. uenerabilis. & c. significauerunt. extra cod. de iudi. & hanc sententiam dicit communem Panorm. in d. c. uenerabilis. col. ij. ad medium. & dicit dominus Ias. hic. in ult. col. ad fin. quòd istud communiter tenetur, & ita seruatur in curijs ecclesiasticis. refertq; Roma, dicentē; fore de hoc meliorem tex. de iure, ad quem miratur canonistas non aduertisse. in c. cum olim propter quæstiones. in uer. iudices. de priuileg. ubi iudex condemnat ad expensas factas in lite per quadriennium; & sic præsupponitur instantiam durare ultra triennium. Inquit Iason, ille tex. non probat; quia non loquitur de eadem instantia, quum potuissent expensæ fieri per quadriennium coram diuersis iudicibus. Ego teneo illum text. clarè probare assumptum; & quod dicit Ias. non solum est diuinare, sed dicere de directo contra illud cap. Nam ut colligitur ex uersic. interim. causa illa fuit primo delegata iudicibus ibi nominatis, à quibus cum monasterium sanctæ Crucis foret grauatum, ad Rom. Pont. appellauit, & tamen appellationem non fuit prosecutum. Quare Pont. non alijs, sed eisdemmet iudicibus statim causam ipsam denuo demandauit: ut probant illa uerba, quibus causa prius fuerat delegata: qui iudices monasterium prædictum in expensis, quas per quadriennium, occasione huiusmodi negotij, episcopus Colubr. fecisse iurauit, condemnarunt. Datur ergo intelligi, coram istis tantummodo iudicibus & in eadem instatia, cum de diuersis non cōstet, causam illam fuisse agitatum; & sic excessisse triennium. Quum ergo habeas text. clarum de iure canonico, nō succedet hoc casu id, quod dicit Ias. in final. uers. his, quòd

bis, quod ex quo est dubium de iure canonico, & clarum de iure ciuili, & c. stetur dispositioni iuris ciuilis. per c. j. de noui oper. quinimo dico de iure ciuili fore decisum. per hunc uer. exceptis. dum excipiuntur causæ fiscales. Certum autem est, quod ecclesia & fiscus in priuilegijs ipsius fisci æquiparantur. c. j. cum glos. de Festitu. in integ. lib. vj. Bart. in l. fundi. c. de fund. patrimo. lib. xj. Panorm. in c. potuit. col. iij. de locat. ergo causæ ecclesiarum non clauduntur triennio, adinstar fiscalium. Et non solum istud procedit, si causa uentiletur coram iudice ecclesiastico; uerum etiam si uentiletur coram seculari: ut dixit Panorm. in d. c. uenerabilis. col. iij. ad mediū. refert Ias. in d. l. j. col. iij. uersic. quarto confirmatur. ff. soluto matrimo. De causis ciuitatum distinguendum est ex mente Accursi. hic: Aut loquimur in causis alterius ciuitatis, quàm Romanæ, & tales ultra triennium non protrahuntur, ut hoc text. ibi. Siue super iure ciuitatum. Aut loquimur in causis reipub. Roma. & tales adinstar fiscalium triennio non clauduntur, quum idem sit iuris in repub. Rom. quod in fisco, ut etiam uoluit Accurs. in rub. c. de iure fisc. lib. x. ubi Bartol. & post eum Alexand. in apostil. sequuntur quod istud communiter docto. hic. Noto sexto, ibi, non ultra triennij. * quod causæ ciuiles debent triennio finire, computando à die litis contestatæ. istud itidem sanxit Imperator in causis criminalibus, in l. fin. c. ut intra cert. temp. quæst. crim. in primo responso. & in l. ubi falsi. in ulti. responso. c. de falsis. Et ponderanda sunt illa uerba. Post litem contestatam, quia etiam si mille annis contenderetur super aliquo articulo ante litem cōtestatam, nunquam periret instantia; ut potes ponere exemplum in omnibus præparatorijs, de quibus latè in rubric. supr. à diximus. Vnde dicit Paul. Castr. hic col. j. & refert dominus Ias. col. ij. quod Specul. in tit. de appellatione. §. nunc breuiter. uersic. item iusta causa. narrat, quod dum esset Rome, fuit sibi quædam causa Anglica commissæ, in qua lis nondum erat contestata: & ea causa fuerat inchoata antequàm ipse nasceretur, qui tunc temporis erat ætatis xxxiiij. annorum. ex quo inferitur

fertur ante litis contestationem nunquam perire instantiam. Exclamant igitur Paul. & Ias. quodammodo miram rem fuisse de eo uiro, quod in tam breui ætatis suæ spatio, adeo excellens euasisset. Non igitur delitijs, lasciujs, aut ocio (peste nefandissima) ad uirtutis culmen perueniri potest; sed indefessis laboribus, ærumnis, assiduisque lucubrationibus: prout maiores nostros, diuina eorum monumenta perpetuo duratura, fecisse testantur. Superesset nunc examinare articulum illum, *quid statui debeat in causis, in quibus lis non contestatur: uerum quia istud altiore indaginem requireret, ideo me remitto ad tradita per Ias. hic post alios, in sexto not. qui latè tractat, quid de causis executiuis, & summarijs. sufficit, ut dicam eam fore ueram & communem sententiam: ut in causis, in quibus lis non contestatur, tunc currere incipiat instantia, quum primum ad merita causæ deuenitur: quæ cognitio, uim litis contestatæ obtinet. & istud assero ex mente domini Alexand. hic in primo not. & Ias. ubi supra. Noto septimo, ibi, sed omnes, quod hæc constitutio super causis eo modo terminandis, non solum extenditur ad minores iudices, sed & ad maiores: non tantum ad ordinarios, sed etiam ad delegatos, & ad omnes generaliter: quod probat illa uniuersalis, Omnes, de qua supra in quinto not. dixi. & ea quæ ibi examinaui, possunt etiam hic adaptari. Istud notabile format etiam dominus Ias. hic, qui istud extendit ad arbitros: de quo dicas ut per eum. Vltimo noto, ibi, hoc enim rationem, quare sit, quod ulterius quam triennio lites non extenduntur. Ratio est, quia istud spectat ad maiestatem iudicum, non autem ad partium uoluntatem: qui iudices, si uoluerint, partes eo modo refrenabunt, quod nemo ex eis tam audax committeretur, qui ipsi inuitis audeat litem protelare. * Aduersus istud not. & hunc text. oppono nouiter. Si istud, quod causa non prætergrediatur tricennium, pendet ex uoluntate iudicis, non est quod imputetur partibus, sed solum ipsi iudici, si intra illud tempus non terminetur: etiam quod ipse partes sint contumaces uel negligentes. Nam dicit text. in l. si pro-

H curatorem.

curatorem, §. fin. ff. mandati. Dolo autem facere uidetur, qui, id quod potest restituere, non restituit. Ita, dolo facere uidetur iudex, qui, quum possit intra triennium sententia litem dirimere, non dirimit. Si igitur semper dolo iudicis perit instantia; sequitur, quod partibus indistincte per remedium restitutionis succurratur, l. sed & si per prætor. §. alt prætor. ff. ex quibus causis maior, & tenet Accurs. in §. sin autem utraque, infra hac eadem l. quod tamen est contra d. §. sin autem utraq, qui uult istud solum procedere, quando utraque pars imminet, & litem peragere cupit; & iudex, uel per amicitias, aut inimicitias, uel per sortes litem finire differt, & instantiam labi permittit. Cogitauit ego dubitationem; uolo quod tu pro parte tua cogites solutionem. Rursus ex hoc text. noto, * iudicem habere potestatem in subditos, ad idem text. in l. potestatis uerbo, ff. de uerbo, signification. qui dicit triplicem fore potestatem; magistratus in subditos, patris in filium, & domini in seruum. Adde aliam fore potestatem, tutoris in pupillum, §. j. Instit. de tutel. l. j. ff. eodem, de qua uideas unum notabile uerbum, per Christoph. Porc. Instit. de tutel. §. permissum. in glo. in potestate. col. iij. Addi etiam posset potestas episcopi in diocesenum, abbatis in monachum, & si quæ sunt huiusmodi; quæ tamen in argumentum sub prioribus satis possunt contineri. Alia denique est potestas, uiri in uxorem; de qua Paulus ad Ephes. v. & ad Coloss. iij. necnon ad Timoth. ij. meminit; de ea Accurs. in l. si uxor. c. de condit. insert. Modò ad propositum; qui iudex habeat potestatem in subditos, tenentur subditi ei obedire. l. non potest dolo. ff. de regul. iur. & in autent. ut omnes obed. iudic. prouinc. colla. v. facit text. j. Petri, cap. ij. & Pauli ad Roman. xij. aliàs, nisi obediant, diuersis poenis afficiuntur. * Primò, subditus inobediens, poena contumaciæ plectitur, quæ poena multiplex est, l. contumacia. cum ibi notatis, per Accurs. & docto. ff. de re iud. l. j. ff. si quis ius dicen. non obtemp. l. qui restituere. ff. de rei. uendica. c. tuæ, cum glos. extra ut lite non contesta. In quibus locis poteris uidere, quotuplex sit contumacia,

macia, & cuius effectus, de quo per Bart. in l. pen. & fin. ff. de restitu. in integrum, per Cano. in cap. j. extra de iudic. & per Decium in c. consultationibus, de offic. deleg. colum. fin. ponit unum notandum uerbum domi. lafred. Balbus decilio, ccliiij. in iij. centuria, & an cōtumacia sit delictum, uide quod sic; per Bart. in d. l. j. §. fin. in fin. ff. si quis ius di. de quo latius per Felin. in c. ex literis, col. xiiij. de constituto. Et nota unum peregrinum dictum Bartol. in l. quandiu, la grande, col. j. ad medium. ff. de acquirend. hared. quod contumacia debet interpretari in id, quod contumaci est deterius, & aduersario utilius. An autem audiatur cōtumax appellans, pulchrè per Decium consil. xxxiiij. uolum. j. per totum. Secunda pœna est, quia iudex tali contumaci, & inobedienti potest denegare suam audientiam, l. sed & si per prætorem, §. ait prætor. in fin. ff. ex quibus caus. maio. l. si quis, §. fin. secundum ultimum intellectum glos. ff. de excusa. tuto. quod extendit, ut procedat, non solum in eadem causa, sed & in alia; secundum Accur. in d. §. ait prætor. in glos. decreto. quod tamen restringit Bologni. ibi, inter easdem personas, secus inter diuersas. Tertia pœna est, desertionis, quam inobediens incurrit. l. iij. §. si præsidis, ubi Accur. notat. ff. de re militar. Quæ autem sit pœna desertionis, declarat Iurisconsul. in l. non omnes, ff. de re milit. Perdit etiam inobediens iura ciuitatis, & ut transfuga puniri potest, ut uoluit Bartol. in l. omnes populi, col. viij. uersic. ex ista theoricâ. ff. de iustit. & iure, facit l. omne, §. contumacia, iuncta glos. ff. de re milit. Intellige nunc generaliter, ea, quæ diximus, * locum sibi uendicare, quando iudex & superior, secundum leges & iustitiam aliquid præciperet; aliàs secus, quia tunc ipsis potestatibus parendum non esset: & si quis obediret iudici illicitum præcepti, plecteretur. Habes de hoc plura iura; sed inter alia text. notandum in autent. sed hodie nouo iure, c. de offic. diuer. iud. quinimo licet contradicere, & pertinaciter resistere, l. quoniam iudices. cum concord. adductis per glos. c. de appell. Et ex his sum expeditus de textualibus. Glos. magna in uerb. triennij. diuiditur se-

cundum dominum Ias. in octo partes, ut hîc per eum col. iiii. Ego in tot frustra non lacero; sed diuido in tres, In prima, excipit à text. & ad eum opponit, ac soluit. In secunda ibi, item not. præmittit ad euentiam l. generaliter. In tertia ibi, item an potest, quærit & resoluit, particulas modò, etiam tyrunculus discernere sciit. Ex prima parte glos. habes notare decem casus speciales, in quibus dispositio huius constitutionis non procedit. * Sunt tamen aliqui, qui pro fallentialibus non merentur adduci; ut etiam aduertunt docto. hîc. Et primò l. fin. infra ut intra certum tempus. iuncto uers. cum criminales. l. nostræ. quia potius concordat, quàm discordet cum hac l. & licet quo ad præfixionem temporis discordet, non tamen potest adduci pro fallentiali, seu speciali; nam exceptio debet esse de regula, & non extra regulam. l. j. ubi Decius. in iij. not. ff. de regu. iur. & sic quum diuersa sint, causa ciuili & criminalis, sicut homo & asinus; quia licet præsupponatur unum genus, species tamen sunt differentes, ideo non est bona exceptio. Veluti si diceretur, Omnis homo currit, sed non asinus. & dato quòd esset necesse aliquè ex his duobus casibus fore specialem, dicerem potius istud contingere debere in l. nostra, utpote quia sit posterior, & sic fallat à priori, ut supra in ij. not. demonstraui; & etiam minus digna, & ideo non tanto in precio habenda, l. fin. c. de ordi. iudic. Et eodem modo possumus dicere de tex. in §. si tamen. in autè. ut cler. apud prop. episcop. & in §. ij. ibi, si quis autem electum. in autent. de sanctis. episc. quum illa iura loquantur in causis criminalibus, ut non commodè ab ista lege excipi possint; sed potius à d. l. fin. c. ut intra cert. temp. quo ad text. in l. j. supra ut omnes iudic. tam ciuiles quàm militares. Paul. Castr. hîc col. ij. dicit, quòd non est specialis casus; quinimo cõcordat cum l. nostra; inducendo, ut per eum. Si consideres uerba Pau. ipse adducit uers. quòd si intra. d. l. j. Accur. autem allegat in fi. & sic uers. sciant autem. ubi non fit de quinquaginta diebus, sed de uiginti mentio. & ita etiam illum uers. adduxit ibi Accurs. pro speciali. in glos. terminare, qui uers. uult iudicem debere illas

contro

controuerfias intra xx. dies, à lite conteftata, terminare. & fic incidit Pau. in inciuitatē. l. inciuite. ff. de legi. attamen etiam ille uerficu. non obftaret : tenendo diftinctionem notandam quam hic tradit ipfe, & Bart. ante eum. Tex. uerò, in l. j. infrà de affer. tollen. quem glos. uoluit adducere in §. fi. in princip. iudicio meo nō meruit allegari pro fpeciali; quia ille tex. non negat, quin caufa illa libertatis triennio claudatur, ut hæc l. deciditur: fed bene dicit, in odium contumacis rei, eo uocato & intra annum non comparente, poffe ferri cōdemnatoriam aduerfus eum in fauorē domini. & fic alius eft cafus, qui potius mereretur assignari fallentialis ad §. finautē reus. Quantum ad tex. in l. quinquaginta. ff. de excu. tuto. aliqui dicunt eum nō facere, ut quia fit diuerfus cafus. Dico ego illum tex. uerē effe ad noftrum fallentialem & fpecialem : dicitur enim in eo, quinquaginta dies dari tutori, intra quos excufationē coram iudice proponat, qua propofita, fpatio quatuor menfium continuorum lis terminetur. Ecce cafum clarum, ubi agitur de caufa ciuili excufationis tutorum; & tamē quadris meltri claudi debet ea instantia; nec hoc eft abfonum, ne pupilli diutius tutore carcant, & per hoc damnū patiantur. §. j. inftitu. de auto. tuto. §. j. inftitu. de tutel. Adde ultrà Docto. cafum in quo instantia finitur anno, in l. ij. ubi Bartol. not. c. de naufra. libr. xj. & de hac facit mentionem etiam Accur. in l. penul. c. eod. quam hīc adducit. Quomodo autem iſtæ fallentia accomodentur ad hanc l. oftendit Doml. laf. hīc. colum. iij. uerficu. fed aduerte. Difcutiendus uenit articulus, * quem breuibus tangit Accur. an per autenti. qui ſemel. c. 23 quomo. & quando iudex. corrigatur l. noſtra. In quo Docto. communiter concludunt, quod non : quia ibi eſt penitus diuerſus cafus ab hoc. Nam ille tex. non negat inſtanciam cauſarum ciuiliū finiri triēnio, ſed loquitur, quid agendum ſit, eo qui aſtionem propoſuit, cauſam perſequi differēte. Quod ego uerum puto : tum quia ille text. ſolum de aſtore uerba facit, nos uerò indiſtinctē, tam de reo, quā de aſtore : tum etiam, quia inſtancia, de qua in eo text. currit, ſiue lis ſit conſeſtata,

testata, siue non; ut ibi in uersic. quæ citatio. & clarius in corpore, unde sumitur. §. si uerò apud iudicem. Instantia uerò, de qua in l. nostra, post litem tantum contestatam currere incipit: ut hîc, uer. non ultra triennij. & diximus suprâ in vj. no. Præterea nos hîc loquimur generaliter, siue utraque pars sit præsens, siue utraque absens, aut altera tantum: ut habes in glos. in ij. parte. & in glos. uer. licentia. §. proximo. Ibi uerò habetur mêtio tantum de actore absente. Et ideo punctus dubitationis est resoluendus in hoc: an Autenti. qui semel. ueniat correctiue ad §. proximum, & siquidem. Et fateor me nec audiuisse, nec legisse Doctorem, qui ita hunc articulum declararit: quia etsi diceremus Autenti. qui semel. corrigere §. & siquidem, qui de eadem materia loquitur: non tamen sequeretur ex hoc, quòd corrigeret totam l. properandum. quæ excepto §. & siquidem, (ut ostendi, & est sole clarius) omnino in diuersis terminis loquitur. Ego in re hac ita distinguendum puto. Aut uolumus tenere intellectum Azo. quòd illa Autenti. in fine intelligatur de prioribus edictis, & priori anno, & sic quòd detur tantum spatium anni, & trium mensium. Et hoc casu nescio (aut oculus caligat) uidere rationem diuersitatis, quare per d. auten. qui semel. §. & siquidem, non debeat corrigi. Et si diceres, Nonne adest ratio diuersitatis, quam proximè assignasti, quòd hæc l. tota loquatur post litem contestatam: Auten. uerò, qui semel. siue ante, siue post: Respondeo, fateor assumptum: sed dico, quòd quum Autenti. qui semel. specialiter & expresse loquatur de casu, quando lis non est contestata: quòd censetur corrigere & extendere §. & siquidem, de eodem loquentem, ad hunc casum litis non contestatæ. l. præcipimus. in fi. c. de appel. Aut uolumus tenere intellectum Ioan. quòd illa Auten. in fi. loquatur, non de prædictis anno & tribus mensibus, sed de alijs de nouo concedendis: ut sic in summa sit terminus duorum annorum & sex mensium: & tunc dicerem illam Autenti. non corrigere, sed potius concordare cum §. & siquidem, quum in eo pariter, non audiatur actor post quinque semestres. Sed.

Sed considera, quòd in §. & si quidem. ultra dictum tempus, dantur adhuc xxx. dies. prætereà ibi attenditur, an sit liquida causa uel ne: ad hoc, ut ad diffinitiuam deueniatur: quæ omnia in Autenti. qui semel, non attenduntur: & sic etiã stante hoc intellectu, non possent hæc iura cōcordare: quinimo necesse est fateri correctionem dicti §. & si quidem. ut pulchrè perpendit Paul. Castrè, in dicta Autenti. qui semel. colum. j. Et licet quàm plures, huic Ioan. sententiæ adstipulentur, ego omnino contrarium censendum puto: ponderando uerba, in corpore. de litigio. §. omnem. unde dict. Autenti. extrahitur. ibi, lubemus post prædictas edictorum, & annalis spatij obseruationes. Ecce clarè colligi ex eo tex. per uerbum prædictas, quod necessariam relationem habet ad præcedentiam. l. ij. §. quartus. c. de uete. iur. enucle. Imperatorem se referre ad priora præfixa tēpora, nec noua uoluissè inducere. Quis autem reuelauit & dedit auctoritatem Ioā. ut adderet ea uerba, iterum de nouo faciendas: uel, iterum de nouo faciendorum: quū nec ratione, lege, aut auctoritate ad hoc moueatur: sed sola tantum opinione: quæ (præsertim quum uerbis & menti legis contraria sit) obseruanda non est: cap. ego solis. & cap. neque. ix. distin. Nouissimè uidendum est, an autenti. 42
ei qui. infra de tempo. appella. corrigat constitutionem nostram. Et respondit Accur. in hac glo. bis, quòd non: sequunturq; Docto. Quod uerum puto: quum illa loquatur de instantia causæ appellationis, quæ regulariter anno finitur, uel ex iusta causa biennio. Nos uerò loquimur, de instantia primæ causæ, quæ durare debet triennio: & sic sumus in diuersis terminis. Ratio (& quidē naturalis) est: quia per acta prioris instantiæ iudex appellationis redditur magis instructus, & negocium iam liquidatum est: ideo in terminanda causa ipsa appellationis, tanto tempore opus non est, sicut in prima instantia: facile enim est iudici appellationis, uilis actis prioris iudicis, aut confirmare, uel rescindere eius sententiā: etiam quòd coram eo, aliquid nō allegatum in prima instantia,

tia, allegetur: & non probatum, probetur. iuxta l. per hanc. c. de tempo. appellatio. Nam iacto fundamento facillimè superædificatur. cap. principatus. & cap. cum Paulus. j. quæst. j. l. egi. in princip. à contrario sensu. ff. de exceptio. rei iudica. Vnius enim cuiusq; rei potentissima pars est principium. l. j. ff. de origine iuris. facileq; esse aiunt inuentis addere. l. j. c. de uete. iur. enucle. Reliqua, quæ in glos. nostra dicuntur, ulterius non prosequor: tum quia Docto. clarè examinant; tum etiam, quia in uoce, quæ utilia conspexi, liquidissimè examinavi. Credo tamen quòd non solum totam substantiam huius princip. sed & totius l. tactam habueris. Dico duo uerba ad §. siue autem alterutra.

1 Rationes dubitandi, & decidendi.

2 Differentia inter calumniam, & temeritatem.

3 Victus uictori, & c. cum amplia. & limia. remissiuè.

4 In taxatione expensarum an requiratur citatio.

5 Iudex non condemnans uictum in expen. tenetur parti. Et quomodo intelligantur.

Siue autem alterutra. ^{Legitur usque ad}

uerficu. & hæc de alterutra. quia ibi ponitur parasceue, seu transitus ad §. sequentes. Exorditur Domi. lafo. quòd §. iste non est difficilis, sed quòd habet materiam utilem, & quotidianam, quam amplè assumpsit examinandam; ob quod breuius me expediam, ea tantummodo adducens, quæ necessaria fore conspiciam. Diuiditur in duas. In prima, monitio iudicis. In secunda, poena ipsius, transgressoris. Secunda ibi, non ignorantes. Summatum ita: Victus uictori in expensis solitis est condemnandus, sacramèto uictoris taxandis; aliàs, de suo iudex refarcit. Ratio dubitandi melior assignari non potest, * quàm quæ colligitur ex dictis Bartol. in prima quæstio. Nam habemus, quòd ilico post litem contestatam præstatur iuramen

iuramentum calumniæ. l. ij. in prin. & §. fi. suprà tit. proximo, & dixi plenè in rub. suprà eo, in iij. præparatorio. in quo iuramento iurat utraq; pars credere se habere bonam causam, & fouere bonū ius; & istud asserere debet iustis rationibus, non autem temerarijs & friuolis. d. §. j. & §. quod obseruari. Videtur ergo dicendū, quod nullo pacto uictus uictori ueniat in expensis cōdemnandus, quum ob hanc credulitatem iustam habuerit causam litigandī, quæ releuat ab expensis. l. qui solidum. §. etiam, de lega. ij. & ideo tale iuramentum non tantum excusat à calumnia, sed etiam à temeritate, secundum Iaco. Butriga. Quod tamen non obstat ad decissionem tex. nostri, ut dicit Bart. qui residet cum Guiliel. de Cun. Nam differentialata est inter Calumniam, & Temeritatem: * & ideo ex separatis non fit illatio, l. papin. exuli. ff. de mino. c. quod translationem, de offi. lega. Calumnia enim in animo consistit, & ex dolo oritur; ut per fraudem & subdolam rationem, aduersarius in lite uexetur. Temeritas uero: quæ malè, stultè, & inconsultè prouenit. Vnde temerarius, qui facilè, nullo adhibito consilio, credit; ut est text. in l. j. in fin. princ. ff. de eo per quem factum erit. cap. nullum. xxx. q. v. & testes etiam sunt de re hac grammatici. Quare iuri consonum est, ut ob diuersa facta, diuersimode quis puniatur: ut dixi in l. ij. in responsione, ad rationem dubitandī, suprà eo. Igitur ex temeritate sua quis in expensis punitur; ut quia incōsultè litem intentarit. l. eū quem temere. in prin. ff. eo. quæ quidem temeritas sub calumnia (quum ab ea diuersa sit) comprehendī nō potest, ut statim demonstraui. Noto primò ex hoc textu, * qd uictus uictori à quocūq; iudice condemnari debet, in expensis solitis in lite factis, taxandis iuramento uictoris. Ad idem bonus text. ultra eos, qui per Docto. adducuntur, in c. cum olim. il. ij. uersi. iudices autem, extrà de priuileg. Et pondera quod dicit text. de expensis solitis: quia expensæ inconsuetæ non ueniunt in cōdemnationem, quum in eis consuetudo & status personarum attendi debeat: nam non audiretur rusticus, si expensas pro equo factas repeteret. glo. in Lidemq. §.

idem labeo, ff. manda. ubi Docto. nec si in bono hospitio, ubi nobiles recipiuntur, perdicibus & coturnicibus uesti uos luisset; quum caseo & fabis contentus in hospitio esse debuisset. gloss. in l. seruis urbanis. in princ. ff. de legat. iij. uel si quis maiora honoraria, quam consuetudo uel stylus exigeret, ex liberalitate quadam aduocato elargitus esset; quum stylus curiarum seruandus sit. l. ij. c. quemadm. testa. aper. & ponit Decius consi. dcxcix. accepi. col. j. ult. uolum. Et quomodo haberi debeat ratio expensarum, latè tractat las. in iij. quæst. colum. iij. Et quod dicitur de expensis iuramento uictoris taxandis, intellige (& istud nota) facta prius taxatione per iudicem, antequam deferatur iuramentum; quia semel delato iuramento non potest amplius iudex taxare, autent. post iusiurandum. infra eo. de quo per las. hic. in ij. not. col. v. ij. & ratio est: ne taxando post iuramentum, detegat periculum uictoris: cui lex fidem adhibet; ut dicit Bart. in l. uideamus. §. iurare. in fi. ff. de in litem iuran. Aduerteret, dum eris iudex, ut in huiusmodi expensis litium moderandis, æquitatem semper præ oculis habeas: ut edocet Luc. de Penna, in l. mediterraneæ. c. de anno. & tribu. libro x. Amplia nunc, & restringe istud notabile, ut per Docto. hic: præcipuè per Alexand. & las. qui pleno calamo materiam discutiunt. Vnum tamen addo, dum Alexan. col. ij. dicit, opin. illorum, qui tenent, qd non obstante statuto, uictus, qui habuit iustam causam litigandi, non possit in expensis condemnari, qd contrarium uisus fuit ipse tenere in consil. clxxxij. uiso puncto quæstionis, ad fi. uolum. v. & dum las. quærit, an in criminalibus uictus uictori in expensis debeat condemnari, adde Barto. quem ipse non adducit, in autent. de manda. princ. §. deinde. colla. iij. qui plenius, quam in l. pen. c. de fructi. & litium expen. istud tangit. & adde casum singularem, in quo non uictus uictori, sed uictor uicto condemnatur in expensis. in §. & iudicare. ubi Accur. & Barto. notant, in autent. de defenso. ciui. colla. iij. Necessariò nunc sciendum est, * an in huiusmodi taxatione expensarum requiratur citatio alterius

rius partis. Bald. in l. terminato. colum. ij. c. de fructi. & liz-
tium expen. respondit quod non. Refert, & sequitur Iaso. in
l. nec quicquam. §. ubi decretum. colum. viij. in xvij. fallens
tia. ff. de offic. proconsul. Quod suadetur optima ratione.
Nam non potest appellari ab omissione condemnationis ex-
pensarum. l. fina. ubi Barto. c. quando pro. non est neces. Ias.
hic in secundo nota. si non appellatur, non requiritur in hoc
causæ cognitio: quum ab his quæ non requirunt causæ co-
gnitionem, non liceat appellare. l. fina. ff. de appella. recipi. si
non requiritur causæ cognitio, ergo nec citatio. l. in causæ. §.
causa cognita. ff. de minor. sed aduerse, quia istud argumen-
tum non procedit; nam fateor, si omittitur condemnatio,
quod nō requiritur causæ cognitio: sed nos loquimur, quan-
do fit condemnatio, & subsequitur taxatio, an in hoc re-
quiratur citatio alterius partis. de quo dic latius ut per do-
minum meum Ioan. Fran. Ripam, in c. j. num. lxxxvij. uersi.
ultra Abba. quæritur. extrà de iudicijs. Noto secūdò ex hoc
§. * quod si iudex omittat condemnationem expensarum, 5
ipse de ære proprio, eas parti læsæ refarcire tenetur. Con-
cord. text. in l. sancimus. in fin. infrà eod. Intelligere debes, &
declarare istud not. ut procedat, si à parte petita sit condem-
natio: aliàs secus: ut per Barto. hic. in ult. quæst. Quem artis-
culum, quum Ias. in colum. penult. & fin. diffusè tractet, ulte-
rius non prosequor.

L. IVRIS ORDINEM. C. DE IVRISD.
OMNIVM IVDI.

- 1 Terminus, Actor, seu Agere, est equiuocus.
- 2 Reus duobus modis dici potest.
- 3 Domicilij descriptio.
- 4 Rationes dubitandi & decidendi.
- 5 Ordo seruandus est in unaquaq; re.
- 6 Domicilium ubi quis habere dicatur.
- 7 An quis conueniri possit in loco prioris domicilij: quod habebat tempore contractus. Et de intelligentia l. circa. uersi. nam ubi, &c.

- 8 Actor sequitur forum rei. Cum amplia, & limita.
 9 In criminalibus an accusator sequatur forum rei.
 10 Singul. limitatio ad hunc text. ut procedat in reo necessario: non autem uoluntario.
 11 Quot modis possit quis fortiri forum. Vbi uide nouum modum.

Iuris ordinem.

- Premittere debent iuniores pro terminorum intelligentia, * quod iste terminus Actor, seu Agere, est æquiuiocus. Agere enim generaliter dicitur is, qui siue uerbis, siue re, aliquid tractat. l. la beo. l. ij. ff. de uerb. signi. Strictius agere capitur, pro ea persecutione, quam quis in iudicio facit, ut id cōsequatur, quod sibi debetur: unde actor, & actio dicitur. institut. de actio. in princ. & isto modo accipitur in l. nostra actor. Reliqua huius termini significata uide per Albe. de Rosa. in suo Dictionario. Reus uerò duobus modis dici potest; * primò dici reus à te, deriuando, ut facit Accur. in l. j. ff. de duob. reis. & instit. eo. in prin. & sic quacumq; actione, siue ad dandum, siue ad faciendum, quis astringatur, reus dici poterit: quum rei appellatio latissima sit. l. rei appellatio. ff. de uerbo, signifi. adeo ut personas, quarum gratia omnia creata sunt, comprehendat. l. omnia. §. fin. ff. de lega. ij. dixi in l. placuit. in fi. primæ conclu. suprà de iudi. & de hoc reo in l. nostra uerba facimus. Quandoq; à reatu dicitur reus: & is est, contra quem ob delictum, seu reatum, uel per accusationem, inquisitionem, aut denuntiationem proceditur: ut habetur in c. qualiter. il. ij. extrà de accusa. & de hoc loquitur l. in criminali. infrà eo. l. reo. ff. de solutio. & habetur toto tit. ff. & c. de custo. & exhi. reorum.
- 1) Secundo præmitto, * quid sit domicilium: puto ita describi posse: Domicilium dicitur, quum quis in aliqua ciuitate per decennium habitauit. l. ij. c. de incolis. lib. x. probaturq; hæc descriptio apud grammaticos, qui dicunt, Domicilium est habitatio longi temporis. Nos uerò dicimus, longū tempus de decem annis regulariter dici. gl. in rub. c. quæ sit longa consuet. not. las. in §. fuerat. colum. v. ad medium. instit. de actio.

actio. Et hoc quod dico, intelligo, quando sumus in dubio: & sic in domicilio præsumpto, nam si sumus in casu certo, ut quia constet de animo habitantis, uel statim constituitur domicilium, uel nunquam: ut eleganter distinguit exemplificando in scholari, Bart. in l. lex cornel. §. si tamen in fundo, ff. de iniur. uerfic. tu dic quod quandoque. de quo uide per Panorm. in procem. decret. colum. vj. Diuiditur hæc l. in duas. In prima thematis tacite illati decisio. In secunda decisionis illatio, seu extensio. Secunda ibi, nam ubi. Summatur ita: Actor rei forum sequitur, quod de præsentis reus sortitur, uel tempore contractus sortiebatur. Ratio dubitandi * ad hunc text. quam per modum oppo. formare possem, sumi potuit de text. in l. de die. in principi. ff. qui satisfac. cogan. iuncta doctri. Barto. & ceterorum ibi. nec non & Decij in l. fauorabiliores. ff. de regul. iuris. ubi habetur, quod circa ea quæ præparationem iudiciorum concernunt, potius fauetur actori, quam reo. Nos hinc tractamus de competentia, uel incompetencia iudicis: quæ cum sit exceptio dilatoria ante litem contestatam, proponi debet l. sed & si suscep. rit. in prin. ff. de iudi. notatur in l. exceptionem. c. de probationibus. ea uero de quibus ante litem contestationem tractari contingit, præparatoria appellamus: ut latè dixi in rubr. supra de iudi. Ergo in hoc magis actori fauendum esset, ut reus eius forum sequeretur, non ipse rei. Hoc non obstante contrarium deciditur: & ratio fuit, quia reus inuitus, ab actore ad iudiciū trahitur. l. inter stipulantem. §. j. ff. de uerb. oblig. unde cum fugientem appellat Iustinianus, in l. prope. randum. §. & si quidem. & §. si autem reus. supra eo. si in hoc grauatur reus, quantum ad istud, in alio honoratur, & alleuiatur, ut actor eius forum sequatur. arg. l. eum qui. in prin. ff. de iure iur. Non obstat, quod in contrarium adduxi: quia fateor uerum: sed dico excipi hunc casum per rationem prædictam, qui fuit scriptus in l. iij. in principi. ff. de alie. iudi. multan. causa. Præterea licet competentia uel incompetencia iudicis litem ordinationem respiciat: attamen quod reus actor

ris forum sequatur, concernit totam causam, nō partem causae: & sic principium, medium, & finem præcipue: id est, sententiam, ad quam totus actus iudiciarius resoluitur. §. curare, instit. de action. Et ideo non mirum, si in hoc reo fauatur, per ea quæ concludunt Docto. in dict. l. de die. per dict. l. 5. fauorabiliores, de regul. iur. in text. ibi, iuris ordinem. * Notato quod ordo à iure præfixus seruandus est, nec conuerti debet: conuertitur enim ordo iuris, quum actor uult reum sequi forum eius, non ipse rei: aduersus dict. l. iij. in princ. de alien. & text. quos gloss. pro concor. adducit. Ad idem facit l. prolatam. c. de sentent. & interd. omn. iudi. qui text. uult iudicem non aliter sententiam ferre posse, quæ ualida sit, nisi seruato solito iudiciorum ordine. Naturæ quoque ordo conuerti dicitur, quum filius, qui patri superuiuere debet, præmoritur. l. nam & si parentibus. in princ. ff. de inoffi. testam. Hinc dixit Bulg. glossator antiquus, ut ibi refert Accursi. Ordine turbato, succedis Bulgare nato. Et generaliter in quocunque opere uersetur, in eo ordinem debitum seruare debemus. Ordo enim est figura substantiæ uniuscuiusque rei. Hinc, Scire quid facias, nescire autem quo ordine, non est perfectæ cognitionis, inquit Iaso. referens Bald. in rubr. c. de iure emphy. nam ex non seruato ordine, subsequi solet confusio, §. inordinatum. in autent. de hære. & falcid. in text. ibi, Nam ubi domicilium. Noto, quod actor tenetur sequi forum rei, in eo loco, in quo reus ipse domicilium habet. concordat text. in l. hæres absens, §. fin. ff. de iudic. & in c. dilecti. extra de foro compet. Vbi autem quis dicatur habere domicilium, * Accur. se remittit ad l. eius, §. fina. (imò debet dicere per totam l. ff.) ad municipal. cum alijs concord. de quibus per eum, Breuiter dico, quem diuersis in locis domicilium posse habere, l. labeo. ff. ad municip. Est tamen uerum, quod propriè ibi quis domicilium habere dici potest, aut ubi larem fouet, aut fortunarum suarum maiorem partem habet, uel ubi assidue cōuersatur. l. ij. c. ubi sena. uel clarif. l. ciues, in secundo responso, c. de inco. lib. x. Quod tamen de assidua

de assidua conuersatione diximus, intelligit Cynus in dict. l. secunda, ut procedat, si fuerit assidua conuersatio per decennium, aliàs secus: ut refert Paul. Castr. hîc. de quo latius per Panorm. in c. ex parte. colum. iij. de foro competen. Ego puto Cyn. opinionem ueram esse: ubi animus illius assidue conuersantis ex nullo actu exteriori manifestatur, sed ex ipsa sola conuersatione: & sic quando sumus in casu dubio, & domicilio præsumpto: per ea quæ dixi suprà in euidentias libus. Non si per exteriores actus animus declaretur: quod non solum uerbo, sed & facto effici potest. §. pauonum, cum gloss. instit. de re. diu. c. ex studijs. ubi Panormit. de præsump. melior text. in l. de quibus. circa fin. ff. de legi. quia hoc casu ex animo declarato per factum & re ipsa, per assiduum conuersationem constituetur domicilium: nec requiritur decennium. Casus est notandus in d. l. eius qui. §. primo. ff. ad munic. qui non admittit istam temporis distinctionem. Quæ autem differentia inter originem & domicilium sit, edocet Barto. post Accur. in dict. l. eius qui. §. celsus. in text. ibi, uel tempore contractus habuit, licet hoc postea transulerit. Noto ex mente Barto. hîc unum singulare,* quòd li- 7
cet quis mutauerit domicilium, tamen potest conueniri in loco prioris domicilij, quod habebat tempore celebrati contractus. Istud notabile apud Canonistas in c. proposuisti. de foro competent. non recipitur: ipsi enim (ut inquit ibi Panorm. col. ij.) dicunt istud esse contra eorum text. & in l. cum quædā puella. ff. de iurisd. om. iud. & in l. si quis posteaquàm. ff. de iudi. si ita ut dicit Bart. l. nostra intelligatur. Quare putant tex. nostrū debere hoc modo intelligi, qd contractus fuerit celebratus in loco ipso domicilij: & procedat hæc lex, non ea ratione, quia ibi reus domicilium habuerit: sed quia contractus ibi celebratus fuerit. Vnde cessante uno uinculo, scilicet domicilij, non cessat aliud, scilicet contractus celebrati. arg. §. affinitatis. instit. de nupt. Quid dicendum? passus est dubius, & ab utraq; parte disputabilis. Pro opinione Canon. urgent eorum fortia fundamenta. Primò text. in c. translatio. de consti.

de consti. dicitur ibi, Translato sacerdotio, fit translatio legis: ita translato domicilio, fit & translatio legis domiciliij. Ex quo datur intelligi, hac sola domiciliij ratione attēta, quē, mutato domicilio, priori foro esse solutum. Secundo urget aliud eorum fundamentum: nam si diceremus text. nostrum, quando contractus fuit celebratus in priori domicilio, non intelligi: sequeretur per dictionem, tantum, de qua in text. nostro, quē est restrictiua, quum orationi affirmatiuē adijciatur, ut inquit Bart. in l. j. in princ. ff. si quis ius di. non obtempe, quod ratione cōtractus non sortiretur quis forum. quod dicere, esset absurdum, l. hæres absens. §. fin. de iudi. Tertiò facit, quia istud est de directo dicere, contra casum d. l. cū quædam puella. & d. l. si quis posteaquā. in quibus iuribus habetur, quem mutato foro non teneri respondere coram prior iudice, nisi priusquā mutaret, præuentus esset. Defendēdo Bart. possumus dicere, quod quum text. noster loquatur generaliter, non est admittenda talis restrictio: ut intelligamus potius de cōtractu celebrato in loco domiciliij, quā in alio. Quinimo Imperator solum se fundat in ea ratione, quod reus conueniri possit, ubi domiciliū habet, uel tempore contractus habuit, aliter non specificando. Quū ergo lex non distinguat, nec nostrum est distinguere, uulg. l. de precio. ff. de publicia. Non obstat c. translato. quia dico, quod quando fit translatio legis, debet eo pacto fieri, ne præteritis negocijs dispendium imponat, l. leges. la. ij. c. de legi. c. ij. & si. eo. titu. de consti. ubi docto. & ibi recoło me multa bona habuisse à clarissimo Iuriconsf. patre & præceptore meo colendissimo, domino Petro de sancto Georgio. Ita dico in proposito, ut mutato domicilio, sortiatur quis forum tantummodo posterioris domiciliij, in contractibus celebratis post translationē: secus autem in cōtractibus celebratis antē: quia mutatio ista iam factis contractibus non debet inferre dispendium, quia potest esse, quod quis non contraxisset, nisi sub eo animo, ut reum in loco domiciliij, quod tunc haberet, conuenire posset. Non obstat etiam quod adducitur de dictione tantum: quia ad id

ad id dupliciter respondeo. Primo, ex mente Accur. hic, qui dicit, illam taxatiuam tantum, excludere solum actoris domicilium, non autem rei, si alium forum habeat, diuersa ratione: puta, contractus celebrati, dicta l. hæres absens. §. fina. Secundo respondeo, quod illa taxatiua tantum, potest extendi ad alium casum, in quo eadē, uel similis ratio militet. l. ob es, ubi Accur. notat. c. de prædijs mino. eadem autem ratio militat, quod quis sortiatum forum ratione contractus, sicut domicilij: quum isti casus parificentur, dicta l. hæres absens. §. fi. & l. contraxisse. ff. de actio. & obligatio. Restat nunc respondere illis maledictis iuribus: scilicet l. cum quædā. & l. si quis posteaquā. & cap. proposuisti. quibus si respondere nobis dabitur, silebunt Canonistæ. Dico ergo, quod non obstat l. cum quædam, quia illa loquitur in mutatione domicilij necessaria, propter quam non attenditur domicilium, quod ea puella habebat tempore celebrati contractus: quum etiā nolens, teneatur sequi forum uiri. l. exigere. ff. de iudi. l. fin. c. de incolis. lib. x. & ideo ibi est casus specialis. Non obstat etiam cap. proposuisti. & l. si quis posteaquā: quia respōdeo, quod illa iura quæ dicunt, Alterius iurisdictionis, uel alterius fore esse cœperit, debēt intelligi, ex alia causa, quā ex causa mutationis domicilij. Et si dicant Cano. (in quorum tamen numero sum, etsi indignus, licet non in hoc puncto) tu uiolas hos text. hoc modo restringendo: dico ego, etiam uos parli, quinimo maiori morbo laboratis, dum uultis facere, quod Imperator aliter loquatur, quā fuerit eius mentis, & propositi: ut eius uerba demonstrant, & supra ostēdi. Et ideo uides, quod proprijs armis confunduntur. Præterea clarum est quod l. nostra loquitur expressē, & præcise decidendo: iura uerò contraria probant tantummodo, sumendo argumentum à contrario: ut potes uidere. Sed uulgatum est, argumentum à contrario sensu non procedere, ubi resultat absonus intellectus: & subauditus intellectus est prauus. l. conuenticula. c. de episcopo. & clerici. l. ij. c. de conditio. inser. Docto. notant in l. j. in princip. ff. de offic. eius cui man. est iurisd. Et ideo si

K uolumus,

uolumus, quòd in illis iuribus argumentum tale procedat: ut euitetur absurdus intellectus, necesse est fateri, quòd debemus exponere ea uerba, ut suprà feci: quòd iura iuribus concordentur, iuxta l.j. c. de inoffi. dotibus. Et quòd sequatur absurdū, nisi ita intelligamus, patet: quia aufertur actori commodum conueniendi reum coram iudice prioris domicilij. Is autem qui commodum amittit, damnum pati intelligitur. l. ij. §. merito. ff. ne quid in loco publi. ergo ne sequatur absurdum, quòd actor indebitè ex facto rei damnum sentiat, procedent illi text. ut suprà diximus. Aduertendum tamen est, ad explanationem illorum uerborum, Alterius fori, &c. quam suprà feci: quia intelligo eam procedere in casu tātum argumēti sumpti à contrario sensu: ne aliàs sequeretur, quòd ubi domicilium de præsenti habet reus, conueniri non posset: quod esset aduersus claram decisionem l. nostræ, & rationem illorum iurium. Et sic habes notabile Bartol. ex his de sensatum: & ex eo præcipuè, quod tradit Panormita. In c. significasti. colum. fin. de foro competen. ubi decidit argumentum à contrario sensu nullatenus procedere, quādo expressè reperitur decisum contrarium in iure, ut uides contingere in casu nostro. Expeditis notabilibus, totam legis nostræ materiam amplectendo facio conclusionē, & ad eam ampliationes & limitationes. Erit igitur conclusio: * Actor sequi tenetur forum rei, Fundamentum huius conclusionis stat potissimum in hoc tex. qui ad hoc passim allegatur: & in iuribus adductis per Accur. in glos. sequatur. Adde tex. clarum de iure digestorum, qui non solet allegari, in l. iij. in princip. ff. de alic. iudi. mu. causa facta. ibi dicitur, Quia & si cum eo, qui alterius prouinciæ est, experiar; in illius prouincia experiri debeo. Ratio fundamētalis satis clarè deprehendi potest ex ratione decidendi, & ex respōsione ad rationem dubitandi; amplius non repeto. Ampliatur hæc conclusio aliquot notabilibus modis. * Primò, ut non tantū procedat in causis pecuniarijs, uerum etiam in criminalibus. l. in criminali. infra eod. qui tex. est singularis, secundum Bart. & Paul. Castr. ibi.

Habet

Habet tamen ista ampliatio sanè probabile dubium, utpote quia contrarium omnino dicendum uideatur: ex quo reus, qui ex delicto suo deberet incidere in pœnam, reportat commodum, ut coram suo iudice, non alieno, conueniatur. quod repugnat regulæ. l. siue hæreditaria. ff. de nego. gest. & l. relegatorum. §. si. ff. de interdi. & relega. Responderi potest, istud non ob stare: quia satis plectetur reus pœnis legalibus, quibus à iudice secundum delicti qualitatem ueniet cruciandus. l. respiciendum. l. hodie. ff. de pœnis, & ideo ei amplior nō est danda afflictio. l. diuus. ff. de offic. præsi. Præterea, antequam liquido constet de delicto, non est quis puniendus. l. qui sententiam. c. de pœnis. l. final. c. de probatio. cap. nos in quemquam. & ferè per totam quæstionem. ij. quæst. j. & ideo quum in ipso litis ingressu nondum possit plenè cōstare de delicto, non est reus in hoc puniendus: ut quia pœna egredi non debeat delictum. l. rescriptum. ff. de his quibus ut indig. d. l. respiciendum. in princip. ff. de pœnis. Videmus quoq; in causis istis criminalibus magis reo, quàm accusatori deferri: ut quia maiores, seu ampliores dilationes dentur. l. fina. ff. de feriis. dixi in l. properandum. suprà de iudi. in rationibus dubitandi & decidendi. Amplia secundo, ut ista conclusio etiam procedat de iure canonico, attento rigore, ut clericus laicum cōueniat in foro ipsius laici. cap. si clericus. & cap. cum sit generale. extrà de foro competen. Licet de consuetudine aliter seruetur in plerisq; regionibus, ut inquit Pont. in dict. c. si clericus. quod tamen intellige, & latius declara, ut per Panorm. ibi, colum. ij. cum sequen. Ampliatur tertio ista conclusio, ut non solum procedat reo inuito & reclamante: sed etià eo uolente, & consentiente. tex. est in l. in criminali. ij. responso. infra eod. quod uidetur contra omnia iura de mundo: quibus habetur, consensu partium prorogari iurisdictionem in iudicem non suum. l. j. suprà eod. l. j. ff. de iudi. Solue tamen istud, & declara, ut per Barto. & Paul. Castren. ibi, & per Panormi. in cap. si diligenti. colum. vj. de foro compe. Limitatur nunc

- conclusio nostra octo notabilibus modis, ut per Barto. Socy. in suis fallentijs. Regula xv. incip. Actor regulariter: ubi in fine ponit mirabilem cautelā, per quam ferē nunquā actor
- 10 sequetur forum rei, & sic dicetur ea nona limitatio. * Inter ceteras notanda est secunda sua fallentia, ut l. nostra procedat in reo necessario, qui cogitur uenire ad iudicium; non autem in uoluntario, ut est casus singularis de iure digestorum, in l. uenditor. ff. de iudi. ad idem text. in l. j. infra ubi in rem actio. Istam limitationem ponit Paul. Castr. hīc in princip. sui commentī, licet de eo Socy. non faciat mentionem: quum de uerbo ad uerbum dicta sua transportarit, & istum casum nota: quia firmat omnino meam rationē decidendi. Limitatur alio modo, & sic decimo, & quidem singulariter, ut per Panormi. in repeti. cap. si quis contra clericum. colum. ij. in princip. de foro competen. Limite ego undecimo, ut non procedat in casu l. ij. ubi Accur. c. de suarijs & suscep. libro xj. Alias limitationes uide plenē per Spec. quem refert Pau. hīc in titu. de competen. iudicis aditione. §. j. qui ponit l. i. fallentias.
- 11 Postremò sciendum est necessariò, * quot modis quis fortitur forum. Accur. hīc se remittit ad dicta per eum in l. hæres absens. §. fin. ff. de iudi. Ibi potes uidere xij. notabiles casus, quibus fortitur quis forum. Extra quos, annotandi sunt quinque, quos utile esse putauī hīc inserere. Primò, non tantum fortitur quis forum ratione contractus, sed etiam ratione quasi contractus. tex. est in dicta l. hæres absens. in principi. ff. de iudi. nam hæres adeundo hæreditatem, dicitur quasi contrahere cum creditoribus & legatarijs. §. hæres quoque. institui. de obliga. quæ ex quasi contractu. ponit pulchrē Iaso. in l. nemo potest. in ij. lectu. colum. iij. circa princip. ff. de legatis primo. & ideo ex illo quasi contractu fortitur quis forum: ut ibi conueniatur, ubi defunctus conueniri potuisset. Secundò, fortitur quis forum ratione distractus. exemplum: Vendidi equum Mediolani Sempronio: dum sumus in hac ciuitate Taurini, dolo induxi Sempronium, ut ab emptione discedere

discederet, & sic inter nos factus fuit distractus, quod fieri potest, l. ab emptione, ff. de pactis, l. nihil tam naturale, ff. de regul. iur. nunc Sempronius comperto dolo, uult me conuenire, ut in priori statu reponatur. Dico quod potest me conuenire in loco celebrati distractus: quum bonum sit argumentum de contractu ad distractum: secundum Bartol. in d. l. ab emptione, in secundo not. & in l. & eleganter. in princip. col. iij. ff. de dolo. & probatur clarè in d. l. ab emptione. Cogita quia non reperio ab alio tactum. Tertiò, sortitur quis forum ratione iuramenti, quia laicus ob præstitum iuramentum conueniri potest coram iudice ecclesiastico, est text. ad literam, in c. fin. de foro competen. libro vj. Quartò, ratione consuetudinis, quum, cōsuetudo tribuat iurisdictionem, glos. in l. fin. c. de arbitris, c. j. cum glo. in §. neque. de foro competen. in vj. Alexand. consil. ccl. perspectis. uolum. vj. Quintò & ultimò, pro nunc, reperio, quem sortiri forum ratione societatis seu consortiæ. Istud est, quod uoluit Paul. Castrens. in l. præcipimus, in finalibus uerbis. c. de appellation. qui exemplum tale ponit: Habeo causam cum clerico & laico super aliquo iure indiuisibili, puta seruitutis: sicut conuenio clericum coram episcopo, ita & laicum conuenire possum. Ita etiam ratione dignitatis maioris iudicis: ut puta si ecclesiasticus & secularis ex causa simul iudicauerint, tam laicus, quam clericus appellabunt ad ecclesiasticum, ut notanter declarat Bartol. in dicta l. prima. §. si quis in appellatione. in penultima quæstione, ff. de appellation. Nec ista sunt inconuenientia: ut quia ratione societatis seu consortiæ multa specialia concedantur, quæ aliis non permetterentur. l. ij. ubi docto. c. de consor. eiusdem litis, ponunt Canonist. in capit. cum M. Ferrariensis, in glos. prima. de constitution. faciunt quæ pulchrè congerit Iason in l. si emancipati. colum. tertiã. c. de collation. Alios modos quibus sortiatur quis forum, collige ex Specul. in dicto §. primo. in titul. de competen. iud. aditio. Et ex his habes expeditam hanc legem.

- 1 Iurisdictio duplex: Voluntaria, & Contentiosa.
- 2 An uera sit differentia, quæ constituitur inter has iurisdictiones.
- 3 Prorogare iurisdictionem quid sit. Et quot modis fiat prorogatio.
- 4 Priuati qui dicantur: præsertim in l. nostra.
- 5 Priuatorum consensu iurisdictio non confertur.
- 6 Iurisdictio licet à priuatis conferri non possit, potest tamen prorogari.
- 7 Prorogatio iuridica quomodo fiat.
- 8 An secundum responsum legis nostræ sit superfluum, & de indubitabili.

Priuatorum.

Consistit tota huius legis intelligentia in terminorum cognitione. Quare primo loco præmittendum nobis est, * Iurisdictionem duobus modis principaliter dici posse. Alia enim est iurisdictio uoluntaria; alia contentiosa. Voluntaria nempe ea dicitur, quæ in uolentem redditur, & exercetur. Verbi gratia: Pater non cogitur emancipare filium. l. filiusfamil. §. secundum uulgarum. ff. de lega. primo. §. fin. Instit. quib. mod. ius patriæ pote. sol. si tamen sponte & ex uoluntate propria decernat emancipare, subibit iurisdictionem iudicis, non quidem necessariò, & per contentionem: sed ex proprio animi motu. Et ideo talis iurisdictio, quum in inuitum non reddatur, dicitur uoluntaria; & de hac loquitur text. in l. j. in l. penul. & fin. c. de emancip. liber. & in §. præterea. Instit. quibus mod. ius patr. Potes etiam exemplificare in eo, qui sibi aliquem in filium uel nepotem adoptare uult: aut in domino, qui seruum uult manumittere, de quibus in §. j. Instit. de adoption. & in l. j. c. eod. & in §. serui. Instit. de liberti. uel potes exemplum ponere in instrumentis guarentigatis: ad quod instrumentum faciendum, debitor compelli non potest: si tamen concordet cum creditore, & accedant ambo ad notarium (qui dicitur iuxta chartularius) & dicat debitor notario, Facias instrumentum, quod ego debeo Titio centum: & creditor acceptet: de summa

mum notarius præcipiat debitori, ut intra certum tempus
 soluat: certè appellamus iurisdictionē istius iudicis chartula-
 rij, uoluntariam; ut quia non cogantur partes ex necessitate,
 sed ex uoluntate sola, coram eo tale negotium pertractare.
 Istud est, quod uoluit dominus las. qui dicit se intellexisse uer-
 ba obscura, & intricata Barto. ibi, in l. j. §. si quis ita, col. ante
 penul. ad medium. ff. de uerb. obliga. Contentiosa uerò iuris-
 dictio dicitur ea, quæ in inuitum redditur, seu exercetur. l. j.
 ff. si quis ius dicen. non obtemp. ut quia reus ad iudicium in-
 uitus uenire dicatur. l. inter stipulantem. §. j. ff. de uerb. oblig.
 & diximus in l. proxima. Hanc inter has iurisdictiones diffe-
 rentiam sensit paucis uerbis Accurs. in d. l. j. c. de adoptio. &
 in l. ij. ubi de his Iuriconsul. expressam mentionem facit. ff.
 de offic. procons. & leg. Dicitur autem, contentiosa (ut opi-
 nor) à contendendo: ut declarat Iustinianus in l. j. in princip.
 c. de iuramen. calum. & ad differentiam uoluntariæ, in qua
 non contenditur, ut uidistis. Aduersus istud oppono: * & uia
 detur dicendū, quòd non sit dare iurisdictionē cōtentiosam;
 nam etsi ex parte rei iudicium in inuitum reddatur, attamē
 non potest istud dici ex parte actoris: ut apparet ex rubr. &
 nigro. c. ut nemo inuitus agere uel accus. cogatur. & ideo
 quum, an reddatur iudicium uel ne, pendeat ex uoluntate
 mera actoris, dicenda est potius iurisdictionē uoluntaria, quàm
 contentiosa: denominatione facta à parte digniori, & princi-
 paliori, arg. l. quæritur. ff. de statu homi. & eorum quæ ponit
 las. in l. imperium. colum. iij. in princip. per illum text. ff. de
 iurisdic. omn. iudic. Solutio, licet quo ad actum deueniendi
 in iudicium, non dicatur ex parte actoris contentiosa: istud
 nihil ad rem: nam si consideras, eadem ratio militat in reo:
 quia antequàm uocetur in ius, non potest dici, reddi iudiciū
 in eum inuitum. Et ideo dico, quòd ex parte iudicis, ex eo,
 quòd creatus est iudex, semper habet illam iurisdictionem
 contentiosam: sed quo ad eos qui sunt litigaturi, non dicitur
 suscipere effectum, nisi emissio citatorio: quare facta citatione
 ita redditur iudicium in actorem inuitum, sicut in reum.
 autent.

autent. qui semel, c. quomodo & quādo iudex. l. properandum. §. & siquidem. suprà de iudic. & ideo omni respectu dicetur contentiosa, & necessaria. Intelligite tamen id quod dixi de uoluntaria iurisdictione, ut procedat respectu partium: non autem respectu iudicis. Quia ita iudex qui habet iurisdictionem uoluntariam, sicut is qui habet necessariam, compellitur auctoritatem suam petentibus impartiri: ut uoluit duobus uerbis Bart. referens Guiliel. in l. j. in princip. ff. de offic. proconsul. & leg. Secundo præmitto, * quid sit prorogare iurisdictionē, & quotuplex sit prorogatio. Reperio, quod prorogare iurisdictionem, nil aliud est, quàm extendere iurisdictionem alicuius iudicis: qui aliàs, nisi mediante ista extensione, in causa, de qua agitur, non fuisset iudex competens. Istam descriptionem collegi ex uerbis Panorm. in cap. si diligenti. colum. vj. in princip. de foro competen. & probatur in l. j. suprà cod. & in l. j. ff. de iudic. Sicut in simili dicimus: prorogare terminum ad soluendum, id est, extendere; ut habetur notatum in l. qui Romæ. §. callimachus. ff. de uerbo, obliga. Dicitur & prorogari precarium: id est, in longius tempus extendi. l. sed & si manente. ff. de precar. Fit autem ista prorogatio quatuor modis: De persona, in personam: de tempore, ad tempus: de re, ad rem; & de loco, ad locum: ut dixit Bart. in l. ij. in fin. princip. ff. de iudicijs. de prorogatione quæ fit de re, ad rem: declarat optimè Paul. Castren. in d. l. ij. §. conuenire. uersicul. sed quæro. Quid de prorogatione, quæ fit de loco, ad locum? Vide unum notandum uerbum per eundem Paul. in l. ij. §. final. ff. de condict. ob causam. Adde quintam speciem prorogationis de habitu, ad actum: ut declarat idem Paul. in l. j. colum. fin. in princ. ff. de iudic. ubi loquitur de iudice chartulario: de quo suprà uerba fecimus. Adde & sextā speciem, de casu, ad casum: ut exemplificat ipse Paul. Castren. in d. l. ij. §. sed si iudex, ad finem. ff. de iudic. Tertiò sciendum est, * quia dicit textus, priuatorum, qui dicantur priuati. Priuati dicuntur, qui non sunt in aliqua dignitate constituti, teste Calepino. Et ideo omnes qui non reperiuntur de iure habere di

bere dignitatem, dicentur priuati, unde miles dicitur priuatus, quum non habeat ex militia dignitatem, ut dixit Bart. in l. ex eo, in prima quaestione, ff. de milit. testamen. & sequitur Ias. in l. si quis in conscribendo, col. j. in iiij. not. c. de pact. per text. in l. fin. c. qui mili. pos. iuncto rubro. & quod dico, intelligo de militia simplici, quæ non habet administrationem annexam: ut sunt hi milites, quos gregarios appellamus. Istud uoluit Accurs. in l. j. c. de equest. dignit. facit text. in l. fin. secundo responso, infra eo. Aduertendum tamen est, quia etsi miles simplex non dicatur habere dignitatem, attamen non uidetur posse dici priuatus: ut est text. ad literam, in l. ne cui, in fin. c. loca, ubi habetur, quod priuatus legem illam uiolans, acriter cesus, mittitur in exilium: qui militat, in decem libris auri punitur. Nec est dicendum, quod ibi loquatur de militia cum dignitate, quum text. simpliciter loquatur. Puto quod ibi priuatus non accipitur ita generaliter, ut hic dicimus, pro eo qui non habet dignitatem, sed capiatur pro p̄beio, & uili persona: quum poena, de qua in eo text. istis tantum conueniat, & non grauioribus personis, etiam quod non sint in dignitate: ut habetur in l. pedius, ff. de incend. rui. naufrag. ergo remanet firma conclusio, quod priuati dicantur, qui non habent dignitatem: ut est text. clarus, qui firmat meam solutionem ad l. ne cui, in capit. qui contra. xxiiij. quaest. j. Secundò priuati dici possunt, exempti à iure communi, & sic priuilegiati: ut est text. in capitulo priuilegia, iij. distinct. Et pro hoc facit, quia priuilegium dicitur legem priuans, glos. in l. quod fauore, in fin. c. de legib. d. cap. priuilegia. & ponit Alexand. in l. centurio, colum. j. ff. de uulgar. & pupilla. ergo is cuius gratia lex priuatur, dicitur priuatus, id est, à lege exemptus. Tertiò priuati dicuntur ij, qui non sunt illustres: ut est text. ad literam in l. præcipimus, penul. responso. c. de appellation. Quartò reperio, quod priuatus dicitur quicumque, citra Imperatorem, etsi quacunque dignitate fulgeat: ut patet ex rub. & l. j. c. ut nemo priuatus, titu. prædijs, &c. Quod extendendum est ad sanctiss. dominum nostrum Pontif. ex

maioritate rationis. c. solitæ. de maiorita. & obediens. epistola, inter claras. c. de summa trinit. & fide cathol. cap. nemo. ix. q. iij. Hacq; prærogatiua, ut hoc modo non dicatur priuatus, gaudet Christianis. Francorum Rex, quum superiorem in temporalibus non recognoscat. c. per uenerabilem. uersic. in super. extra qui filij sint legit. & dicatur Imperator in suo regno; ut dicunt Panorm. & Fely. itidem decedentes in alijs Regibus non recognoscentibus superiorem, in cap. quæ in ecclesiasticarum. in glos. j. de constitutio. refert & sequitur auunculus meus dominus Ioan. Francisc. Balbus. in tracta. præscrip. in ij. parte. v. principal. uersic. secunda quæstio est. Quinto modo priuati dicuntur illi, quibus nec à lege uiua, uel mortua, conceditur potestas constituendi uel creandi aliquem in iudicem. Probat in l. nostra. & in l. à iudice. supra de iudic. ubi dixi. Et hoc modo dico accipi hinc, quia si acciperemus aliquo de prædictis modis; aut nimis larga, uel nimis stricta esset significatio. Nam non omnes qui habent dignitatem, de quibus in xij. lib. c. habent potestatem constituendi iudicem, quum non reperiatur iure cautum: nec etiam soli illustres conferunt iurisdictionem; ut d. l. à iudice. & l. j. ff. de iurisdic. omn. iudic. Et hæc figas memoriæ, quia alibi non reperiēs. Noto primò ex hoc tex. * quod consensus priuatorum non est eius potentiæ, ut possit facere iudicem eum, qui nullam iurisdictionem habet. & sic priuati immediate iurisdictionem non conferunt. Ad idem text. non reperiēs, qui directò, sicut iste facit, probet assumptum; & ideo eum singularem puto. Bene uerum est, quod habet alios concord. sed arguendo à contrario sensu, ut suo loco uidebimus. Limitatur istud not. secundum Accur. ut procedat in consensu duorum, aut trium, uel etiam decem: non autem in consensu alicuius collegij. ut hinc per eum. per text. in l. final. infra cod. Ista limitatio prout habet duo capita, ita ex utroque non uidetur posse subsistere. Primò inquantum Accur. restringit decisionem text. nostri ad numerum decennarium, non bene dicit: ut aduertit Paul. hinc, quod probat textus, qui indistinctè dicit, priuatorum.

Et ideo

Et ideo quum generaliter, & indeterminatè loquatur, generaliter uenit intelligendus. l. i. §. j. ff. de lega. prestand. non uis deo quomodo possit saluari Accurs. nisi dixerimus, quod nō appositū numerum illum gratia restringendi, sed potius exemplificandi: quum non legatur taxatiua, quæ in restrictionibus solet apponi. l. ob æs. c. de præd. mino. notat Bart. in l. j. in princip. ff. si quis ius dicenti non obtemper. & ideo exemplum non restringet dictum, sed potius declarabit. l. damni infecti stipul. pertinet. in fin. ff. de damn. infecti. l. j. §. quod uulgo. ff. de ui & ui armata. Secundò non uidetur uerum, quod dicitur, collegium conferre iurisdictionem: quia text. in l. fin. non probat. Nam ille text. hoc solum disponit, quod ijs, qui sunt in collegio, ratione professionis, uel negociationis, non licet declinare forum eorum iudicis: non autem dicit quod ipsi collegiati constituent, & creent sibi iudicem. Nec admittit expositionem Accurs. ad illum textum: ut quia diuinatiua & uiolenta sit. Verba sunt legis: ludicum, ad quos earundem professionum, seu negociationum cura pertinet, &c. Inquit Accurs. Pertinet ex electione illorum, qui exercet. Quis reuelauit Accursio istud: non ne potuerunt collegiati impetrare à principe, ut ipsis constitueretur iudex, non quod ipsi eligerent: qui sensus magis applaudet, ut euitetur legis nostræ correctio, quæ in hoc corrigetur, si teneamus Accurs. intellectum. Legum autem correctionem esse uitandam, edocet Imperator in l. præcipimus. in fin. c. de appellation. quia imo, una lex debet per aliam interpretari, ut iura iuribus concordentur. l. unica. c. de inofficio. dotibus. Minusq; obstaret, si oppo. de autent. de defensorib. ciuit. in princip. & §. j. ex quo sumit Accurs. secundam limitationem ad hunc text. ubi uniuersitas ex electione confert iurisdictionem: quia illud fateor in uniuersitate, non autem in collegio: quum appellatione uniuersitatis non ueniat collegium: licet appellatione collegij ueniat uniuersitas: ut realiter declarat Paul. Castrensis. hic, in princip. ij. colum. Cogita, quia pro nunc ha-

beo hunc intellectum pro uero. Intellige tertio istud notabile, si priuati uelint dare iurisdictionem: secus si notionem: quia hanc possunt de nouo conferre, quum arbitri non dicatur iurisdictione, sed notio. l. ait praetor, cum glo. ff. de re iudica. & sic textus noster, qui loquitur de iudicio & iurisdictione non extendetur ad notionem. Istud praesensit Paul. hic, in primis uerbis: & est bonus text. in l. iij. §. tametsi, in princip. ff. de arbi. Noto secundo, quod non priuati, de quibus in euidentialibus ultimo loco diximus, facere possunt iudicem eum, qui nulli praesit iudicio. Istud uult l. nostra a contrario sensu: & de hoc est text. in l. a iudice, supra de iudic. cum concord. quos ibi dedi. Noto tertio etiam a contrario sensu, quod priuati possunt facere iudicem eum, qui praesit alicui iudicio. Et sic, quamuis non liceat priuatis immediate conferre iurisdictionem: licet tamen mediate, id est, praesupposito, quod in illo iudice sit iurisdictione: & ideo dicitur prorogatio, id est, iurisdictionis extensio: ut quia extendatur per consensum partium iurisdictione illius iudicis ad homines non sui fori. Fundatur istud notabile principaliter in l. j. ff. de iudic. in l. j. supra eodem, & in l. si conuenerit, ff. de iurisdictione. omni iudic. cap. significasti, de foro competen. Sciendum tamen est * ad hoc, ut ista prorogatio iuridica sit, necesse fore, quod aequaliter fiat, scilicet de pari specie ad parem, ut puta de mero imperio ad merum, de mixto ad mixtum: non autem si fiat de dispari: ut de mixto ad merum: quia tunc non diceretur prorogari iurisdictione, sed de nouo conferri: ut uoluit Bartol. in l. inter conuenientes, ff. ad municipia, refert, & dicit istud communiter teneri Paul. in cap. si diligenti, colum. vj. in princip. de foro competen. Noto quarto & ultimo, quod sententia dicta ab eo qui nulli praesit iudicio, etiam si adfuerit consensus partium, non transsit in rem iudicatam. Istud not. non habet dubium: nam res iudicata dicitur, quae finem controuersiarum pronuntiatione iudicis accipit, l. j. ff. de re iudi. quum ergo principium legis nostrae dicat hunc non esse iudicem, & requiratur pronuntiatione iudicis ad hoc, ut dicatur res iudicata:

dicata; sequitur quòd hoc secundum responsum sit de indubitali, aduersus l. quod labeo, ff. de carbo. edi. & l. ancillæ. c. de furtis. quinimo superfluum, contra §. quibus. in prima constit. c. Saluando possumus dicere, quòd licet istud secundum responsum tacitè contineatur sub primo; attamen quia hîc tractamus de annullatione actus, quæ dicitur pœna. l. senatus. ff. de contrahen. emptio. tradunt latè Canoni. in cap. ij. in glos. dispendijs. de constitutio. necesse fuit ipsam annullationem exprimere; quia pœna nunquàm censetur imposita, nisi expressè dicatur. glos. singul. in cap. fin. de iure patrona. Imò fortius dico, necessariam fuisse talem expressionem, per regulam quæ habet, quòd multa fieri prohibentur, quæ tamen facta tenent. l. patre furioso. ubi lalo. latissimè, in quinto not. ff. de fustitia & iure. & ideo nisi Imperator expressisset, sententiàm istam non transire in rem iudicatam, potuisset lata habere effectum. Reliqua quæ hîc dici possent, uide plenius per Bart. in l. j. & ij. ff. de iudi. per Panormi. in cap. significasti. colum. vj. cum sequen. de foro competen.

AVTEN. NOVISSIMA. C. DE INOFFIC.
FIC. TESTAMEN.

- 1 Inofficiosum testamentum quid. Et unde dicitur inofficiosum.
- 2 Verba Autenticorum ponderanda.
- 3 Autenti. Nouissima. an in totum corrigat locum queriunt.
- 4 Partes abis, remissiue.
- 5 Titulus quot modis in iure sumatur.
- 6 Portio debita liberis, quam olim fuit, & nunc sit.
- 7 Dicta in liberis, an sibi locum uendicent in ascendentibus.
- 8 Et an in collateralibus.
- 9 Quod tempus inspicere debeat, in legitime computatione faciendæ.
- 10 Quo titulo quarta iure naturæ debita, liberis sit relinquenda.
- 11 Retento, quod relinqui debeat tituli. insi. an regula indistinctè sit uera.
- 12 Quo modo diuidenda sit portio iure naturæ debita, inter liberos.
- 13 Filium an possit à parente priuari usufructu. portionis sibi debite.

Nouissima. Vtilitas, quæ ex hac autenti-
emergeit quotidie, quum in ea
de portione debita liberis in

bonis parentum (quam legitimam appellamus) tractetur: non exigit, ut circa ipsius commendationem prolixius insistamus. Posita est hæc autem, sub l. cum quaeritur, c. de inoffi-
¹ testamē. * Et ideo ne in tenebris ambulemus, necessarium sciendum est, quid sit, & unde dicatur testamentum inofficiosum, Iuriconsul. in l. ij. cod. titul. in hunc modum describit: Inofficiosum testamentum dicitur, quod à non sanæ mentis homine fit: quum is testamētum conderet, non quasi furiosus existeret uerè: sed quodd cōtra officium pietatis testatus sit. Hoc idem repetit Iustinianus, Instit. cod. in princip. fuitq; de mente Marcelli, qui praxim edocet, in l. nam & his. §. j. cod. titul. Dici autem potest inofficiosum altero de duobus modis. Si acceperimus præpositionem in, pro non: exponendum est, inofficiosum, id est, non officiosum: quasi, non ex officio factum: ut diximus uelle Iuriscōsul. quum paternum officium sit, substantiam congestam pietissimis filiis relinquere ex uoto, & naturali charitate. l. nam et si parentibus, in princip. ff. cod. l. scripto. ff. unde libe. l. penulti. de bonis libe. facit text. Pauli ij. ad Corinth. xij. & transsumptiuè in cap. prædicator. xvj. quæstio. j. Si uerò accipere uolumus præpositionem in, pro ualdè: dicitur inofficiosum, id est, ualde officiosum: ed quodd huiusmodi testamentum plurimū filiis officiat; ut quia per id paterna hæreditate, iure naturæ eis debita, priuentur: officere enim, unde officium, & officiosus, non tantum in bonam, sed & in sinistram partem capi, usitatum est: ut in titul. de serui. urba. prædi. est uidere. * Excerpta fuit hæc autentica per Iruerium, ex autenticis, titul. de trien. & semis. §. j. collatio. iij. ad quos textus autenticorum semper recurrendum esse censeo: ut quia authenticæ istę truncatæ non leue detrimentum quandoq; & dedecus professoribus inferant; quum in eis crebrò aliqua apponantur, quæ in autenticorum uolumine nuspiam sunt comperta; & omittantur, quæ necessa-

riò adijci debuiffe exemplar ipſum demonſtrat. Non enim habuit is Irnerius, poteſtatem addendi uel detrahendi: ſed tantum accommodandi iura autenticorum ad leges Codiciſ, ut dixit Odoſre. in autenti, caſſa & irrita. c. de ſacroſan. eccle. refert Decius in autenti. prætereà, in primis uerbis. c. unde uir & uxor. Huiusq; opi. fuiſſe reperio Domi. Vdalaricum Zaſium Germanum, Iuriſconſul. inſignem, in ſuis ſingula. intellectibus, char. xli. inquit ille: Quæ una conſtitutionis Imperatoriæ mutilatio multos Doctores decepit, & decipiet: qui ad autenticas ſcriptas aduertunt: non ad uerba autenticorum. Appoſita fuit hîc iſta autenti. * ut corrigat l. Codiciſ. dicebatur enim in ea: Cum quæritur, an filij de inofficioſo patris teſtamento poſſint dicere, ſi quartam bonorum partem mortis tempore teſtator reliquit, inſpicitur. Imperator uerò in autenti, de trien. & ſemiſ. ex quo (ut dixi) extracta fuit hæc autenti. iſtud corrigit, ut hîc habes: & plenius uidebis in primo not. Et licet corrigatur, quod de quarta dicitur: remanet tamen incorrectum: quinimo corroboretur per autenti. quod de tempore mortis parentum, an liberi quartam habeant, inſpiciendo, deciditur. ut de hoc infra ſuo loco uidebimus. Præmittere habent tyrones, * quid ſit triens, quid ſemis: & generaliter quæ ſint aſſis partes: quod proſequantur, ut declarat Iuriſconſul. in l. ſeruum. §. final. & in l. interdum. §. j. ff. de hæredi. inſtituen. repetit Iuſtiniã. in §. hæreditas. Inſtitu. cod. & dicit Iſo, hîc, in princip. quod Marcus Varro melius quàm alius, in libro quinto, de lingua Latina, declarat. Ego, illuſt. Guilielmum Budæum Latinioris linguæ peritiſſimum, M. Varroni præferre non dubito: ut qui reſertiſſimos commentarios de Aſſe & partibus eius nobis ediderit. Sciendum quoque eſt, quum dicatur in text. noſtro, Quoquo relictî titulo, * quod titulus uarijs modis in iure ſumi poteſt, ut declarat gloſ. in rubr. in auten. de eccle. titu. & gloſ. in cap. dudum. il. ſecundo, circa finem, in uerb. inſtitulatam. de electio. notant Docto. in l. j. in quinta not. ff. ſi certum

certum petatur. In autenti, nostra puto titulum assumi pro
 quacunque causa, seu modo, aut iure, quo relinquatur: siue
 in contractu inter uiuos, siue in ultima uoluntate; ut probat
 tex. in §. final. instit. eodem, in §. aliud quoque capitulum.
 in princip. in autenti, ut quum de appellatio. cogno. & in
 corpo. unde extrahitur nostra autentic. §. primo. quæ omnia
 iura, quod hic Irne. appellauit titulum, modum dixere. Diuis
 ditur autentic. hæc, in quatuor partes. In prima, dictum.
 In secunda, extensio. In tertia, declaratio dicti. In quarta idem
 quod in tertia. Secunda ibi, quoquo. tertia ibi, ex æquo,
 quarta ibi, cuius. Summatu diuersimodè, ut per Docto.
 hic. Ego paucis ita summo: Iure nouissimo quatuor aut pau
 cioribus filiis, triens: eo numero pluribus semis, pro uirili,
 quouis titulo, debetur: ut nec portionis usufructu fraudari
 queant. Noto primò ex hoc tex. * quòd hodie legitima filio
 rum, si sint quatuor, uel intra quaternū numerum, est triens:
 si plures, est semis. olim uerò erat hæc quadrans, non habito
 discrimine, quot essent filij. §. final. instit. eodem. Et ut scias,
 dicitur triens uel semis bonorum, non autem hæreditatis
 defuncti: quum bona propriè dicantur deducto ære alieno.
 l. subsignatum. §. bona. ff. de uerborum significatio. & filius
 non possit detrahere legitimam, nisi prius deducto ipso ære
 alieno. l. papinia. §. quarta. ff. eodem, de hoc est text. in l. cum
 quæritur. prox. præceden. quod declara, ut per Bartol. in l.
 ex facto. la grande. columna secunda, ad medium. ff. de hære.
 instit. refert & sequitur. Iaso. hic, columna secunda, in princ.
 Ego dico esse casum ad literam, qui confundit hanc diffe
 rentiam, salua pace Docto. in l. omnimodo. uersicul. & hoc
 quidem. infra eodem, ubi Iustinia, appellat quotam, seu por
 tionem debitam filiis, hæreditatis, & non bonorū: in illis uer
 bis, Hæreditatis portionem reliquerint. Cogita, quia non res
 perio ab alio tactum, Quis autem modus seruetur in huius
 quartæ detractiōe, edocet Iurisconsul. in dicta l. papinia.
 §. quarta, & in alijs. §. incidenter, ff. eodem. & practicam
 tradit

tradit remissiuè Ias. hîc. col. ij. in princ. & xij. circa princ. cui adde uidendum Decium, consil. ccxxxvj. non parua, col. vj. in prin. uol. ij. & cõs. dcxxxij. consului. in primo dubio. uol. iij. uidendum est modo, * an ea quæ dicta sunt in descendens tibus, locum sibi uendicent in ascendentibus: ut pariter hanc quartam habere debeant. Iuriscons. in l. j. ff. eod. dicit, parentibus aduersus testamenta filiorum querelam competere, idem dixit Impera. insti. eo. §. j. ad excludendam igitur talem querelam, necessariū est liberis, quartam parentibus relinquere, l. nam & si paren. in prin. & d. l. papin. §. quoniā autem quarta, ff. eo. l. omnimodo. in prin. iuncta glo. infra eo, Et hoc procedit, factō per liberos testamento: si uerō intestati decedant, tota hæreditas parētibus debetur, l. scripto. in fi. ff. unde libe. quod tamen intellige secundum dispositionem §. j. in auten. de hære. ab intesta. ueni. colla. tx. Estq; istud rationi naturali conueniens: quū obligationē quandam ad antidota, omni modo sapere uideat: iuxta text. in l. sed & si lege. §. cõsult. ff. de petit. hære. pro quo pulchrè facit textus, Ecclesiast. vij. ibi, Memento fili, quoniam nisi per parentes, natus non fuisset: & retribue illis, quomodo & illi tibi, Et hac ratione attempta, dicendum est quartam hanc parentibus debitam, auctam esse: prout diximus auctā, quæ debetur filiis: ut uoluit Accur. hîc, & in corpore de trien. & semis. §. j. & dicit cõmunem Ias. hîc. col. viij. in fi. Et q̃ parentibus debeat triens, dicit (ultra Iaso.) magis cõmuniter teneri do. Alexan. cõs. cxl. Super testamento. ad fi. uolu. j. quod mihi placet, attempta generalitate, §. j. de tri. & semis. in illis uerbis: Hoc obseruādo in omnibus personis, in quibus ab initio, antiquæ quartæ ratio, de inofficioso lege decreta est. Et quia nisi ita dicamus, sequeretur absurdum, q̃ illa uerba seruirent de uento, & nihil operarentur aduersus l. si quando. in prin. de leg. j. nam et si filiorum appellatio ad nepotes & ceteros descendentes non extendatur regulariter, §. fin. insti. qui testa. tuto. dari possunt. istud tamen dico nō habere uerum, quando profertur à lege, & concernit filiorum fauorem, l. filium habeo. ff. ad macedo.

doctrinæ est Bar. in l. liberorum. col. iij. in ij. q. ff. de verb. signi. sequitur Bal. in repe. l. in suis. col. fi. ff. de libe. & posthu. refert Alex. consi. j. col. vj. ad medium. uol. j. & sic nisi intelligamus illa uerba, omnibus personis, in parentibus, uerbosa tantum remaneret dispositio. Postremò querendū est, an hæc quarta transuersalibus seu collateralibus debeat. Iuriscons. in l. j. iuncta l. papinia. §. quoniam autē quarta. ff. eo. asserit simpliciter, non deberi cuiuspiam cognato, excepto fratre; quod & admittit Imper. in l. fratris. infra eo. Est uerū, q̃ Constantinus in l. fratres. infra eo. limitauit istud tantū procedere, quando in testamēto fratris, essent institutæ personæ turpes, infames, nel uiles: approbatq̃ Iustinia. in §. j. in fi. insti. eo. quod profere quere, ut per las. latē, post alios, in d. l. fratres. Sed an & aucta quoq̃ sit hæc quarta, quærit hic Accur. qui respondet auctā non esse, licet aliqui cōtrarium tentarint, sequitur Pau. Cast. in d. l. fratris. in ij. q. & las. hic, col. ix. in prin. qui refert Bald. in l. fratres. infra eo. Quod tamen uidetur aduersus generalitatem, d. uersi. hoc obseruando, ut suprà dixi: nisi dixerimus, q̃ lex, etiā generaliter loquens, debet restringi ad rationis limites. l. cum pater. §. dulcissimis. de lega. ij. c. intelligentia. de uerbo. signi. dictum ergo in liberis, bene extēditur ad parentes: quum eadem ratio, licet non ex toto, in eis militet, per l. nam & si parentibus. & per ea quæ suprà adduxi. Quod autem extendi debeat ad fratres, non uideo rationem, quinimo diuersitatem: quum filio semper debeat legitima, fratri uerò non, nisi instituta turpi persona, ut suprà dixi. prior debetur iure naturæ, hæc legis constitutione. Et ut dicam breuius, multa fauore filiorum inducta legimus, quæ ad fratres extendere nefas esset. Quæ hactenus protulimus, ingratitis liberis, parentibus, uel fratribus, procedunt: secus si ingrati hi extiterint, text. habes de causis ingratitudinis liberorum, uel parentum, in §. aliud quoq̃ capitulum. cū sequen. in auten. ut cum de appella. cogno. colla. viij. de causis uerò ingratitudinis fratrum, in §. ingratitudinē. in auten. de nuptijs. colla. iij. Secundò ex hoc tex. ibi, Ex substantia deficientis,

cientis. * Noto, q^d in computatione legitimæ faciendæ, inspi-
ci debet uis patrimonij, quod defunctus habebat tempore
mortis. Concordat l. cum quæritur, ibi, mortis tempore, pro-
xi, præcedēs. sequitur las. hic, qui pro corroboratione alia ad-
ducit. Iste tex. nunquàm mihi probauit assumptum: quia in
corpore, de trien. & semis, uerba nō restringuntur ad tempus
mortis: sed generaliter dicitur, propriæ substantiæ, seu totius
substantiæ: quæ uerba, totius substantiæ, uniuersalia, nō tan-
tum uidentur referri ad ea, quæ defunctus habebat tempore
mortis, sed & ad ea quæ dolo desijt habere: & ad ea quæ hères
ditati tacenti adiecta sunt: quum hæreditas personam defun-
cti representet, l. hæreditas, ff. de acquir. re. domi. cum concor.
adductis ibi per Accur. quare circa istud distinguendum pu-
to, ut alibi quandoq^d dicemus. Noto tertio, ibi, Quoquo, &c.
in electione parentum esse, quo titulo, quartam iure naturæ
debitam, liberis relinquunt. * Ad idem l. omnimodo. §. & hoc
quidē, infra eo. & inst. eo. §. si, ubi clarius declarat Imper. qui
sint isti tituli, quibus relinqui potest. Circa intelligentiā huius
ius not. distinguenda sunt quatuor iura: ius antiquū: ius nou-
uum: ius nouissimū: & ius canonicū. De iure antiquo uidentur
tex. cōtrariari: nam in l. papinia. §. si quis mortis. ff. eo. de-
ciditur, filium cui titulo donationis causā mortis relicta est le-
gitima, non habere querelam. Ergo infertur alio titulo, quàm
institutionis, hanc quartam relinqui tunc potuisse, in l. ita tas-
men. §. qui rogatus. ff. ad trebel. deciditur totum oppositū: q^d
si pater grauauerit hæredem, emancipato restituere hæredi-
tatem, cogi posse hæredem adire & restituere: etsi bonorum
posses. cōtra tabulas emancipatus intētare possit. Ecce q^d ibi
emancipatus habebat plusq^{uam} legitimam iure fideicommissi: &
tamē filius tanquam nō institutus, rumpit testamentū. las. hic
col. iij. in fi. refert autoritates, ex quibus apparet hanc ultimā
fore cōmunem, & refert Alex. in l. inter cætera. col. j. ff. de lib.
& posthu. qui respondet tribus modis ad §. si quis mortis. Et
quū istud scire perfectē nullius utilitatis sit (ut inquit las.) suf-
ficient, quæ dixi, Quo ad ius nouum, scilicet Instit. & Cod.

certissimum est sufficere, ut quoquo titulo quarta relin-
 tur. d. §. fin. insti. eo. d. l. omnimodo. §. & hoc quidem, infra eo.
 licet in contrarium uideatur text. in §. eadem. insti. de hære.
 quæ ab intest. defe. qui requirit ad hoc, ne testamentum rum-
 patur, filium debere institui, uel ex hæredari. Respondeo, da-
 to q. ille tex. directio probet, non obstat, quia l. omnimodo.
 posterior, illum §. corrigit. arg. eorum quæ tradit Accur. in
 §. j. in gl. adimpleuimus. in proem. Insti. De iure uerò nouis-
 simo autenticorum, uidetur concludendum per autent. nos-
 tram, & in corpore unde sumitur. §. si uerò ultra. q. sufficiat
 relinquere quartam quouis titulo. Contrarium uult præcisè
 tex. in auten. ut cum de appel. cogno. §. aliud quoq. capitū-
 lum. ibi. Nec si per quālibet, &c. & istud tenet tota schola les-
 gistarum, per illū tex. qui cauillari nō potest. teste las. hic. col.
 ij. ad mediū. Sed cōtra istam cōmunem sententiam oppono,
 de auten. nostra, ponderando illa uerba, nouissima lege, quæ
 idē important, quod, ultima lege. arg. §. nouissimè. insti. de sa-
 tis d. tut. iuncta gl. uel nouissima, id est, magis noua, in super-
 latiuo perfectionem denotante. Si ultima seu magis noua, est
 posterior: & sic derogat. §. aliud quoq. capitulū. priori. c. j. de
 cōstitu. in vj. arg. §. posteriore, insti. quib. mod. testa. infir. Nec
 obstat, si dicatur, imò auten. ut cum de appel. cogno. est pos-
 terius: quā sit sub colla. ix. auten. uerò hæc sita sit in corpo-
 re, de trien. & semis. quod est in colla. iij. quia respondeo non
 esse absurdum, ut & si auten. ut cum de appel. cogno. sit pos-
 terius in ordine, attamen sit prius in compilatione: quā or-
 do non attendatur: ut uoluit gl. singul. in l. properandum. in
 princ. in uer. lex. supra de iudi. & tibi dixi ibi. in ij. not. Teneo
 cōmunem: quia ista uerba, nouissima lege fuere apposita ex
 capite Irnerij: nec leguntur in auten. de trien. & semis. si dis-
 ligenter intuearis. ergo non probant, quum nō habuerit Ir-
 nerius potestatem addendi uel minuendi, & sic de nouo le-
 gem cōdendi: qui enim addit, uel detrahit, de nouo facere dis-
 citur. l. hæredes palām. §. si quid post. ff. de testamen. diligens
 ter igitur is Irnerius, seruare debuit fines mandati, non trans-
 gredi,

gredi. l. diligenter. ff. mandat. §. is qui. instit. cod. faciunt quæ dixi in exordio huius auten. supra. Restat uidere, quid constitutum sit de iure Pontificio. Reperio, quod dom. Alexan. in d. l. inter cetera. col. fin. fuit opinionis, quod satis esset, quoquo titulo relinquere; hac ratione, ne corrigatur ius naturale. arg. c. cum expediat. de elect. in vj. & l. j. c. de inoffi. do. & dicit hanc esse communem. Contrariam opinionem ueriores fore, & magis communem attestatur do. las. hic. col. vij. in fi. qui refert Alex. sibi contrarium, ita dixisse & tenuisse in consil. ccxij. in iij. col. uol. ij. incip. uiso consilio, est consil. lxx. in uolu. nouis. col. ij. sequitur idem las. ubi plenius hunc articulum tractat, in rub. ff. solu. matrim. col. v. in fi. Et hanc sententiam ueriores puto, attento consil. Alexan. tanquam firmiori: quum actus consulendi dicatur magis deliberatus, quam legendi; ut dixit ipse Alex. mentionem faciens de Ludo. Roma. opinione, in consil. clxxxv. uiso titulo questionis, col. viij. in fi. uol. ij. faciunt quæ tradit Lud. Gome. in §. quædã. col. viij. in prin. insti. de actio. retenta comuni sententia, quod quarta hæc debeat relinquere titulo institutionis, & non alio quouis. * Limitatur per Alex. in d. l. inter cetera. col. ij. ut non procedat in quatuor casibus; intelligendo & declarando, ut ibi per eum. Addit do. las. hic, alias quatuor fallentias. col. v. & vj. & sic sunt octo limitationes, quas ad hanc conclusionem adaptat las. Inter quas, annotare habes duas. Prima est, quam examinat ipse, in col. iij. quod in testamento condito à patre inter liberos, iuxta formam §. ex imperfecto. satis sit relinquere quartam quoquo titulo; nec est necesse, quod unicuique filio titulo institutionis relinquatur. Et hæc fuit opinio Accur. hic, subiicit las. quod licet hæc opinio à comuni schola Legistarum & Canonistarum reproberetur, per generalitatem §. aliud quoque capitulum, attamen se putare, limitationem fore de iure ueram; & quod si casus contigisset, ita consulisset, & iudicasset. Mouetur ex multis, quæ ad duo fundamenta reducuntur. Primum, quia non est absurdum istud dicere, quum innumera specialia sint inducta fauore testamenti conditi inter liberos; adeo ut hoc casu iuris civilis

solennitates cessent. Secundo, quia est casus secundū eum, nō cauillando, in c. raynutius, de testa, Ego teneo communem; & puto si las. ita consuluisset, & iudicasset, q̄ male egisset. Prīmò, propter autoritatem cōmunis opinionis, lege & ratione fundatam, à qua recedere nefas est, c. ne innitaris, de constit. l. scire oportet. §. aliud. ff. de excus. tuto. ca. in canonicis. xix. distin. & tradunt Docto. in infinitis lectionis & consilijs, quæ longū esset referre, Secundo, moueor reali fundamētū quod tolli non potest: nam indubitata est conclusio, q̄ rigor scriptus præfertur æquitati non scriptæ. l. prospexit. in princ. ff. qui & à quibus manu. & dixi in l. placuit. supra de iudi. in iij. conclu. quum ergo habeamus rigorem expressē scriptum in §. aliud quoq; capitulum, nec reperiatur hæc æquitas aliquo in loco scripta: dicendum est, rigorem præferri. Nec obstarēt, si diceretur, q̄ æquitas est in genere scripta. in d. §. ex imperfecto. ut testamentum inter liberos suslineatur: quia clara patet respōsio ex his, quæ dixi in d. l. placuit. in iij. conclu. quū ista sint contraria: ut relinquatur, uel non relinquatur, titulo institutionis. Non obstat primū fundamentum las. quia dico, q̄ multiplicatio incōuenientium non admittitur. l. j. c. de dotis promissio. Præterea quod contra ius cōmune conceditur, nisi specialiter exprimatur, nō est trahendū in consequentiā, l. quod uero. ff. de legib. l. precipimus. in fi. c. de appel. Addo, quia istud introductū fuit fauore filiorū, ut habeant quartam titulo institutionis, quū is titulus honorabilior sit. l. filium. §. sed & si portio. ff. de legatis præstan. Si adhæremus sententiæ Accur. & las. redundaret hoc in eorū odium: contra l. quod fauore. c. de legi. Nec obstat tex. in c. raynutius. quia dico, in illo c. nullibi posse deprehēdi, q̄ ibi pater testatus fuerit inter liberos, secundum formam §. ex imperfecto, quia ibi dicitur, cōdidit testamentū, simpliciter, nullo addito, quū ergo legislator uult loqui de imperfecto, illud exprimit. d. §. ex imperfecto. præterea uerba simpliciter prolata, nō intelliguntur secundū quid, nisi illud quid exprimatur. l. qui pœnæ. ff. de manu. notat Socy. in l. j. in primo no. ff. de uulga. & pupilla. Si enim

enim uera esset cauillatio Iaso, sequeretur, quodd ubique haberetur mentio testamenti, ubi non tractaretur de extraneis, sed de liberis tantum, q̄ illud esset imperfectū, & sic non esset dare testamentum inter liberos cum solennitate iuris; quod quā foret ridiculum, nouissimus scholarium do. Ias. non ignorauit. Circa quartam fallentiam, de statuto augente uel minuente legitimam, an uigore talis statuti sufficiat eam relinqui quoquo titulo, uel nihilominus debeat relinqui iure institutionis, Bald. in l. maximum uicium. c. de lib. prae. ut refert Ias. h̄c, decidit, singulariter sufficere, si quoquo titulo relinquatur, motus inter alia per tex. in d. c. raynutius. ubi stante consuetudine, de qua ibi, potuit pater filiae relinquere quoquo titulo: nec fuit opus q̄ iure institutionis relinqueretur, Alex. in d. l. inter cetera, concludit aduersus Bal. q̄ debeat relinqui titulo institutionis; & dicit h̄c opinio. ueriorē. Sequitur Ias. h̄c; qui dicit, contra Bald. tenendum esse, & h̄c est cōmunis, ut patet ex autoritatibus per eos adductis. Responso q̄ Alex. in d. cōs. lxx. col. ij. ad mediū. uol. ij. referendo Bal. & tenendo q̄ de iure canonico debeat relinqui legitima iure institutionis, ut supra diximus, uidetur sequi hanc Bal. sententiā, quam in d. l. inter cetera, reprobauit. Ego, si intellectus Bal. ad c. raynutius. esset uerus, ab eius opinione nō discederem; sed uideo eum omnino falsum; & miror q̄ Alex. in d. consil. lxx. Iaso. h̄c, & ceteri qui hunc articulum tetigere, nō aduerterint. Si bene inspiciantur uerba c. raynutius. nulli libi comperiri poterit, q̄ attenta consuetudine aliqua, satis sit relinqui legitimam, quouis titulo. uerum est, q̄ ille text. praesupponit in duobus locis, consuetudinem Tuscane ciuitatis fuisse, q̄ de quibusdam tantūmodo rebus, quarta detrahi posset. Et nisi in istis uerbis fundare uoluerit Bal. intentio nem suam, non uideo in toto eo c. quippiam, quod faciat ad propositū. An autē illa uerba probare possint intentum Bal. uniuscuiusq̄ iudicio cōmitto. Confutatis igitur iuridicē his duobus intellectibus, altero Ias. altero Bal. ad c. raynutius. cōcludo opinionē Alex. in d. l. inter cetera, esse magis cōmunē: ut quia

ut quia uera sit, & lege fundetur: q̄ de iure canonico satis sit, quoquo titulo, quartam iure naturę debitam, relinquere: quū ibi altera ex filiabus instituta fuerit uniuersaliter, alia particulariter: quod particulare relictum, instituto uniuersali hærede, in legatum tendit, l. quoties. c. de hære. insti. nec ex uerbis illius c. deprehendi potest, quod Ber. dicit, scilicet, illi Alterochæ ultra dotem, domum & hortū iure institutionis relictum: quum text. simpliciter loquatur, & natura uerborum hoc non exigat. Ego quandoq; in hac re plenius deliberabo: interim tene magis receptam Alex. in consulendo sententiā.

11. Noto quartō, ibi, Ex æquo, &c. * quod portio iure naturæ debita, hoc modo aucta, diuidi debet æqua lance inter filios. Istud clarē uoluit text. in corpore, de trien. & semil. §. si uero. ibi, Singulis ex æquo quadruncium, uel sex uncium diuidendum. Ad idem text. in §. si. in fine, instit. eod. dum dicitur: ut pro rata distribuatur eis, id est, pro uirili portione, quarta. Vides ergo, q̄ hīc Iustini. dicit, ex æquo: ibi appellat pro rata: & declarat q̄ pro rata, nil aliud est dicere, quam pro uirili, & nō insolidum. Et ita ista uerba pro rata, exponi debere, dixit Alex. consi. lxxij. uiso processu. col. iij. in prin. uolu. v. & miror, q̄ non fuerit recordatus de d. §. fin. qui melius probat, quàm alius text. de mundo. Et adeo debetur ex æquo, & pro rata, ut qui non admittitur ad partem, alijs partem faciat in computatione quartæ, l. papinia. §. quoniam autem quarta. ff. eo. declarando ut per Docto. ibi: præcipue per Paul. Cast. & per Barto. in l. pater filium. ff. eod. ponit Ias. hīc, in xij. col. & in l. huiusmodi. §. si titio. post ceteros. col. j. & ij. ff. de leg. j. & circa dubiū Raph. Fulg. quod hīc in d. col. xij. refert Ias. an filia exclusa à statuto faciat partem fratribus. uide multa succinctē per Decium consi. dcviij. uiso puncto. in ult. dubio. ult. uolum. An autem dicta in filijs uendicent sibi locum in nepotibus, tangit post Saly. Ias. hīc, col. xij. qui facit duo fundamenta: quæ ego, nōdum uisis his suis uerbis, ad aliud propositum, an quarta parentum sit aucta, supra accommodaui. Pro cuius sententiā, facit autem, nostra in si. dum loquitur de liberis:

liberis : quorum appellatione certo certius est, uenire nepotes & ceteros descendentes. §. fina. instit. qui testa. tuto. dari poss. l. liberorum. ff. de uerborum signifi. sed iste tex. non probat: quum illa dictio liberi, appositae fuerit ab Irne. nec in tit. de trien. & semis. §. j. comperiatur. Bene uerum est, quod §. neque illo. in dicta autent. de trien. facit mentionem de liberis & nepotibus: & ex illo text. oritur, uera decisio quaestionis. Quinto & ultimo noto ibi, Cuius portionis, * quod filij priuari non possunt à parentibus usufructu portionis debita iure naturæ. Concordat text. in l. quoniam in prioribus. infra eod. ibi, Vel aliud grauamen: quod exponit exemplificando Accur. ueluti usumfructum. ad idē tex. in l. scimus. §. cum autem. infra eod. ponderando illum text. in duobus, aut tribus locis. Aduersus istud no. opponitur fortiter de l. uxori meæ. ff. de usufru. lega. Accur. hic, & in autent. de trien. & semis. §. prohibemus autē, ac in alijs plerisque locis. soluit duobus modis. Primo, quod illa l. uxori. corrigitur. Secundo; q̃ ibi filius habebat proprietatē omnium, & ideo poterat ususfructu fraudari. Prima cōmuniter approbatur, alia rejicitur. teste Iaso. hic, colum. xj. circa finem. Ego teneo communem, ponderando uerba autentic. de trien. & semis. in §. prohibemus. circa fi. ibi, sed modis omnibus eis huius legitimæ partis, quam nunc deputauimus, & usufructū insuper, & proprietatem relinquat. Ecce tex. sole clariorem, qui uult, copulatiuē relinqui debere usufructū & proprietatem simul: si relinquitur tantummodo proprietas, etiam omnium bonorum, etsi esset amplius patrimonium, quam unquam fuerit Cosmæ de medicis: non tamen satisfit menti & uerbis legis, nisi etiam relinquitur usufructus portionis debita: nam ad ueritatem copulatiuę requiritur utriusq̃ copulati adimplementum. l. si hæredi plures. ff. de condi. instit. §. penul. instit. de hære. instit. & l. si quis ita stipulatus fuerit decem aureos. ff. de uerborum obligation. Secundo pondero uerba illius autentic. ibi, Siquidem uxoribus omnem dereliquerunt suarum rerum usufructum, filijs autē proprietatem nudam:

quæ quum indeterminate sint prolata, nec ad partē proprietatis referantur: possunt intelligi de tota proprietate. uulga. l. de precio. ff. de public. Vltimò pondero rationem, quæ ibi mouit Iustinianum ad decidendum, filiis debere relinqui, non tantum proprietatem, sed & usumfructum. Est enim ratio, quam bis repetit, ne filij fame moriantur: quæ ratio ita militat, si tota proprietas relinquatur, sicut si pars: quum ex proprietate sola impossibile sit quem uiuere: ut ratio naturalis dicat. Nec obstarat, si diceretur, filium qui est dominus proprietatis, posse uendere uel obligare proprietatem. l. fundi trebariani. in princip. ff. de usufructu. legat. l. ij. c. de usufru. ex quo posset uiuere, & fame non perire: quia respondeo, quod ita alienando, diceretur re sua abuti: ut quia consumpta proprietate ita egeret, & fame laboraret, sicut ab initio. Interest autē rei publicæ, ne rebus suis quis malè utatur. §. sed & maior. cum glo. Institu. de his qui sunt sui uel alie. iur. & ne quis fame pereat. l. necare. ff. de liber. agnoscen. cap. pascere. lxxxvj. distinctio. nec cogitur filius uendere proprietatem, ut ex ea uiuat. l. fina. §. ipsum autem. c. de bonis quæ liber. ponit Decius, in autenti. præterea. colum. final. ad medium, c. unde uir & uxor. Ex his habes communem, firmissimis fundamentis roboratam: quam puto sine cautela & cauillatione procedere: ut quia parens qui contra legem committit, relinquendo solam proprietatem sine usufructu liberis, non mereatur, ut eius uoluntas, legis beneficio illesa seruetur. l. auxilium. in fi. ff. de minor. cap. priuilegium. xj. quæstio. iij. Nemo enim facere potest, quominus leges in suo testamento locū habeant, inquit Pompo. in titu. de lega. j. Filius ergo, non tantum proprietatem totam relictam habebit, sed & portionis iure naturæ debitæ, usumfructum. Cætera quæ ad huius amplissimæ materiæ complementum congeri possent, dic, ut per Do. Iaso, hic, cui adde, in quantum in fine xj. colum. dicit, communem fore, quod dos in legitimam cōputetur: per l. quoniam nouella. infra eod. istud non solum procedere in dote, sed & in paraphernalibus, uestibus, localibus, cophanis, & alijs apparatusibus,

paratibus, quos in hac nostra patria Pedemōtana, trofel'um uulgo appellamus, ut elegantissimè tradit Decius, consilio dcx xviij. in casu de quo quæritur. columna ij. in ij. dubio. ult. uolumi.

L. PRIMA. C. DE INOFFIC. DONA.

- 1 Diffinitio inofficiose donationis, Az o. c. nostra.
- 2 Donatio inofficiosa duplex, ex mente Doctorum.
- 3 Disputatio an sit dare donationem inofficiosam re tantum.
- 4 In casu lsi unquam, an debeat dici donatio inofficiosa re.
- 5 Duo intellectus Accur. ad l. nostram.
- 6 Tertius intellectus Paul. Castr. qui reprobatur.
- 7 Vterq; intellectus Accur. sustentatur.
- 8 Donatio inoffic. in aliquem ex filiis facta, usq; ad legitimam reuocatur: cum quatuor ampliationibus.
- 9 Donatio inofficiosa in extraneum facta, quomodo reuocetur.
- 10 Donatio facta liberto per remedium lsi unquam, in totum reuocatur: cum quatuor ampliationibus.
- 11 Tres notande limitationes ad conclusionem istam ultimam.

Siut allegatis. Materia hæc inofficiosa

rum donationum per se ardua est: adeo quod pauci commentarij Doctorum, super ea conscripti leguntur: quæ in Pandectis alibi, quàm in l. titia scio. §. imperator. cum §. sequen. ff. de legat. ij. non habetur: teste Bartol. hic, & ibi, Scire debent iuniores, quid sit donatio, & quotuplex, secundum quod in uoce declarauī. Quum igitur materia longa sit, ea tantummodo adducam, quæ ad rem magis facere uidebuntur. Scio enim quicquid boni in ea dici possit, excellen. præceptorem nostrum Domi. Ioan. Anto. Rubeum in repeti. illius §. imperator. proximioribus his annis pleno calamo attigisse. Præmitto igitur (à diffinitione initium sumens) quid sit inofficiosa donatio. Reperio quod Azo in summa huius tituli, ita diffinit: Inofficiosa donatio est, quæ cōtra offi-

cium pietatis est facta: scilicet, quia per eam liberi, uel parentes excluduntur à debito bonorum subsidio, uel ex proposito donantis, uel re ipsa. Ista diffinitio non placet, quia uidetur inferre, fratri non dari querelam: cuius contrarium ipse in sequentibus firmat, & infra dicemus: tum etiam, quia per illam disiunctam, uel uidetur Azo inferre, esse donationem inofficiosam consilio tantum, aut re: non autem re & consilio simul. Quare ego aliter diffinio: Donatio inofficiosa est quaedam iniqua liberalitas, consilio & effectu interueniente, uel effectu tantum: per quam hi, quibus debetur legitima, à debito bonorum subsidio excluduntur. An hac diffinitio in se uera sit, ex discursu eorum, quæ infra tractabimus, probare poteris. Secundò sciendum est ex mente Doctorum omnium communiter, prout etiam posui in diffinitione, quodd duplex est inofficiosa donatio: alia est inofficiosa consilio & re ipsa, alia re tantum. Et ut scias, Docto. accipiunt, re, euentu, seu effectu, pro eodem: quum hi termini idem denotent, ut ad sensum patet. Fundamentum Doctorum, quod sit dare donationem inofficiosam re & consilio, stat in tex. claro, in l. si liqueat, infra eod. ponderando uerba illa, in prin. cum aduersus, &c. & in si, ibi, In cuius bonis si idem consilium & euentus, &c., adducitur etiam l. nostra, iuncta l. titia scio. §. imperator. de lega. ij. ponderando uerba illa, ad deludendam inofficiosi querelam: quæ denotant propositum maliuolum, ex quo donatio cum traditione, & sic effectualiter subsequitur. §. aliq. iij. responso, insti. de dona. ad idem l. si libertus. §. j. ff. de iure patr. Fundamentum quodd sit dare donationem inofficiosam re, secundum Bar. hic, col. ij. ad medium stat in omnibus legibus huius tituli. sed secundum eundem, in dicto §. imperator, colum. ij. uersic. distingue ergo. stat in l. nostra, id est, in l. ij. iij. & in l. cum dona. infra eod. Ego puto, quod probetur in omnibus legibus huius tituli, excepta l. si liqueat, & l. nostra, secundum alium intellectum: propter illa uerba, ad deludendam inofficiosi querelam: quia omnes istæ leges loquuntur de quodam impetu immoderate liberalitatis, proueniēte ex facto ipso donandi, potius quam

quàm ex malo animo, seu proposito fraudandi liberos. Si uolumus disputando tenere, quòd sit dare tantum donationem inofficiosam re & consilio, & non re tantum, possumus ita argumentari: quòd nemo censetur aliquid dicere, quin prius mente id, quod agere intendit, cogitauerit. l. labeo. §. fin. ff. de supellect. leg. igitur pater habens liberos, non censetur fecisse donationem inofficiosam, quin prius cogitauerit de liberis: & sic quum inofficiose donat, de ipsis fraudandis. Nec obstarèt, si diceretur, aduerte, quia potest esse, quòd iste pater habebat filios, & tamen non considerabat numerum eorum, uel quanta esse deberet ipsorum legitima: & ideo non consilio fraudandi, sed re tantum censendus est fecisse talem immensam donationem: quia respondeo istud non admitti: nam pater qui censetur una & eadem persona cum filijs. l. fin. c. de impuber. & alijs substit. non audiretur, si diceret se non habuisse mentem ad numerum filiorum: quia præsумitur de præsumptione iuris istud scire. argu. l. octau. ff. unde cognati. faciunt quæ notant docto. post Bartol. colum. iij. in l. i. ff. si certum petatur. & est text. in l. si filium. c. de libe. causa. & in facto proprio non toleratur ignorantia. l. quanquam. ff. ad uelleian. Nec admittitur etiam ignorantia, quanta deberet esse legitima filiorum: quia est iuris, & ideo non excusat l. regula. in princip. ff. de iur. & facti ignoran. l. ij. c. eodem. & hoc modo possèt dici, quòd debeant intelligi omnes leges huius tituli. Defendendo ueritatem possumus respondere, quòd uera est regula l. labeo. de supellect. lega. uidelicet, neminem censeri aliquid dicere, quin prius mente id cogitarit. & sic non est præsумendum aliquem donare, quin prius cogitauerit se uelle donare. Sed non ex hoc sequitur, quòd cogitarit de liberis: quia de eis in contractu donationis non tractabatur & præsertim quòd haberet pater animum fraudandi, nisi de animo malo aliter edoceret. Dolus enim nunquā præsумitur, nisi probetur. l. dolum. c. de dolo. l. fluminum. §. fin. ff. de damn. infect. Nec leges pro hac sententia adductæ, istum sensum admittere possunt: quum de proposito frau-

dandi in eis non constet. Et ideo non est mirum, si statutum fuit, ut donatio re tantum inofficiosa, usque ad debitum bonorum subsidium solummodo reuocetur, in quencuncq; sit facta: quod secus est in donatione inofficiosa consilio & re, sicut in simili dicimus de eo, qui rem alienam contrectat: ut si malo animo, acriter puniatur; alias secus. l. inter omnes. §. re. cte. ff. de furtis, malelicia enim uoluntas & propositum distinguunt, l. qui iniuriæ. in princip. ff. eod. Et pro opinione communis adducitur bonus tex. secundum docto. in l. si unquam. c. de reuocand. donation. * ubi non potest dici inofficiosa donatio consilio, quum non haberet tempore donationis filios pater, quos fraudaret: sed fuit inofficiosa re tantum, per actum donationis re ipsa consummatum. Aduerte, quia potest disputando teneri, & fortassis esset mera ueritas, quod in l. si unquam, non potest dici donatio inofficiosa re, nec alio quouis modo. Moueor per regulam illam uulgatam, quæ habet, quod priuatio præsupponit habitum, l. decem. ff. de uerbo. obliga. melior text. in §. seruus. Institu. de capi. diminu. præterea non entis nullæ sunt qualitates. l. eius qui in prouincia, circa finem. uersic. quoniam non possunt. ff. si cert. pet. quum ergo ille pater non haberet liberos, quomodo est possibile dicere, quod illa donatio esset inofficiosa re? nam inofficiosum dicitur, quod contra pietatis officium sit. l. ij. ff. de inoffic. testamen. & dixi in autent. nouissima. supra titul. j. & ideo si ille pater donauit, quum non haberet filios, licet postea suscepisset, non potest dici inofficiosa, in iuris inspecto. l. ij. §. scio. ff. de minoribus, nec rescinditur in eo textu donatio, eo quod ullo pacto sit inofficiosa: sed fauore filiorum post donationem natorum, ex præsumpta mente donantis, ut est text. in capitul. quicunque. xviij. quæst. iij. minusq; in illis iuribus de aliqua inofficiositate mentio habetur. Et isti sententiæ ad stipulari uidetur Bartol. dum in distinctione sua, & hic, & in d. §. impetator. in casu l. si unquam. non facit mentionem, an ibi fuerit inofficiosa aliquo ex his modis: sed tantummodo quod reuocetur ex præsumpta mente donantis; licet reprobanda opinionem

opinionem Hugo, sentiat in d. l. si unquam, donationem fore inofficiosam re. Quæ ultima opinio posset sustineri, si accipere uoluerimus donationē inofficiosam de se, nō facta relatione ad donantem: ut exponamus, prout in aut. nouissima, dixi de testamento: inofficiosa, id est, ualde officiosa: eò quia nisi illa donatio re ipsa facta reuocaretur, officeret filiis, ad quos ex uoto, & charitate naturali peruenire debent bona paterna, l. nam & si parentibus, in princip. ff. de inoffic. testamen. l. penul. §. j. ff. de bonis liber. l. cum ratio, in princip. ff. de bonis damna. & hoc modo, referendo ad effectum tantum, intellige illa uerba, iniqua liberalitas, quæ apposui in mea diffinitione. Diuiditur lex nostra in duas partes. In prima thema. In secunda ibi, Non iniuria: responsio. Summare potes diuersimode secundum uarietatem intellectuum, ut per doctores hic. Ego ex mente Ba: t. in sua distinctione ita summo; Donatio inofficiosa re, usque ad debitum bonorum subsidium reuocatur. Patitur hæc lex duos principales intellectus, secundum Accursiū hic, in prima quæstione glossæ magnæ, & iste est casus in terminis. Primus intellectus est, quod mater donauit decem uncias suæ substantiæ: ex duabus, quæ super fuerunt, fecit duodecim partes, quod potest, §. hæreditas, uer, non autem. Institu. de hæred. institu. & ex duabus uncis istarum duos decim quas minutas appellant doctores, instituit Nicaronē, & Papinianam: de quibus in textu: & sic quum isti non habeant integram quartam totius patrimonij, ut quia id donationibus inofficiosis sit exinanitum, subuenit eis lex, ut iuxta formam de inofficioso testamento constitutam, per querelam debitum bonorum subsidium consequantur. Iltum intellectum dicit uerum Ba: t. hic, in prima oppo. & puto in se uerum fore: attamen est diuinatiuus, quum ex uerbis textus nullo modo elici possit quippiam, per quod edoceatur, factū hoc modo processisse. Et ideo quum non appareat de ista diuisione, censi debent isti duo filij instituti in totis duabus uncis, quæ remanserunt ex bonis donatis: sed quia fuerunt exinanitæ legatis uel fideicommissis, super quo se fundat imperator,

perator, obtinuerunt remedium, de quo in fine legis. Et iste est secundus intellectus Accursi, quem Bartol. damnat, ea ratione: quia de iure antiquo legata ultra legitimam non ualuerent, l. cum patronus. ff. de lega. ij. Paul. Castren. hic, colum. ij. ad medium, ad istud fundamentum respondet diuersificando casus, ut hic per eum. Attamen dicit, doctores tenere primum intellectum, quem alio fundamento adiuuat. Ipse tamen post Bald. in casus figuratione uidetur aliter sentire, & sic ponere tertium intellectum, quod mater donauit decem uncias bonorum suorum duobus liberis, uel duobus extraneis: deum in testamento illos filios donatarios, & alios duos quos habebat, in illis duabus uncias quae remanserunt, haeredes instituit: & sic illi duo, quibus nihil donatum fuit, habuerunt unam unciam tantum, & quidem onustam legatis: ubi unam cum dimidia integram, per leges antiquas habere debebant. Iste intellectus non placet: quia imperator in illo uersic. ac postea uos, dirigit uerba ad illos duos conquerentes, quos alloquitur, non ad alios: nec possunt sub illis uerbis comprehendere personae, de quibus mentionem fecit: quum non possit constare, an liberis, an extraneis fuerit donatum: & sic ad illos relatio certa & congrua fieri non possit. Quidquid sit, non puto recedendum à primo intellectu, quia secundus non potest subsistere: nam etsi aes alienum & funeris impensa sint deducenda ante legitimam, non tamen legata. l. papinianus. §. quarta. ff. de inofficio. testamen. ut quia filius longè potius ius habeat in bonis parentis, quàm legatarius, nec quiuis alius. l. nam & si parentibus. cū cōcor. ff. eo. nec uerba huius legis dicunt, quod exinanierit, & sic quod istud in effectu facere potuerit: sed dicunt, exinanire gessit, id est, desiderauit: gessere enim hic, prout etiam apud grammaticos, nil aliud denotat, quàm desiderare, seu uehementer cupere. Vides ergo quod intellectus iste non procedit: quia non obstantibus legatis & fideicommissis relictis, filij hi duo haberent duas uncias, & sic plus legitima, si essent alij duo filij, prout in themate praesupponitur: & ideo conquerentes non audirent

audirentur. l. cum queritur. *suprà* titu. j. Sufficienti tamen potest iste intellectus, si tenuerimus, donatum non filiis, sed extraneis; & sic quoddam querelantes essent soli; nam tunc ad integram quartam exigeretur adhuc uncia de iure isto c. & Digestorum. l. papinianus. §. quarta. ff. de inoffic. testamen. & d. l. cum queritur. & iste intellectus est uerissimus, quum lex nostra de extraneis loquatur, & procedit sine scrupulo, Ex pedita declaratione intellectum huius literæ, capio examinandam quintam questionem Accursij, omisis cæteris, quas satis sit in uoce expediuisse. In qua quæst. recitatis opin. anti quorum, Bart. more suo elegantissimo, accommodat pulchram distinctionem; sed magis clarè & perfectè iudicio meo cam ponit, in d. §. imperator. Ego hanc materiam per tres breues conclusiones paucis absoluam. * Prima igitur sit conclusio; Donatio inofficiosa siue re tantum, siue re & consilio facta in aliquem uel aliquos ex filiis, usq; ad debitum bonorum sub sidium tantum, reuocatur. Fundamentum huius conclusio nis stat principaliter, in autent. unde & si parens. *suprà* de in offic. testamen. & in l. nostra, iuncta l. ij. l. cum donationibus, l. si mater. & l. si liqueat. *infra* eod. Ratio fundamentalis huius conclusionis est; quia admittitur, nec reprobatur à lege dile ctio patris magis in unum ex filiis, quàm in alium: ut dicit Imperator in autent. de immen. donatio. in princip. & uersic. dum liceat. colla. vij. ex quo autent. manauit. autent. unde & si parens. Ampliatur primò ista conclusio, ut procedat non tantum in filiis, sed etiam in nepotibus, & cæteris descenden tibus, per text. in d. l. titia seio. §. imperator. qui loquitur de nepotibus. Facit l. nostra, quæ loquitur generaliter de liberis, quorum appellatione ueniunt & nepotes, & cæteri descen dentes. l. liberorum. ff. de uerborum. signific. §. fin. Institui. qui testamen. tuto. dari possunt. Et non tantum intelligatur de patre, qui inofficiose donat, sed & de matre, auo, auia, & simi libus ascendentibus personis; ut hac l. nostra, & l. si mater. & l. si liqueat. *infra* eod. & in d. §. imperator. Ampliatur secun dò, ut non tantum procedat in donatione, quæ reuocatur cõ

tra uoluntatem, sed & in ea quæ reuocatur ex præsumpta mente donantis : ut est text. clarus, in l. si totas. infra eodem. Extende tertio, ea quæ diximus in descendantibus, ut etiam procedant in ascendentibus : per text. in l. si filius, infra eod. & etiam procedant in fratre, eo casu quo sibi debetur legitima: secundum Accur. in l. ij. in gl. si, infra eo, & in l. si filius. in glos. j. & ibi Paul. Castrenf. notat. Pro quo facit, quia ea quæ dicta fuere in querela inofficiosi testamenti, censentur regulatiter repetita in hac l. final. infra eodem, & probatur in lege nostra, in fin. & in alijs huius tituli. Amplia quarto, ut procedat, non tantum si is qui donat, cōdiderit post donationem testamentum : uerum etiam si intestatus decesserit. l. iij. infra eod. & hæc ampliatio generalis est in tota materia : quum lex illa generaliter loquatur. Secunda sit conclusio: Donatio inofficiosa re & consilio in extraneum facta, reuocatur in totum : si talis reuocatio fiat contra mentem donantis. Fundamentum istius conclusionis stat, in l. si libertus. §. penult. ff. de iure pat. sumendo argumentum à maioriore rationis. per text. in l. penult. §. j. ff. de bonis liber. l. si quis legatum. §. fina. cum glos. ff. de falsis. istam conclusionem firmat Bartol. hic, & clarius in d. §. imperator. in sua distinctione. sequunturque communiter docto. hic, & ibi. Intellige istam conclusionem ut procedat in donatione inofficiosa re & consilio, ut dixi: non autem in donatione inofficiosa re tantum : quia eo casu reuocatur solum usque ad debitum bonorum subsidium : ut uoluit Bartol. in dicta sua distinctione tam hic, quam in d. §. imperator. per text. in l. nostra, & in l. ij. iij. & l. cum donationibus, infra eodem. quæ iura meo iudicio non probant. Primo textus noster, quia loquitur de donatione inofficiosa re & consilio, ut demonstrant illa uerba, ad deludendam inofficiosi querelam, de quibus dixi supra in euidentibus. Nec etiam probat l. ij. & l. cum donationibus, quia loquuntur in liberis, non in extraneis. text. quoque in l. iij. infra eodem. non loquitur, in quantum fiat reuocatio: sed quod dictum in causa testati, habet locum in causa intestati. Non uideo quomodo possit

do possit in hoc titulo probari hæc conclusio; nisi in lege nostra, intelligendo eam: ut per Bartol. hic, quod illa uerba, Ad deludendam inofficiosi querelam: posita fuerint, quia ita contigerit ex euentu: non autem ex proposito fraudandi. Qui sensus mihi placet: quia nisi ita dicamus (quidquid dicat Bartol. in alia solutione) sequeretur, quod conclusio nostra esset falsa: quia hic esset donatio inofficiosa re & consilio, facta in extraneum: & tamen non reuocaretur nisi usque ad debitum bonorum subsidium: ut patet ex illis uerbis, *Verum* pote quartam non habentibus. Quasi dicat, si haberent quartam, non admitterentur ad querelam. Quod esset absurdum & contra ea, quæ diximus, & contra text. cum rubro, in autent. de immen. dona. in filios factis. quod tantum loquitur, & se restringit ad donationem inofficiosam factam in filios, non autem in extraneos. Et ista est communis opinio, teste Iasone, in autent. unde & si parens. in finalibus uerbis. supra titulum. j. licet dicat contrarium tenuisse aliquos doctores: ut ibi per eum, quod etiam inofficiosa consilio reuocetur usque ad legitimam tantum. Aduersus quos facit dictum authentic. de immen. dona. nec ratio, de qua ibi, maioris dilectionis in aliquem, uel aliquos ex liberis, militat in extraneis: ut ex eo textu, & ad sensum, patet. * Tertia sit conclusio; Donatio facta in libertum, reuocatur in totum, natis liberis: ut quia talis reuocatio, ex præsumpta uoluntate donantis procedat. Fundamentum huius conclusionis stat in l. si unquam. c. de reuocand. donationib. qui text. est singularis, & menti tenendus. Ratio fundamentalis potest sumi ex dicto communi doctorum: quia in tali donatione inest tacita conditio, si liberos donator non habuerit, argu. l. cum auus. ff. de conditionib. & demonstrationibus. & l. tale pactum. §. fina. ff. de pactis. Ampliatur ista conclusio, ut non solum procedat in donatione facta liberto secundum casum l. si unquam. sed etiam in donatione facta cuicunque extraneo: ut uoluit Accurs. in d. l. si unquam, Bartol. hic, & in dicto §. imperator. in sua distinctione, quem doctores sequuntur: & est communis opinio, ut atque

statut & pulchrè defendit dominus meus Ioan. Francisc. Ripa, in repetitione sua aurea d. l. si unquam, in secunda quæst. Ampliatur secundo, ut etiam procedat, si donator haberet filios, sed crederet eos mortem obiisse, falso rumore ductus: ut quia accessissent trans mare, uel in longinquam prouinciã, arg. text. in l. fin. ff. de hæredib. instituend. & in l. iij. c. eodem, tradit dominus meus in d. l. si unquam, in quinta quæst. pro quo facit, quia ista donatio uidetur facta sub conditione tacita, si liberi mortui fuerint. arg. eius quod dixi proximè in ratione conclusionis. Si ergo superstites sint, falsa causa conditionaliter emissã, uitiat donationem. l. demonstratio. §. fina. in secundo responso. & ibi per Bartol. in iij. colum. ff. de condition. & demonstration. quod apparet ex præfatione, de qua in d. l. fina. quam necessariò puto in tali donatione adijci debere ad declarationem animi donantis. arg. eorum quæ notat ibi Accurs. in glos. modus. Tertiò extende conclusionem, ut etiam procedat, dato quòd filij, per quorum natiuitatem ipso iure est reuocata donatio, incontinenti morerentur: quia propter hoc nõ reconfirmaretur donatio. Ista est decisio Bartol. notanda, in d. l. titia. §. imperator. in penult. quæstione. de quo latius per dominum meum in d. l. si unquam. q. xxxviij. ultra quem adde quòd pro opin. Barto. faciunt, quæ in simili determinat Decius in autent. præterea. col. fin. in fin. c. unde uir & uxor. Amplia quarto, & ultimò pro nunc, ut procedat etiam quòd donans iurasset non reuocare: ut uoluit Bart. in d. §. imperator. quæst. ulti. & dicit communem, ubi latè examinat dominus meus in d. l. si unquam. q. iij. Limitatur nunc ista conclusio, ut non procedat, si donatum esset ecclesiæ, monasterio, uel hospitali: quia tunc usq; ad legitimam tantum reuocaretur donatio. cap. fin. xvij. q. iij. sequitur Bart. in d. l. titia. §. imperator. col. ij. in princ. uer sic. quæro dixi quòd donatio. & istud tenuit Paul. Castren. hic, col. ij. ad medium. Sed quum monasteriũ & locus pius habeantur loco filij. c. in præsentia. uer. sed & si teneret. extra de prob. gl. in aut. si qua mulier. & in corp. unde sumitur. c. de sacro. ec. melius situaretur

hæc

hæc limitatio pro ampliacione ad primam conclusionem: de cuius tamen ueritate uide plenius per Dominum meum in dicta l. si unquam. quæstio. xlix. Secundò limita, ut conclusio nostra non procedat, quando esset expressè renuntiatum beneficio l. si unquam. ut si pater dixerit: uolo etiam quòd nascantur mihi liberi, non posse donationem reuocare. Ista fuit decisio Bart. in dicta l. titia. §. imperator. uersi. quæro utrum. l. si unquam. & est cõmunis opinio, licet plurimi Docto. contrarium tenuerint, & sibi contrarij fuerint: ut uidere potes apud Dominum meum in dicta l. si unquam. quæstio. li. ultra quem adde, quòd hanc opinionem tenuit Iaso. in l. si quis in conscribendo. colum. iij. in princip. c. de pactis. ubi dicit, se ita cõsuluisse pro quodam nobili Mantuano. Et credo quòd eius consil. sit in ordine cxxv. incip. Bartholomæus Balbus, in primo uolu. Et hoc, quo ad reuocationem, quæ fieri posset uiuente patre, per remedium l. si unquam. Sed punctus est uidere, quid iuris in reuocatione inducta in fauorẽ filiorum post mortem parentum, per titu. de inoffi. donatio. Do. Iason in dicta l. si quis in conscribendo. ubi suprà, uersicu. tene contrarium. uidetur tenere, quòd hoc casu donatio reuocetur tantum usq; ad legitimam. Ego contrà sentio, & pro solido fundamento præsuppono, quòd quando pater donat eo modo, quo dictum est suprà, dicitur donatio talis inofficiosa con filio & effectu: quia pater cogitat de liberis nascituris: & ex malo animo, dum renuntiat, uult præiudicare ipsis filijs. Et quòd istud sit uerum, tenet Bartol. in dicto §. imperator. ubi suprà, dum dicit, quòd non præiudicat pater filijs, quantũ ad reuocationem faciendam, per titulum de inoffi. donatio. quia fit donatio in fraudem filiorũ. Si ergo fit in fraudẽ, est inofficiosa cõsilio, & facta in extraneum: quare mortuo patre non dubito, quin ueniat reuocanda in totum, stante distincione Bartol. communiter approbata & uera; ut in secunda conclusione liquidissimè demonstraui. Limitatur tertio ista cõclusio secundum Iaco. Butriga, quem refert Paul. Castrẽ. hic, colum. iij. in princ. ut procedat, quando is qui donasset, nullos

haberet filios natos tempore donationis: secus si haberet. Quia sicut uult fraudare natos, pari ratione credendum est, quod uoluerit fraudare nascituros, ad quos maiorē affectio- nem non habebat, quā ad iam natos. Et ita intelligit Iaco, procedere l. si unquam. Paul. putat distinguēdum; ut opinio Butriga. procedat, quando haberet pater filium, non tamen exosum: aliās si haberet exosum, non procedat eius sententiā, rationibus de quibus per eum. Circa istud non insisto, dicas de hac quæstione, ut per Dominum meum in dict. repeti. l. si unquam. quæstio. vj. qui reprobatur hanc Pauli distinctionem, Mihi tamē uidetur, quod lex si unquam. non cauillando, nec subaudiendo, manifeste probet intentum Iaco. Butrig. si con- textus uerborum Imperatoris bene ponderetur. Et ex his sint expedita, quæ circa huius difficilis legis materiā dixisse uolui.

RVBR. C. DE PETI. HAERE.

- 1 Continuatio rubr. per Accursium defensata.
- 2 Hereditas quid sit, remissiue.
- 3 Petitio hereditatis quid sit, clarè demonstratur.
- 4 Petitio hereditatis quotuplex sit.
- 5 Petitio hereditatis an sit realis, uel mixta.
- 6 Duo noua fundamenta ad demonstrandum quod sit realis: cum responsione ad l. hereditatis, infra eod.
- 7 Petitio hereditatis an sit bonæ fidei.
- 8 Terminus Petitio, quinq; modis in iure sumitur.

Rubr. Tractatus iste petitionis hereditatis est diffi-
cilis, utilis tamen ualde secundū Paul. Castr.
in rubr. ff. eo. & in eo sunt leges fortes, & ter-
ribiles, tam in Pandectis, quā hīc: præsertim l. illa. cogi. fa-
mosissima, quam Bartol. dicit ibi maluagiam, & Paulus hor-
ribilem: de qua suo loco (deo duce) dicemus. Glos. rubr. di-
uiditur in duas partes. In prima continuat. In secunda ibi, Et
nota, ponit notabile, seu præfationem. Quæro ergo primo de
continu

continuatione. Dicit Accur. Post querelam inofficiosi testam^{en}ti, quæ est præparatoria, uenitur ad petitionem hæreditatis. Ista continuatio non uidetur posse subsistere: tum quia à remotis à titul. de inoffic. testamen. contra l. ij. cum concor. ff. de statu homi. tum etiam, quia uidetur innuere Accur. non dari petitionem hæreditatis, nisi querela præambula: quod est falsum, ut omnes ferè leges huius titul. tam hîc, quàm in Pandectis demonstrant: & ideo continuatio nō uidetur perfecta. Saluando possumus respondere, quod continuatio non sit à remotis: quia tituli de inofficiosis donationibus, & inoffic. dotibus, intermedij, sunt de materia: & locus suus erat hîc, ne tractatus inofficiositatis separaretur, iuxta l. continuus. in princip. ff. de uerborum obligat. & l. ij. §. quartus. c. de uet. iur. enucl. & quum res pariat, non obstat dicta l. ij. ff. de statu homi. Præterea id quod dictum est de querela, non habet obesse: quia uerum est, quod diximus, generaliter: attamen in specie habendo respectū ad eam petitionem hæreditatis, quæ dicitur rescissoria: prætextu querelæ præambulæ, quæ dicitur remedium rescindens, ut dicunt Docto. in l. j. suprà de inoffic. testamen. quando queremus de petitione hæreditatis tali, dicemus Imperatorem bene situasse hanc rubr. quia habuit respectum ad materiam proximam, & ideo quum iste titul. quadraret, ipsum subannectit: & ita intelligēdo, non negat Accur. quia scripto hæredi, qui nulla querela media uenit, detur petitio hæreditatis: quare sumpta occasione, post titulum de inofficio. testamen. de utraque mixtū dixit.

Quæro, & nunc expedit secundā partem glos. de qua petitione hæreditatis loquatur hîc titulus, quum multiplex ea sit, ut infrà uidebimus. Respondet Accurs. de omnibus mixtū dicit: licet in Pandectis secus factum fuerit, quum separatim positi sint quatuor tituli. Habent præmittere iuniores, quid sit hæreditas: de quo habent text. in l. nihil. ff. de uerborum & rerum signific. & in l. hæreditas. ubi Decius notat. ff. de regulis iuris. examinat Bartol. in rubr. ff. de acquirend. hæredita. Sciendum est secundo loco, quid sit & quænam dicatur

- 3 dicatur petitio hæreditatis. * Reperio quòd ita diffiniri potest: Petitio hæreditatis est actio, quæ competit ei, qui dicit se hæredem ex testamento, uel ab intestato, iure ueteri, aut nouo, in solidum, uel pro parte: aduersus possidentem hæreditatem in totum, uel in partem, pro hærede uel pro possessore: per quam petit se declarari hæredem, aliquo de prædictis modis: & hæreditatem ipsam sibi restitui. Ista diffinitio est bona iudicio meo, & tota legibus comprobatur. Primò, quòd petitio hæreditatis sit actio, probatur in l. sed et si lege. §. petitio. ff. eodem. & in §. actionum. institutio. de actio. quòd competat ei, &c. probatur in l. prima, secunda & tertia. ff. eod. & in l. prima. §. primo. ff. si pars hæredita. petat. declarat Paul. Castren. in dicta l. prima. ff. eodem. in princip. quòd detur aduersus possidentem, &c. demonstratur in l. regulariter. & per totum discursum, usque ad fin. titul. ff. eodem. l. hæreditatis. infra eodem. iuncta l. cogi. Ultima illa uerba, per quam petit, &c. denotant conclusionem, quæ ex petitione necessariò proficisci debet: quæ quidem conclusio in quocunque libello requiritur, ut dixit Paul. Castren. in l. j. circa princip. j. colum. c. de litis contesta. ponit Practic. Papien. in forma libel. quo agitur actio. reali decla. super uerbo, Quare petit. Tertio uidendum est, quotuplex sit petitio hæreditatis. * Breuib. si uolumus inspicere effectum, una tantum est: quia omnes tendunt ad unum finem: & quo ad effectum, diffinitio de qua supra, omnibus conuenit: nam data paritate terminorum, tantum consequimur per unam, quantum per aliam. l. ij. ff. de pos. hæred. peti. l. ij. ff. de fideicõ. hære. peti. Si autem attendere uolumus modum & formam petendi, diuersæ sunt, ut ex ipsis titulis liquidò constat. Nam alia est petitio hæreditatis uniuersalis, de qua in titul. de peti. hære. ff. Alia particularis, de qua in titul. si pars hæredita. petatur. & hæ duæ ciuiles sunt, & actio una & eadem est, licet sint diuersi tractatus ob petitionem diuersam: quum idem iuris sit de parte quo ad partem, quod de toto quo ad totum. l. quæ de tota. ff. de rei uenditio.
- Liurisgen.

l. iurifgen. §. adeo. ubi las. in primo not. ff. de pactis. Et istud declara-
 larius, ut per Paul. Castr. post Accur. in l. j. in prin. ff. si pars hære. petatur. Tertia est, quæ à iure prætorio introdu-
 cta fuit; & hæc datur bonorū possessorī, sicut superiores dan-
 tur hæredi, sicut enim prætor hæredem quem facere nō pos-
 test. §. quos autem. inst. de bon. pos. ita nec remedia hereditibus
 competentia, eis quos beneficio suo adiuuat, directō cōferre
 potest; & ideo ad exemplum petitionis hæreditatis introdu-
 xit bonorum possessoriam hæreditatis petitionem. l. j. & ij. ff. de posses. hære. peti. ubi omnino uide Paul. Castr. in rub.
 Quarta est, quæ datur ei, qui non est hæres directō, sed per
 obliquum; quem fideicōmissarium appellamus; de qua in tit. ff. de fideicōmis. hære. peti. & hæc licet prima facile uideatur
 ciuilis, attamen prætoria est. l. ij. ubi Accur. tangit. ff. eod. clari-
 rius loquitur Bart. in l. si. ad finē. ff. eo. Quartō discutiendum
 est, * an petitio hæreditatis sit merè realis, an mixta. Doctores
 in hac re diuersæ sunt opiniois; propter textus, qui di-
 uersimode loqui uidentur; nam in l. hæreditatis. infra eod. in
 primo respōso. manifestè dici uidetur, qd sit mixta; in illis uer-
 bis, Cū mixtę personalis actionis ratio hoc respondere com-
 pellat. Ad idem tex. in l. sed & si lege. §. petitio. ff. eo. dum ibi
 dicitur, Petitio hæreditatis etsi in rem sit, habet tamen quas-
 dam præstationes personales. Si habet quasdam præstationes
 personales, datur intelligi, eam nō merè realem, sed mixtam,
 arg. §. quædam. Inst. de actio. In contrarium adsunt duo text.
 fortes, qui simpliciter dicunt eam realem; in l. si bonæ fidei. in
 ulti. responso. ff. eo. l. si autem. §. sed & is. ff. de rei uendi. ibi,
 Cū in hereditatis petitione, quæ & ipsa in rē est, &c. Accur.
 in d. §. petitio. dixit, hanc actionem mixtam esse. idem repe-
 tit in d. §. sed & is. in glo. magna, ad si. & in d. §. quædam. in
 glo. ij. in prin. de actio. Bar. uerò in d. §. petitio. indistinctè tes-
 net aduersus Accur. qd imò sit realis, & non mixta petitionis
 hæreditatis actio: ea potissimum ratione, quia non est dare
 duas species differentes, prout sunt actio personalis & realis,
 in eodem indiuiduo; ut patet in exemplo dato per eū; & hanc

dicit ipse esse ueritatem. Dominus las. in §. sed iste. col. viij. in fin. & in §. quædam. col. viij. circa princ. Instit. de actio. refert opinionem tenentium, quod sit mixta: uidelicet Dyni, Bald. Ioan. Fabri, & Nico. de Neapoli: quorum fundamentis dicit fore responsum per Areti. in d. §. sed iste. col. iij. Idem laso. in rub. ff. si cert. petatur. colum. ij. ad medium, tenet cum Salí. & Christopho. Castil. quod sit realis, licet contrariū & malè tenuerint Alexan. & Paul. Castr. ibi ante eum. Dominus Lud. Gome. in §. quædam. col. viij. ad medium, & sequen. de actio. latissimè hunc articulum examinat: ponit enim opinionem & argumenta utriusq; partis: tandem concludit cum Barto. in d. §. petitio. cam esse realem: & istam partem optimis fundamentis corroborat, quorum aliqua antequàm eū uidissẽ, excogitaueram, scilicet de ponderatione ipsius §. quædam, & de uerbo petitio. quæ tamen de facili possent tolli, ut uideres, si tanta in hoc articulo dicendí licentia daretur. Ego pro hac opinione moueor duobus fundamentis. * Primum est tale: ratio quæ mouet Docto. ad dicendum, quod petitio hæreditatis sit mixta, est: quia habet quasdam præstationes personales dict. §. petitio. dico ego, pone prout est dare petitionem hæreditatis, quæ nullas habeat præstationes personales: ut puta quod in hæreditate non sint aliqua nomina debitorum, quæ fuerint exacta, ut in ipso §. petitio. dicuntur esse; uel nullæ res fuerint uendite, ex quibus pecunia fuerit exacta: uel alia huiusmodi: sed tantummodo ipsa mera & pura hæreditas, consistens in tantis bonis, eo pacto quo fuit relicta à defuncto: certe nemo est, qui non cōcedat, hanc actionem realem: quum cessante causa mixturæ, scilicet præstationum personalium, cesset etiam ipsum nomen mixtum. argu. l. adigere. §. quamuis. ff. de iure patron. l. in omni. ff. de adoptio. Quum ergo primordialis natura actionis petitionis hæreditatis sit realis merè, non est dicendum, quod ex accidentibus uarietur. exemplum: Homo cū nascitur, est perfectus & sine malicia: & hæc est eius primordialis natura: quum autem excresecit, accidentaliter incidit in uitia & peccata:

cata; ut dixit in simili Barto. in l. si prius. col. x. uerſi. quinto oppo. ff. de oper. noui nunt. & tunc cum incidit in uitia, dicitur participare cum brutis, ut inquit Salluſtius: attamen non reſtat per hoc, etiam q̄ ea quæ conueniunt brutis, & non homini rationali, ex accidenti ei obueniant, quin dicatur, & ſit homo. Tolle exemplum magis conueniens: Vxor, etſi accidentaliter per immixtionem, recipiat aliquas præſtationes personales à marito, non tamen per hoc ſortitur ſpeciem mixtam, ſed retinet nomen primordiale foeminae, & primæuam ſuam naturam: & ſic ex accidenti rei natura nō immutatur. Ita dico in propoſito, Petitio hæreditatis etſi ex accidenti per immixtionē recipiat aliquas præſtationes personales, id eſt, aliquid quod ſit de natura actionis personalis, non tamen per hoc debet ſortiri ſpeciem mixtam: ſed retinet nomen ſuum primordiale realis, & primæuam ſuam naturam. Pro quo faciūt, quia natura primordialis, non accidentalis eſt attendenda. l. item ueniunt. §. cum prædiſimus. ff. eod. glo. ij. in l. certi conditio. ff. ſi certum petat. Secundò pro hac ſententia morueor: quia dato quòd quæcunque actio petitionis hæreditatis habeat præſtationes personales: attamen eius potentior natura eſt in rem. d. l. ſed & ſi lege. §. petitio. ſi eſt potentior, ergo realis tantum dicitur: quum denominatio ab ea parte, quæ potentior eſt, fieri debeat. ut eſt text. clarus in l. quæritur. ff. de ſtatu hominum. Præterea, actio realis eſt dignior personali. l. plus cautionis. ff. de regu. iuris. §. omnium. arguendo ab ordine literæ. Inſtitu. de actio. not. Paul. Caſtr. in rubr. quæſt. iij. ff. ſi certum petatur. ergo in dubio ab ea debet ſumi denominatio, nec debet remanere in nomine ambiguo. §. ſed ius quidem ciuile. uerſi. ſed quoties. Inſtitu. de iure naturali, gentium, uel ciuili. & ex his clara patet ſolutio ad text. in dict. §. petitio. Nec obſtat text. in l. hæreditatis. infrà eod. ad quem miror, q̄ Docto. qui in eo faciunt capitale, non aduerterint. Nam licet ille text. dicat, q̄ ratio mixtæ actionis personalis, ſcilicet cū reali, hoc reſpōdere compellat, ſcilicet q̄ actio ipſa petitionis hæreditatis nō præſcribatur ſpatio longi

temporis; non tamen sequitur ex hoc, quodd petitio hæreditatis sit mixta, cum text. non dicat. Longè enim diuersum est dicere, actio personalis ex accidenti miscetur cum petitione hæreditatis; & dicere, quodd petitio hæreditatis non sit realis, sed mixta: ut patet ex his, quæ suprà dixi. Et per hæc puto remanere satis clarè defensatam opinionem Bart. quam & communem & ueram omnino puto. Quinto loco sciendum est, * hanc actionem hodierno iure apertè fore bonæ fidei, licet olim secus esset, ut declarat Imperat. in §. actionum, in fi. instit. de actio. & in l. fin. in fine, infra eod. Rationem autem quare istud ita statutum fuerit, & an dictum in petitione hæreditatis uniuersali censetur repetitum in particulari, uide plenè per Ludo. Gome. in di. §. actionum, colum. v. ad medium, & sequent. Postremò sciendum est (ut nihil circa terminorum cognitionem ignoretur) * quodd iste terminus, petitio, uarijs modis in iure sumi potest. Primo & generaliter pro quacunque requisitione, seu supplicatione ad superiorem facia. c. petitio. de procurat. c. petitio. de homi. cum similib. & de hac sequitur rubr. cum nigro. c. de prec. imperat. offeren. Secundo, accipitur petitio, pro illa speciali instantia seu demanda, quam quis facit apud ius dicentem, ut aduersarius suus in ius uocetur. & de hac loquitur text. in c. proposuisti. de foro competent. In patria ista nostra talis petitio fit in scriptis, & passim supplicationes citatorias appellamus. Et hæc petitio necessaria est, cum sine iudicis commissione citatio fieri non possit. l. fin. ubi Bart. notat. c. de exhiben. reis. de quo per las. in rub. c. de in ius uocando. in ultim. uerbis. Tertio modo accipi potest petitio pro libello, in quo quid petitur, apud iudicem porrecto. §. si quis autem. uersi. & neque ullum. iuncta glo. petitiones. in autent. quomodo oportet. episcop. collat. j. Quarto accipitur strictè petitio, pro actione reali. l. actio in personam. ff. de actio. & oblig. Quinto & ultimo, petitio sumi potest strictius in materia nostra, pro speciali actione reali, quæ petitio hæreditatis nuncupatur: de qua satis utiliter diximus. Reliqua quæ subijci possent,

possent, uide latius per Iaso. in §. actionum, col. xxvj. usque ad fi. comment. instit. de action.

L. PRIMA. C. DE PETI. HAERE.

1 Dispositio senatuscons. de quo in text. remissiuè.

2 Possessorum tres species.

3 Vsuræ multiplices, remissiuè.

Senatuscons. Ad euidentiā huius dis-
 ficilis, & subtilem habens
 tis materiā, legis, præ-
 mittendum necessariò est, quod fuerit istud senatuscons. de
 qua in l. nostra, & quomodo introductū. Vlpianus in l. item
 ueniunt. §. præter hæc. ff. eod. istud tractat. Nam in uers. pri-
 die. incipit narrare, quo tempore, quibus consulibus, & quo
 Imperatore factum fuerit. Subsequenter, in uers. cum ante-
 quam. ponit uerba & dispositionem ipsius senatuscons. usque
 ad §. aptanda. A quo incipit Iuricons. exponere, & inter-
 pretari uerba ipsius senatuscons. quam interpretationē pro-
 sequitur per totam illam legem, & passim usque ad finem ti-
 tuli. Debes etiā scire dispositionem legis Papiæ, & quomo-
 do fuerit ea sublata: ut habes in l. unica. in princ. & §. j. c. de
 cadu. tollen. Secundò, neminem latere debet, * possessorum
 fore tres principales species. Et primò habemus possessorē
 bonæ fidei: & is dicitur, qui cogitatione domini possidet: id est,
 qui se dominum credit. l. apud antiquos. §. cum igitur. iuncta
 expositione Accur. c. de furtis. Alius est possessor malæ fi-
 dei: & is est, qui scit rem, ut quia alienam & non suam, ad se
 non spectare. l. fin. ubi uerba moralia uidebis. c. unde ui. Ter-
 tia species est ignorantis, qui medium inter priores tenet, ut
 quia nec bonam fidem, nec malam habeat: de quo loquitur
 text. cum gloss. in l. iij. §. fin. uers. uel etiā. ff. de acquir. pos-
 sess. & in l. j. c. eod. & hoc propter iustam dubitationem ad-
 mitti puto, ut innuit Accur. in d. §. fin. Hæc ex tribus uerbis

Barto. decerpsi. in l. furtum, §. j. ff. de usucapio. de quo per
 Dylum & alios, in c. possessor. de regulis iuris, in vj. Tertio
 quia tractatur hic de usuris, * sciendum est, eas multiplices
 esse. Aliæ enim sunt centesimæ, aliæ semisses, trientes, bessees,
 & huiusmodi, de quibus centelimis, est text. cum gloss. in l.
 fin. infra eod. in autent. hoc ius porrectum, c. de sacrosan. ec-
 cle. & in c. quoniam, xlvij. distin. de quibus generaliter, uide
 plenius quàm alibi per dominū Bartho. Socy. in l. iij. §. item
 si reipublicæ, col. iij. in fin. cum tribus seq. ff. ad leg. falcidiam.
 Cætera, aduentantibus in dulcissima patria mea Pedemon-
 tana hisce turbulentis & adeo diris bellorum procellis, præ-
 peditus fui prosequi: perficere opus cœptum, felicioribus ac
 fortioribus incrementis, forsan cōdonabitur aliàs, si CHRIS-
 TIVS propicius fuerit, uotisq; meis corresponderit. Alex-
 xander Losæus, Auilianus, in Augusta Taurinorū academia.

RUB. C. DE LIBE. PRAETE. VEL EXHAER.
 in inelyto Aucnionensi gymnasio.

- 1 Accursiana continuatio prius reprobata sustentatur.
- 2 Rubr. hæc an congruè situata fuerit.
- 3 Ratio diuersitatis, quare Imperat. hic præposuerit titulum de hered. institutu.
 quod secus alibi factum legimus.
- 4 Noua & uera, à titu. de testamen. usque ad titu. de iure deliberandi. conti-
 nuatio.
- 5 Cur sit, quòd aliter inscripta sit hic rub. quàm in Pandectis & Institutu.
- 6 Quare hic facti fuerint duo titu. de præte. & exhæ. liberorum.

Rubr. Interpretaturis nobis difficilissimam & solen-
 nem autem, ex causa, etsi onus humeris meis
 longe impar assumpserim, operæ precium fo-
 re putauī, ne illotis manibus ad eam deueniamus, aliqua cir-
 ca rub. ipsam, de libe. præte. uel exhære. differere. Situata est
 hæc rubr. in sexto eo, auro pleno, Codicis libro, titu. xxviiij.
 1 Quam Accur. ad præcedentes hoc modo continuat: * Quia
 in testa

in testamentis exheredantur & prætereuntur liberi, ideo dicit de hoc: Ista continuatio non uidetur usquequaq; posse defendi: quã sit nimis ad remota cõtinuare, ad titulum de testa, qui quatuor titulis ab hoc distat: contra uulga. tex. in l. ij. ff. de sta. homi. & in l. cum de lanionis. §. afinam molendinariam. ff. de fun. instr. qui tamen textus nunquam mihi probauit assumptum, ut alibi dixi. Debuìt ergo Accur. continuare ad titulum proximum, de necessa. seruis hære. instit. Saluando possumus respondere, istud continuationi Accursianæ non obesse: quia id quod diximus, continuationem debere fieri ad proxima, non autem ad remota, procedit, ubi materia intermedia esset omnino diffõrmis & dissona: non si materia sit eadem. text. est in l. ij. §. quartus. ibi, cum oportuerat. c. de ueteri iure enucleando. & probat text. quem retorqueo in contrarium, in dict. l. ij. de statu homin. ibi, Prout res patitur. Et istud fuit de mente Iaso, in rubr. instit. de actio. colum. ij. ad medium. ultra quem dico esse bonum tex. in l. prima. in princ. ff. de peculio. ponderando text. ut in uocetuli. pro quo facit, quia si inter interrogationem & responsionem interponatur actus, qui non sit penitus extraneus, non uitiat stipulatio. l. continuus. in princ. ff. de uerbor. obligat. ita dico in proposito: etsi à titulo de testamentis sint intermedij isti quatuor, quia tamen non sunt diuersæ omnino materiæ, quinimo eiùdem, dicendum est hanc continuationem ueram esse, & de iure subsistere. Sed ista saluatione non obstante, quæ tamen in se uera est, ex alio capite insurgo: & uidetur quod ista rub. non fuerit hoc in loco bene sita: & quod melius fecerint Iurisconsult. in Pandectis, & Imperat. in Institutio. qui illico post titu. de testamen. hunc interposuere, pro quo dico esse textum in l. inter cætera. ff. eodem. dicitur ibi, Inter cætera quæ ad ordinanda testamenta necessariò desiderantur, principale ius est, de liberis instituendis, uel exheredandis; ergo post ti. de testa. iste debebat statim subsequi. Nam si principale, ergo primum. Quod autem primum esse debet, aliud ante se habere non potest. l. proximi

proximus, ff. de uerbo. signifi. melior tex. in §. discipuli. uerfi.
 in reliqua. in procem. Digestorum. Pondera etiā dictionem,
 necessariō, quæ præcisam necessitatem importat. l. obliga-
 mur. §. consentientes. iuncto secundo intellectu Accur. ff. de
 actio. & obliga. §. j. in secundo responso. Inst. de hære. qualita.
 & diffi. Ad istud contrarium dices facilem patere solutionē:
 quia Imperator hic obseruauit, quod statuit ibi Iuriscōs. nam
 primō in superioribus titulis tractauit de liberis instituēdis,
 nunc autem de ipsis exhæredandis: nec esse mirandum dicit
 quis, si Iuriscōs. in Pandectis statim post titulū de testamen.
 immiscuit istum: quia ibi simul & semel tractat de liberis &
 posthumis hæredibus instituendis, uel exhæredandis, quod
 hic non fit, quia sunt separati tituli: ut quia hic de ipsis exhæ-
 redatis seu exhæredandis tantūmodo habeatur mentio: ne-
 cessarium ergo fuit in præcedentibus post titu. de testamen.
 uidere prius de institutione, quàm de exhæredatione, ut in
 titu. de institu. & substi. &c. Sed quid respōdebimus domino
 Imperat. qui illico post titu. de testam. & qui testa. face. poss.
 posuit titulum, de exhære. liberorū. simpliciter, sicut hic po-
 suit idemmet: & tamen per prius non posuit rubr. de insti. li-
 bero. Dicas, q̄ et si in rubro habeatur mentio solum de exhæ-
 redatione, attamen in nigro traditur mixtīm tam de institus-
 tione, quàm de exhæredatione: quod non est absurdum, ut
 quia nigrum generalius, per rubrum speciale non restringa-
 tur: ut est glo. ordina. in uerbo, illicitas, in autent. de inceltis
 nuptijs, colla. ij. tradunt scribentes, præsertim dominus las. in
 l. j. ff. si cert. petat. in princ. Aduerte, quia per istud non est ab-
 soluta difficultas: nā fateor, q̄ bene fecit hic Imperator, si præ-
 posuit titu. tractantes de institutione liberorum, demum de
 exhæredatione: sed dico, q̄ titu. de hæredi. insti. generalis, in
 quo ne quidem uerbum fit de institutione liberorum, debe-
 bat postponi, ut legimus factum apud Iuriscōs. in Pande-
 ctis, & Imperato. in institu. * Respōdeo, isthæc diuersa ratio-
 ne & sine facta fuisse: nam Imperator hic motus fuit hac ra-
 tione (ut opinor) quia ad cognitionem speciei debet præce-
 dere

dere cognitio generis. l.j. ff. si certum petatur. & ideo quum possit institui filius, seruus, extraneus, quorum extraneorum multæ sunt species, ut alius cognitus, alius incognitus, & si milia: non est mirum si prius tractauit de hæredis institutione in genere, demum in specie de ipsis liberis hæredibus instituendis, uel exhæredandis. Nec obst. quod dicitur in titul. de hæredi. instituen. supra non haberi mentionem de liberis: quia respondeo rubr. generalem per nigrum speciale non restringi. l.j. ubi Iaso. colum. ij. proximè adducta; nec exempla restringunt regulam generalem. l.j. §. quod uulgo. ff. de ui & ui arma. Iuriscons. uero in Pandectis & Imper. in Institu. alia ratione moti fuere: nam postquam in specie tractauere de liberis exhæredandis uel instituendis, non absurdum fore existimauerunt, ut aliquibus in specie enumeratis generalis clausula ponatur, quæ omnia comprehendat: iuxta tex. in l. si seruus seruus. §. inquit lex. ff. ad legem aquil. & istud præsensit Accur. in glos. rubric. ff. eodem. Cogita tu, si in his quæ sunt iuris positiui, meliorem rationem assignare possis. Quare omis sis his disceptationibus, quæ in infinitum protrahi possent, * ego ultra doctores hîc, ad tollendas omnes ambiguitates ita 4 continuari posse arbitror. Visum fuit supra de testamentis: uerum quia caput & fundamentum totius testamēti, est hæredis institutio. §. ante hæredis. institu. de legatis. ideo subiecit Imper. rub. de hæredi. instit. Sed quia non semper purè, uerum etiam sub conditione solet celebrari hæredis institutio, §. hæres. insti. de hæred. instit. & quia substitutio nil aliud est, quàm institutio, licet secundo loco facta. glos. & Docto. in rubr. ff. de uulga. & pupil. & est tex. in l. querebatur. in princ. ff. de mili. testa. nimirum si subsequenter fuit apposita rubr. de institu. & substitu. & restitu. sub condi. factis. Cum autem substitutiones, non tantum puberibus, sed & impuberibus fiant, & sint hæ multiplices: ideo consecutiue subiicitur rubr. de impube. & alijs substitu. Verum quia nouissimo loco, seruus necessarii hæredes instituuntur, uel substituuntur. institu. de uulga. in princip. ne tractatus institutionum & substitu

tionum separaretur : accommodata fuit non immerito rubr. de neces. feruis hæred. insti. uel substitu. finito igitur tractatu institutionum & substitutionum; quia liberi non semper instituuntur; sed prætercuntur quandoque, uel exhæredantur: ideo congruenter situata fuit hîc nostra rubr. de libe. præte. uel exhæred. Et quia non tantum nati, uerum etiam posthumus mi quandoq; instituuntur, prætercuntur, uel exhæredantur: ideo post hanc nostram, subsequitur rubr. de posthu. hæred. insti. uel exhære. &c. Quærit hîc Domi. Iaso, quare sit, * quod in Pandectis Iurisconsult. & in Institutio. Imper. aliter inseris pferint rubr. quàm hîc. Respondet ipse breuibus, se putare, istud fore iuris positiui; quicquid dicant moderni in rubr. ff. eodem. Ego mulsitauî istam rationem assignari posse pro iunioribus; & nescio an alij tangant, quod Iurisconsult. inscripsit per gerundium futuri temporis, cõsiderans quod dum quis exhæredatur, conditur testamentum, & alius hæres instituitur: quum sine hæredis institutione non subsistat testamentum, dicto §. ante hæredis. instit. de lega. & exhæredatio nullo instituto minime teneat. l. filium. §. sed cum exhæredatio. ff. de bono. posses. contra tabu. & ideo quia nondum tractauit de hæredi. institu. ideo ponit per gerundium, ut demonstret, quod quando aliquis instituetur hæres à testatore, ut inter cætera curet parens testator, de liberis & posthu. exhæredandis, si nolit instituere. Imperator uerò hîc habuit respectum ad id, quod iam factum est : quia tractauit de hæredi. institu. suprâ, & ideo dicit in præterito, de liberis exhæredatis, scilicet alio hærede instituto, ut suprâ dictum fuit. Imperator autem in Institut. magis clarè dixit pro iuuenibus, per nomen uerbale; quum nomina uerbalia nō habeant tantam scrupulositatem, sicut gerundia & participia, quum ipsa nomina demonstrent uerè qualitatem & substantiam actus, ut dixit Ias. in rubr. Institu. de actio. columna quinta. circa finē. Ista ratio quadrat iudicio meo : sed uidetur confundi, per rubr. seq. ubi dicitur de posthumis exhæredandis. ego circa istud ulterius non insisto, cogita tu ingeniosè, si poteris defendere. Quæ
ro ultra

ro ultra Iaso, quare sit * quòd Imperator hñc fecerit duos titulos separatim, de liberis præteri. uel ex hære. & de posthu. hære. institu. cuius contrarium uidemus in alijs libris seruatum fuisse. Respondeo, Imperatores, prout proponebantur diuersi casus, decidebant; & ideo uisum fuit compilatoribus, quum colligerēt illa responsa, diuidere in duos tractatus gratia facilioris intelligentiæ: sicut diligentes patres familiās, gratia uberioris culturæ, diuidunt fundū in partes. l. caius. §. fin. ff. de legat. ij. nec per hanc diuisionem efficitur diuersus fundus, ut ibi dicitur: ita nec per hanc titulorum separationem diuersificatur materia, quæ alibi simul fuit tradita.

Et ex his sit expedita ista rubr. in famigeratissimo

Auenionēsi gymnasio. Quos uerò ibi, in aus-

tenti. ex causa, edidi commentarios, hñc

inferere nolui: ut quia dubio belli

euētu etiā perterritus, opus

cœptū perficere nequi

uerim: sed apud

Lugdunens-

ses, ubi,

an-

nunte Deo, in præsen-

tiarum adsum,

me recepe-

rim.

ALEXANDER

LOSÆVS AVILIANVS, IVRIS

consult. Antonino Rolando, & sorore

nepoti, sacrarum legum

professori, s.



V'M proximioribus diebus in animo resedisset (nepos charissimè) commētarios nostros, quos primò susceptarum à nobis infularum anno, te audiente, in Augusta Taurinorum edidimus, in publicum depromere: per tabellas meas te certiore reddere non distuli, me id muneris, qualequale futurum sit, Reuerendis, & Illustr. Hypporediensis antistiti, totius Pedemontanæ nostræ regionis fulgentissimo syderi, ac eorum qui uirtutem omnium bonorum matrem excolūt, uero alumno, pia & sincera mēte deuouisse. Post quod opus absolutum, ac iam chalcographo traditum, nescio quo fato in manus nostras se obtulit scholastica ea in ꝑ. præterea inutillis, mea enarratio, quam Tholosa rediens, anno tamen prius reuoluto in gymnasio Taurinensi, cōmilitonum nostrorum monitis adnitens, etsi uestibulum Pontificij Cæsareicꝑ iuris nondum attigissēm, in publicum prodeundo, discutere non fui ueritus. Cum autem chartas illas reuolui, comperi me nihil penitus ibi dixisse, quod memoria dignum iudicari deberet: tum ob tenue meum ingenium: quum propter adolescentiæ ætatem, cuius limina ea tempestate ingressus uix fueram: ob quod proposuerā, nullo pacto eas tyrunculi nugas, hoc in opusculo nostro inferere. Verum amor ille uehemēs, quo te ab ineunte infantia, tam ob singulare ingenium, quo te præmunitum semper iudicaui, quam propter sanguinis aded arctam necessitudinē, prosequi nunquā destiti, ad hoc me impulit, atq; coegit, ut rubore à tergo dimisso, tibi consulerē satius decreuerim: non quod sim inscius, uigiliolas istas nostras maiore doctrinā tibi ingerere non posse: sed ut exem-

plo meo (et si minus prudens sim) allectus, in campum disputationum, & lectionum facillimè proficiat: quod te facturum spero. Ades enim in ea antiquissima & splendidissima Vassentina academia, in qua tot excellentissimorum præceptorum solidam doctrinam imbibis: ut breuè auunculum superare, tibi futurum sit pulchrum: ei uerò non minus gloriosum. Agè igitur, & rem felicibus auspicijs inceptam, feliciores incrementis prosequere: curaque in tantum proficere, ut si quid inaduertenter & pueriliter in hoc commentariolo protulerim (quod negare nefas putarè) paratus sis inter inuidos & detractores auunculi, cuius in te amoris firmissimum pignus habes, causam defendere. Vale, & me illustri rectori, Francisc. Bariacco, hospiti tuo munificentissimo, totum deuoue. Ex urbe Lugduno, Calend. August. M. D. XXXVII.

INTERPRETATIO IN §. PRAETEREA
inutilis. Instit. de inutili stipula,

- 1 Diuisio, & summarium paragraphi.
- 2 Ratio dubitandi ad primam partem text.
- 3 Vera substantia stipulationis.
- 4 Ratio dubitandi ad secundam partem text. cum ratione decidendi.
- 5 Tria notabilia ex textu selecta.
- 6 Quid sibi uelint hi termini, Qualitas, Quantitas, & Species.
- 7 An bene fecerit Accurs. qui uerbum, congruè, in glos. addidit.
- 8 Responso diuersa, à stipulatore illico approbata, stipulationem non uitiat.
- 9 Diuersitas inter interrogationem & responsionem circa speciem, an stipulationem ualidet, si statim approbetur.
- 10 Diuersitas circa qualitatem stipulationem reddit inutilem.
- 11 Diuersitas circa quantitatem, in eo quod consonat, ualet, in alio non.
- 12 Diuersitas circa appositionem dici, an uitiat stipulationem.
- 13 Opinio Bart. & Alex. aduersus Rom. & Iaso. sustentatur.
- 14 Argumentum de re ad tempus, quando procedat.
- 15 Diuersitas circa speciem, stipulationem uitiat.
- 16 Diuersitas plurium specierum copulatiuè cumularum, quando dicatur non uitiare stipulationem.
- 17 Diuersitas plurium specierum alternatiuè cumularum, quo casu uitiat si-

pulationem.

18 Ratio diuersitatis, inter species copulatiuè cumulas, & alternatiuè.

19 Ratio diuersitatis, inter summas alternatiuè deductas in stipulationem, & species.

20 Sustinetur in hoc articulo ratio Accurf. aduersus Bart.

21 Casus in quo, in summis id quod minus est, non semper attenditur.



R A E T E R E A inutilis est stipulatio, si quis ad ea, quæ interrogatus fuerit, non respondeat: ueluti si quis decem aureos à te dari stipuletur, tu quinque promittas, uel contrà: aut si ille purè stipuletur, tu sub conditione promittas, uel contrà. Si modò scilicet id exprimas: id est, si cui sub conditione, uel in diem stipulanti, tu respondeas, præsentī die spondeo. Nam si hoc solum respōdeas, promitto: breuiter uideris in eandem diem, uel conditionem spondidisse. Neque enim necesse est, in respondendo eadem omnia repeti, quæ stipulator expresserit.

P R A E F A T I V N C V L A.

Solent alij in initio lectionum suarum, (uirī fratres & comilitones ornatissimi) orationes seu procemia aliqua captandæ beniuolentiæ gratiā decantare. Ego uerò cum manifestè ex actibus exterioribus exploratum habeam, quod meum sit, amplius id mihi acquiri non posse: ad eam prouinciam, quam in præsentiarum assumpsi, animum & uerba conuerto: unum tantum à uobis exposcens, ut si quid perperam, minusq; decenter in medium attulero, id fraterna charitate & dilectione corrigendum suscipiatis. Dixi.

P A R A G R A P H V S iste habet materiam quotidianam, & est magis prægnans, quàm alius qui sit in toto isto titulo: continet enim ferè totam materiam legis illius magnæ, pri-

mæ in ordine. ff. de uerborum obligation. & ideo circa eius
 intelligentiam diligentius erit insistendum; iuxta sententiam
 iuriconsult. in l. legauit. ff. de liber. lega. & in l. iusto. in princi.
 ff. de usucapion. ob quod miror, quod nemo hactenus ipsum
 proprijs dotibus honestauerit. Ego circa ipsius interpretationem
 ea tantum adducam, quæ iudicio meo ad rem facere,
 & utilia esse uidebuntur; omissa semper uerbofinitate, quæ au-
 dientibus nauseam parere solet. Præmittenda sunt pro co-
 gnitione terminorum ea, quæ copiosissimè traduntur, per
 docto. in rubr. ff. de uerbo. obligation. præsertim per excelsi
 ingenij uirum dominum Lancel. Gali. modern. Valentinum,
 qui solenniter illam rubric. repetijt. Doctorum nemo quem
 uiderim, hunc §. diuidit: * Ego in duas partes scindendum pu-
 tauit. Nam in prima ponitur unum dictum cum exemplis, &
 ipsius dicti declaratio. In secunda ponitur una limitatio, cum
 eius ratio; secunda est ibi, nam si. Summatur multifariam,
 ut per scribentes hîc. Ego alijs omisis, quæ nimis proluxa
 sunt, aut defectuosa, ita secundum Bald. hîc summo; Respon-
 sio incongrua ad interrogationem uisitat stipulationem: &
 generaliter respondens, uidetur ad omnia respondisse, quæ
 interrogationem præcesserant. casus figuratur, ut in uoce res-
 tuli. Ratio dubitandi ad primam partem text. nostri, * potest
 sumi de l. j. in princip. ff. de uerborum obligation. & de text.
 suprâ de uerb. oblig. in princip. ubi dicitur, quod stipulatio
 non potest confici nisi utroque loquente. Ergo à contrario
 sensu sumpto argumento, quod est in iure ualidum. l. j. uersic.
 huius. ff. de offic. eius cui manda. est iurisdic. ubi uterque lo-
 quetur, stipulatio rectè confici dicetur. Præterea urgebat
 text. in §. item uerborum. infrâ eod. dicitur ibi, Item uerbo-
 rum obligatio inter absentes concepta inutilis est: ergo eo-
 dem retento argumento datur intelligi, inter præsentem fac-
 tam, utilem esse. Quare uidebatur dicendum, stipulationem
 de qua in §. nostro, utilem esse, & non inutilem: ex eò quod
 præcessit interrogatio, & subsequuta fuit responsio: & quia
 inter præsentem facta, Hac tamen ratione dubitandi, & simi-
 libus,

libus, quæ adduci possent, non obstantibus, contrarium hîc decidit Imperator. Et ratio decidendi, à qua in materia ista pendet tota lex & prophetæ, fuit: quia in stipulationibus ualidandis requiruntur uerba congrua, ex quibus liquidò possit colligi & demonstrari mens contrahentium: & per consequens, consensus partium: qui de necessitate in qualibet stipulatione requiritur; ad hoc ut talis stipulatio potens sit & ualida parere obligationem, & consequenter actionem. text. est clarus in l. j. §. adeò. ff. de pactis. & in l. continuus. §. j. ff. de uerbor. oblig. Præterea ratio isthæc decidendi optimè comprobatur ex diffinitione stipulationis, posita in l. v. §. stipulatio. ff. eod. ubi dicitur, Stipulatio est uerborum conceptio, quibus is, qui interrogatur, daturum, facturum uel se id, quod interrogatus est, respondet. Ecce textum quadrantem in illis uerbis, id quod interrogatus est: ex quibus elicitur, necessarium esse, quodd quis respondeat ad ea, quæ interrogatus est, ad hoc ut ualeat stipulatio: quod non fit in textu nostro, ideo nimirum si ita deciditur. Non obstant, quæ adducebam pro ratione dubitandi: nam illa argumenta à contrario sensu procedere non possunt: quia ex illis resultaret prauus & perversus intellectus: quod fieri non debet. l. conuenticula. c. de episcop. & cler. l. ij. c. de condi. infer. ubi docto. notant. Consequentia enim non esset bona, dicere, stipulatio non potest confici nisi utroque loquente, ergo ubi uterque loquitur, præposita interrogatione, & subsecuta responsione, ibi est stipulatio. Do instantiam: ubicunque præcedit interrogatio, & sequitur responsio, non est semper ibi stipulatio: nam si probeatur partes talem conuentionem non animo stipulandi, sed paciscendi facere uoluisse, tunc pactum talis conuentio, & non stipulatio dicitur. Istud est quod expressè iurisconsult. in l. iurisgentium. §. quod ferè. ff. de pactis. & istum text. uia uoce didici ab excellentissimo præceptore meo, domino Ioan. Francisc. Ripa in ciuitate Auenionensi, qui dicebat tex. hunc inter alios cordi figendum: eò quod clauis esset in tota ista materia, Facit etiam, quod in simili habetur in l. ex stipulatione.

tione, c. de senten. & interlocu. omni. iudic. quòd non omnis
 uox iudicis est sententia, sicut nec omnis uox principis est
 lex: de quo habemus glos. primam, in §. sed & quod principi.
 4. suprà de iure natur. gen. uel ciuil. Ratio dubitandi ad secun-
 dam partem tex. nostri potuit sumi ex l. arrianus. ff. de actio.
 & obligatio. Ponderando text. in illis uerbis, ubi de obligan-
 do quæritur, propensiores esse debere nos, si habeamus oc-
 casionem ad negandum. Sed mehercule, quis uellet meliorem
 occasionem inuenire ad negandum: ubi quis dicit, Promit-
 tis mihi purè & alter respōdet, Promitto: quàm dicere, quòd
 intellexerit, se promississe sub conditione, uel in diem, ad hoc
 ut sit dissensus, & ideo non obligetur. Sed hoc non obstante,
 contrarium hīc decidit Imperator, assignans ipsemet ratio-
 nem decidendi in finalibus uerbis, dum dicit, Neq; enim, &c.
 Concordat text. quem glos. final. hīc allegat, in l. titia. §. idem
 respondet. il primo. ff. de uerborum oblig. ad idem text. in l. si
 defensor. §. qui interrogatus. ff. de interrog. actio. Et pro hac
 ratione decidendi facit illa uulgata regula, quæ habet, quòd
 par est uirtus taciti & expressi, l. cum quid. ff. si certum peti.
 l. de quibus. ff. de legib. nam paria sunt, quòd quando quis in-
 terrogatur, Promittis mihi purè: si interrogatus respondeat,
 Promitto: sicut si responderet, Promitto purè. Et istud præ-
 sensit Bart. in d. l. cum quid. colum. ij. uersic. tertio potest pro-
 bari. Nec obstat, quòd adducebam pro ratione dubitandi,
 de l. arrianus. ff. de actio. & obligation. quia dico, quòd ille
 text. procedit in ambiguis penitus ex utraque parte: secus
 in claris ex una, & obscuris ex alia, prout in casu nostro: quia
 in illa responsione obscura præsumptio iuris, & de iure sus-
 plet in fauorem interrogantis, quòd promissor ita respon-
 dendo conformauerit mentem suam cum mente stipulantis:
 ut uult textus noster: contra quam præsumptionem non ad-
 mittitur probatio in contrarium, l. fin. in ult. responso. c. ad
 senatusconsult. macedon. c. is qui fidem. extra de sponsal. po-
 nit glos. & docto. in l. fina. in princip. ff. de eo quòd metus cau-
 sa. Præterea pro hac ratione facit, quia debemus interpreta-
 ri actum

ri actum in dubio, ut potius ualeat, quàm pereat, praesertim in stipulationibus. l. quoties in stipulationibus. ff. de uerborum obligation. & ut uerba cum effectu intelligantur, ad hoc ut aliquid operentur. l. si quando. in princip. ff. de legatis primo. Adeo, quod licet stipulatio sit stricti iuris. l. quamuis. c. de usur. & notatur in §. actionum. infra de actio. & strictè ueniat interpretanda l. quidquid astringendae. ff. de uerb. obligatio. recipit tamen interpretationem substantialem, ut ualeat; quia in dubio debet sumi sensus, qui actum conualidare habeat; ut notat dominus Ias. in d. l. quoties. in primo notab. & est bonus text. in l. ubi est uerborum. ff. de reb. dub. His expeditis, deuenio ad notabilia, *circa quae non ita latè, ut oporteret, me extendam; sed sicco pede pertransibo, ut plenius materiam in glo. magna attingam. Noto igitur primò ex hoc tex. quod diuersitas inter interrogationem, & responsionem uitiat stipulationem. concor. text. in l. j. §. si quis simpliciter. ff. de uerborum obligation. & cum hoc not. simpliciter transcunt. Ioã. de Platea, Portius, & Angel. hic. & docto. in d. §. si quis simpliciter. Noto secundo, quod ad hoc ut diuersitas inter interrogationem & responsionem uitiet stipulationem, requiritur, quod ipsa interrogatio & responsio sint penitus dissimiles, & quod expresse aliud, quàm id de quo promissor interrogatus est, respondeatur. Illud est quod uult Impera. hic. facit text. iuncta glos. in uerbo responderit. in d. §. si quis simpliciter. Noto tertio, & ultimo, quod stipulatio hoc modo concepta, Promittis sub conditione? Promitto; ualida est & utilis. Et est ratio, quia non est necesse, quod eadem omnia in responsione repetantur, quae in interrogatione expressa fuerint. Verum quia istud not. satis expeditum fuit supra in rationibus dubitandi & decidendi, ideo ulterius non prosequor. doct. tamen hic faciunt quasdam illationes; sed quia sunt claustrae, ideo ad dicta per eos me remitto. Expeditis textualibus, uenio ad glos. & in primis, quia glos. j. parua est declaratiua ad §. nostrum, ideo eam assumo. Non diuiditur propter eius breuitatem, Pro cuius expeditione quaero; utrum istud

sit indistinctè uerum, quodd si quis ad ea, quæ interrogatus est,
 non respondeat, stipulatio sit inutilis. Respondet glos. quòd
 non: quia interdum inutilis est in totum, ut quando fit super
 qualitate: aliquando in partem, ut quando fit super quantita-
 te, quod qualiter intelligi debeat, infra subiiciam. Deuenio
 nunc ad glos. magnam ita difficilem & scabrosam, ut nihil su-
 prà dici possit. Pro cuius clariori intelligentià premitto,
 6 quid sibi uelint hi termini, Qualitas, Quantitas, & Species.
 Et in primis dico, qd qualitas dicitur illa, quæ apponitur, seu
 adijcitur alicui actui, siue substantiæ: & quæ sine ipsa sub-
 stantia esse non potest. Istud colligo ex mente Iaso, in rubr.
 Institu. de action. in princip. & in l. si ita quis promiserit. in
 fin. princip. ff. de uerborum obligation. per text. in l. eius qui
 in prouincia. uersic. quoniam tunc. ff. si certum petatur. facit
 text. in l. ij. ubi Bartol. not. ff. de usufruct. & in l. si seruum. §.
 si modus. ff. de actio. emp. Multa exempla possem adducere,
 unico tantum contentus ero, iuxta morem Iuriconsul. ut ha-
 betur in l. ita uulneratus. in fi. ff. ad legem aquil. & in l. si quis
 obrepserit. ff. ad legem cornel. de falsis. & ut magis intelligar,
 pono exemplum in textu nostro. Nam si interrogem aliquẽ,
 promittis mihi purè: Ecce illa dictio, purè, est qualitas, quæ
 adijcitur illi orationi, promittis mihi: quæ oratio, quantum
 ad respectum qualitatis, substantia dicitur. Et ideo dicebam
 in descriptione: Quæ sine ipsa substantia esse non potest.
 Nam si dicas, purè: ita simpliciter de nihilo seruiet, & uitia-
 tur ipsa qualitas: ac per hoc redditur inutilis ipsa substantia.
 Secus est, ut dixi, si iungatur cum substantia. Quare putarem
 dicendum, quòd qualitas nihil aliud sit, quàm quoddam si-
 gnum demonstratiuum alicuius rei: ut cum dico, Promitto
 tibi decem in pecunia numerata: illud in pecunia numerata,
 est qualitas, quæ demonstrat actum, seu substantiam, super
 quo interponitur: uidelicet, in quo promissio adimpleri de-
 beat. Quantitas autẽ, quantum pusillo meo iudicio percipe-
 re possum, nil aliud est, quàm genus: accipiendo genus prout
 sumitur

sumitur per glos. & Docto. in l. ij. §. mutui datio. ff. si certum petatur, uidelicet in his quæ numero, pondere, mensurâ ue consistunt. Et quod dico quantitatem, Iurisconsultus. & Docto. nostri summam appellant, l. scire debemus, l. inter stipulantem, §. si stipulante, ff. de uerborum obligat. attamen credo, quod hîc accipiat pro pecunia, per glos. in §. cû adiicitur, in uer. uitiatam, in d. l. j. de uerbo, oblig. Species uerò nihil aliud est, quàm quoddam indiuiduū seu corpus, ut homo, equus, bos, & similia. Et isto modo puto speciē accipi in materia nostra, quo etiā sumitur per glos. & Docto. in dicta l. ij. §. mutui datio. Et hoc modo dicit accipi legaliter speciē, Christoph. Porcius, in §. fin. in glos. j. institu. de iustit. & iure. Istis igitur sic præmissis, diuido glos. nostram in duas partes principales: nam in prima glos. supplet ad tex. In secunda, ponit distinctionem bimembrem pro declaratione textus. Secunda ibi, Diligenter tamen. Iterum ista secunda principalis diuiditur in duas. In prima glos. declarat primum membrum illius distinctionis. In secunda, declarat aliud. Secunda ibi, Si autem non placeat. Denuo ista secunda secundæ principalis diuidi potest in quatuor partes. In prima ponit unā distinctionem in tres casus, ad illud secundum membrum. In secunda prosequitur declarandō primum. In tertia declarando secundum. In quarta examinando tertium. Partes patent. Possem etiam istam quartā partem, in plurima frustra lacerare: sed quia cantilena isthæc esset nimis proluxa, ideo omitto: quia illæ partiæ cellæ satis patebunt ex conclusionibus, quas infra sigillatim eliciam. Pro expeditione primæ partiæ glos. oppono ex mente ipsius: nam uidetur quod iste text. in sui princip. loquatur in casu indubitabili, dicendo: Præterea inutilis est stipulatio, si quis ad ea, quæ interrogatus est, non respondeat. Certum enim est, si quis nō respondeat ad interrogata, non ualere stipulationem. l. prima. in princip. ff. de uerborum obligation. ergo tanquam de indubitabili reijciendus ab aula. l. quod labeo. ff. de carbonia, edict. l. ancillæ, c. de fur. ad hoc respondet

- glos. nostra cōgruē, & sensus erit talis: præterea, &c. residuum
 glos. literaliter prosequor. Expedita literalī expositione glos.
 uenio ad eius plenam (quantum uires nostræ se extendent)
 7 interpretationem. * Et circa primam partem mihi uidetur,
 quod minus bene Accurs. fecerit, subdendo illud uerbum,
 congruē, ad text. Nam autoritas componendi hunc librum
 Institui. & aliquid adijciendi uel detrahendi legibus, data fuit
 per Imperato. solum illis uiris, de quibus habetur mentio in
 §. cumq; hoc. in proce. suprā, & in prima constitu. c. in princ.
 & §. primo. & non alijs; & per consequens nec Accurs. glosa
 fatori; quum de eius potestate nullibi constet. Saluando pos-
 sumus respondere, quod istud haberet uerum, ubi ex nullā
 parte textus talis subauditio extrahi posset: sed Accurs. secus
 fecit: quia adimpleuit mandatum l. inciuile. ff. de legi. & ideo
 non est mirum, si ex uerbis inferioribus text. iuste illud uer-
 bum, congruē, addidit: quum non sit inconueniens, quod
 præcedentia per sequentia declarentur. l. si seruus plurium.
 §. fina. ff. de legatis primo. & quod secundum subiectam ma-
 teriam aliquid addatur. l. si seruus legatus. §. qui margaritā.
 ff. eodem. Ex secunda parte principali glo. nostræ septem eli-
 cio conclusiones. Prima igitur sit conclusio. * Responsio ina-
 congrua ad interrogationem, si ilico & incontinenti à stipu-
 latore approbetur, est eius efficaciz, ut faciat ualere stipula-
 tionem. Fundatur ista conclusio in l. prima. §. cum adijcitur.
 ff. de uerborum obligatio. qui tex. nunquam à memoria ex-
 cidat, quia singularissimus est in hac materia, cum alium cō-
 similem nuspiam repererim. Circa hanc conclusionem, quot
 fuerunt capita, totidem & fuere sententiz. Prima fuit opi-
 nio Ioan. & Azo. qui uoluerunt conclusionem indistinctē
 procedere, eō quia §. cum adijcitur. tam ad §. si quis simpli-
 citer. præcedentem, quā ad §. si stipulanti. sequentem, refe-
 ratur: & sic tam ad quantitatem, quā ad qualitatem. Secun-
 da fuit opi. Hugo. & Iacob. de Are. qui dixerunt, istud tan-
 tum habere uerum, cum adijcitur aliquid, uel detrahitur in
 quantita

quantitate, non in qualitate: hac ratione, quia §. cum adijcitur, refertur tantum ad §. si stipulanti, sequentem, propter relatiuum aliquid: quod est substantiæ, non qualitatis. Tertia fuit opinio Petri de Bellaper, subtilis Ultramon, qui dicebat conclusionem procedere, quando aliquid adijcitur in qualitate tantum, non in quantitate: ea ratione, quia in §. si quis simpliciter, ad quem solum uult referri §. cum adijcitur, semper præcedit in toto interrogatio, & sequitur responsio: nimirum si per complacentiam sequentem conualidatur stipulatio: secus in §. si stipulanti, quia ibi quando aliquid adijcitur, ad illud adiectum nulla præcedit interrogatio: nimirum si non ualeat stipulatio, supra de uerborum obligatio, in princip. Et sic habetis opinio, antiquorum relatas. Omis-
sa disputatione, quæ nimis longa foret, dico opinio, Ioan. & Azo, ueram esse, quod §. cum adijcitur, referatur tam ad præcedentia, quam ad sequentia: ut quia distinctiones istas & cauillationes non admittat, quum generaliter & indistin-
cte loquatur, & ideo generaliter ueniat intelligendus. l. de precio, ff. de publicia, & ut stipulatio potius ualeat, quam pereat. l. quoties in stipulatio, ff. de uerborum obligation. & faciunt quæ dixi supra in responsione ad rationem dubitan-
di, ad secundam partem text. Et istam opinio, puto commu-
nem: ut quia eam præferat Accurs. hic, dum generaliter loquitur, sequuntur Doctores, communiter hic. Gloss. Dyn. Bartol. qui refert has opinio. & alij in dicto §. cum adijcitur, quem legunt cum §. si quis simpliciter, & Paul. de Castr. in dicta l. prim. §. si stipulanti, in princip. Et ratio fundamen-
talis est, secundum Paul. ibi, & Porcium, hic, in primis uer-
bis: quia ea quæ ilico & incontinenti sunt, inesse uidentur, l. lecta, uersicul. dicebam, ff. si certum petatur, l. petens, c. de pactis. Limitatur ista conclusio, ut intelligi debeat, quod ualeat stipulatio ex præsumptione iuris, fictione potius inspe-
cta, quam ueritate: ut uoluit glos. in dicto §. cum adijcitur, super uerbo, alia, & fuit de mente Bartol. & scriben. in locis
proxi

proximè adductis, & in l. prima. in princip. ff. eodem. quod comprobo ex uerbo, uidetur, posito in fin. dicti §. cum adjicitur, quod de sui propria natura fictionem importat. l. prim. §. deieciſſe. ff. de ui & ui arma. Sed iuxta istam conclusionem
 * pulchra & difficilis se offert dubitatio: * An diuerſitas inter interrogationem & responſionem, circa speciem in stipulationem deductam, uitiet ipsam stipulationem, etiam quòd incontinenti sequatur complacentia. Insignis Doctor Gallus Ioan. Faber hic, in princip. sui commentii ausus fuit tenere affirmatiuam: quòd non obstante complacentia, uitietur stipulatio. Dicit enim ipse, se intelligere §. cum adjicitur, quando aliquid adjicitur, uel detrahitur interrogationi: non si omnino aliud promittatur: ut in casu isto, quando de alia specie respondetur: & fundat opinionem suam super §. si de alia, infra eodem. Iudicio meo, etsi Fabro multum debeam, salua tamen in futurum meliori deliberatione, uidetur aberrasse tantus uir. Nam ille §. si de alia, super quo se fundat, est extra propositum quaestionis nostrae: loquitur enim simpliciter, quòd ob diuerſitatem circa speciem uitietur stipulatio: nec ibi ulla sit de subsecuta complacentia mentio. Et si diceretur: ille text. generaliter loquitur, ergo, &c. Respondeo, quòd si istud admitteremus, sequeretur, quòd §. cum adjicitur, seruiret nobis de uento: & quòd per illum §. noster, qui etiam generaliter loquitur, non deberet declarari, & distinguui, quòd dicere, esset nimis fatuum. Non obstat tex. in dicto §. cum adjicitur. quia dico, quòd debet intelligi non solum quando additur, uel detrahitur aliquid stipulationi: sed etiam quando alia species diuersa promittitur. Quod colligo ex ipsius text. ratione generali, qui de directo se fundat super eo, quòd stipulatio prima sit inutilis, sed per secundam ex iuris praesumptione inductam, cõualidetur. Et ideo praesupposito, q̃ prima stipulatio sit inutilis, tantũ operabitur cõplacentia quo ad speciem, quantũ quo ad quantitatem & qualitatem: nam quando ratio legis est generalior dicto,

dicto, legis dictū extēditur ad rationis limites. Clem. j. iuncta gl. in uerb. eligatur. de electio. Præterea, & istud est solidum fundamentum, paria sunt aliquid addere uel detrahere, & de nouo facere. l. hæredes palam. §. si quid post. ff. de testa. paria sunt ergo, q̄ alia species promittatur: sicut si aliquid adijciatur uel detrahatur: ut complacentia stipulationem faciat uas lere. Et istam opinionem uidetur approbare gloss. hīc loquens generaliter per uerbum, ubicunque: quod importat omni casu, loco, uel tempore. l. ubicunque. & ibi not. ff. de interrog. action. Istud itidem fuit de mente Barto. in dict. §. si quis simpliciter. uersic. præterea probemus, qui expresse dicit, Si de eo non præcessisset interrogatio, de quo facta est responsio. Ecce quod Barto. ibi præsupponit, quod interrogatio facta fuerit de una specie, & responsio de alia. Et ex his remanet prima cōclusio cum hac pulchra dubitatione optime (ut opinor) resoluta. Sequentes conclusiones (domini) habetis intelligere, quando diuersitatem inter interrogationem & responsionem non est sequuta complacentia, nec expressa displicentia: ut præsupponit glo. nostra, iuncta declaratione lo. Fabri hīc, in princ. Secunda igitur erit conclusio: * Diuersitas inter interrogationem & responsionem circa 10
 ca qualitatem, omnimodo uitiat stipulationem. Fundamentum huius conclusionis stat in text. nostro, ibi, Aut si ille. & in dict. l. j. §. si quis simpliciter, de uerbo, obli. & cum hac conclusione, transeunt omnes hīc, & ibi, nemine discrepante. Ratio fundamentalis huius conclusionis est, secundum Bal. hīc: quia in casu isto est diuersitas in obligationis qualitate, totalem obligationem respiciente: nimirum si uitiatā qualitate, quæ ipsi substantiæ adiungitur, si redditur inutilis etiam ipsa substantia. Hinc est, ut uoluit Barto. in l. non solum. §. morte. ff. de oper. noui nuntia. col. vj. in princ. quod si interrogas me, Promittis mihi x. purē: & ego respōdeo, Protestor quod si promittam tibi purē, uolo quod illud intelligatur sub conditione, uel certo modo: tūc talis limitatio, quæ futuræ obligationis causa adijcitur, inducit diuersitatē in qualitate obli-
 s gationis.

gationis: & ita talis diuersitas obligationem uitiabit: quia actus qui postea fit purè, non se compatitur cum protestatione. argum. dict. §. si quis simpliciter. & text. nostri. Contra hanc conclusionem obstare uidetur text. in c. commissum, de quo prioribus diebus argumentabar aduersus præceptorem communem, Dominum Petrum de Sancto Georgio: in materia feudorum, extrà de decimis, iunctis ibi notatis per Pasnorm. in primo not. ubi habetur, quod diuersitas & mutatio qualitatis, obligationem solutionis decimarum non uitiat. Ergo idem uideretur dicendum in casu nostro, quod diuersitas & mutatio qualitatis, obligationem ex stipulatione descendentem, uitiare non debeat. Istud non reperio ab alio tactum: attamen puto faciliter posse responderi, quod ibi qualitas accipitur pro quodam corpore indiuiduo: quia illi monachi de Bosse, habebant quasdam domos dirutas, quas conuerterunt in terras fructiferas: & ideo licet illa qualitas, id est, illud corpus mutetur, & uarietur quo ad nomen, ut ubi appellabatur domus, nunc nuncupetur campus: non tamen uitiatur substantia ipsa, quin super ea, obligatio decimarum persolui debeat. Quod secus est in casu nostro: quia qualitas (ut in superioribus dixi) accipitur pro quodam signo demonstratiuo, quod adijcitur alicui substantiæ: quare ipso uitiato, uitiatur etiam obligatio, ex ipsa stipulatione descendens. Tertia sit conclusio: * Diuersitas inter interrogationem & responsionem circa quantitatem, in eo quod consonat, ualet: in alio, non. Fundamentum istius conclusionis, circa id quod consonat, stat in dict. l. j. §. si stipulanti. ff. de uerb. obli. circa id quod non consonat, stat in §. nostro. in uers. ueluti si quis. Et cum hac conclusione transeunt glo. & omnes scrib. comuniter hinc & ibi. Ratio fundamentalis huius conclusionis secundum Bald. hic, est: quia quantitas minor, semper est in obligatione. l. si ita stipulatus x. aut xv. cum simil. ff. de uerb. oblig. & ideo illud in quo consonat responsio, quum sit minimum in obligatione, non reddit eam inutilem. Aduersatis, quia Bal. est corruptus; corrigatis ut hic dico, l. si ita stipulatus,

Pulatus. & ibi, & ideo, &c. tollatis primā negatiuam, ne aliās
 Bal. sit sibi contrarius. Hanc distinctionem omnino admittere
 re nō uidetur tex. noster, qui loquitur generaliter: & ideo ge
 neraliter uenit intelligendus. uulg. l. de precio. ff. de publicia,
 Glo. & doct. in d. §. si stipulanti. multum insudauerunt, & ca
 pita sua torserunt circa istorum textuum concordiam: & ta
 men nullam dant concludentem, sed diuinatiuam tantum ra
 tionem. Quare putarem dicendū, quod §. noster corrigat dic
 tum §. si stipulanti. quum istud sit ius nouum, & posterius,
 c. j. de consil. lib. vj. & eò fortius, quia uidebatur fortasse abs
 surdum Imperatori, ponere istam diuersitatem inter qualita
 tem & quantitatem. Considerans tamen correctionem legum
 iuxta posse nostrum debere uitari, ut iura iuribus con
 cordentur. l. unica. c. de inoffic. doti. Mihi uidetur, quod do
 minus lason habuerit uerum & perfectum iudicium in hoc
 puncto. in dict. §. si stipulanti. col. iij. circa medium. uidelicet
 quod ille textus per istum, & iste per illum declarari debeat:
 & eò maxime, quia iura noua debent potius distingui per
 antiqua, quàm dicere, quod inducatur legum correctio: ses
 cundum gl. & Docto. in l. sciendum. in princip. ff. qui satisda.
 cogan. notat las. in l. filium quem habentem. in fi. commenti.
 c. famil. hercis. Non enim est absurdum, ut posteriores leges
 per priores declarentur, & econtra. l. non est nouum. cum
 sequent. ff. de legib. & pro hac conclusionem facit, quod dixit
 Barto. in dict. l. non solum. §. morte. in loco, quem in praece
 denti conclusionem adduxi. Quartam formo (extra tamen
 gloss.) conclusionem, ut quia hic quadret: * Diuersitas inter
 interrogationem & responsum circa appositionem diei
 uitiat stipulationem. Circa istam conclusionem Docto. inter
 se certauerunt. Bart. enim in dict. l. j. §. si quis simpliciter. te
 nendo partem affirmatiuā, quod uitiatur stipulatio, opponit
 de tex. in l. j. §. diem. aliās est §. editiones. uer si. diē. ff. de eden.
 ubi dicitur, qd dies est pars stipulationis sicut summa: sed in
 summa si aliquid adiiciatur, uel detrahatur, nō uitiatur stipu
 latio. d. l. j. §. si stipulanti, & uidimus in praecedēti cōclusionem.

- ergo idem dicendum uidebatur & in die. Soluit ipse Barto, quod adiectio dici, substantiam & obligationis qualitatem immutat: quia licet nata sit actio, obstat tamen exceptio. Secus est in quantitate, quando aliquid adijcitur: quia tunc non est diuersitas in obligationis qualitate, & sic circa substantiam: nimirum si stipulatio non uitiatur. Hac solutione non contentus Ludo, Roma, in d. l. j. §. si, colum. ult., tenet aduersus Barto, quod idem dicendum sit in die, quod in summa: & fundat opin. suam in dict. §. si stipulanti. & in d. l. j. §. diem. de eden. & certè hæc argu. sua eadem sunt cum dictis Barto, in oppo. in substantia, Alexan. in d. §. si quis simpliciter. in prin. & in dict. §. fin. in fine, mordet, & meritò (ut infra uidebitis) hanc Rom. sententiam: per text. nostrum, & in dict. §. si quis simpliciter, ut uidere poteritis apud eum, Dominus Ias. ibidem, in secundo not. conatur defensare opinio. Roma, duobus fundamentis, ut ibi per eum, Dicit tamen se credere, qd sententia ipsius Ro. non procedat in longiori tempore, id est, quando adijcitur prolixior dies: quia dispositum in summa, non procederet in die, Quid dicendum inter hanc altercationem?
- 13 nem? * Ego, saluo semper perfectiori iudicio, puto quod Ro. & Ias. male & pessimè senserint. Et in primis quia eorum opinio uidetur principaliter fundata super eo, quod bonum sit argumentum de summa ad tempus. l. miles ita, in prin. ff. de mili. testa. Respondeo, quod illud procedit circa terminos d. l. miles ita, & non in terminis quæstionis nostræ: ut quia diuersa sit ratio, & ideo diuersum ius statuendum, l. interpositas, c. de transact. l. in actionibus. ff. de his qui not. infamia. Et pro hoc facit, quia cessante causa & ratione legis, debet etiã cessare ipsa legis dispositio. l. adigere, §. quamuis. ff. de iure patron. notat Alexan. in l. fin. in primo not. c. de edicto diui
- 14 Adria. tol. Declaro melius? * Illud quod disponitur in dict. l. miles ita, est speciale fauore militum, circa testamenta in casibus condenda: sed non reperio quod in stipulando aliquis fauor militibus ultra ius commune concedatur: & ideo non quadrat, uelle argumentari de summa ad tempus, extram-
- teriam

teriam specialitatis. Et dato quod admitteretur in militibus
 extensio huius argumenti extra rationis legis limites; non
 tamen admitteretur istud in paganis; quia quod quibusdam
 aliquo casu & speciali privilegio conceditur, non est ad alios
 casus, & dissimiles personas trahendum in consequentiam,
 §. sed & quod principi, supra de iure natur. gentium uel ciui.
 l. quod uero. ff. de legi. Nec obstaret, si diceretur, Non ne bo-
 num est argumentum, de ultimis uoluntatibus ad contra-
 ctus: l. pactum inter haeredem. ff. de pactis. Respondeo, quod
 non, quando non est identitas rationis, d. l. pactum, & l. quae
 de legato. ff. de leg. j. & dato quod procederet argumentum:
 non admittitur nisi negatiue, non autem affirmatiue: ut dicit
 Ioan. de Platea, in §. unico. Instit. de lege fusia cani. tol. & ideo
 quum adsit diuersitas rationis in casu nostro, non poterit su-
 mi affirmatiue argum. à dict. l. miles ita. Vtcrius dico, quod
 pro opin. Barto. & Alexan. stringit inuitabiliter, text. no-
 ster, ibi, Si modo scilicet id exprimas, &c. & in dict. §. si quis
 simpliciter, ibi, Aut si ita interrogatus. Intra Calendas quin-
 tas dabis: responderit, Dabo Idibus. Quod ego intelligo, sci-
 licet, Dabis die xxviij. puta, mensis futuri Ianuarij, qui dici-
 tur, quinto Calend. Februarij: alter responderit, Dabo Idibus:
 id est, die xij. illius Ianuarij. Ecce text. clarum, in quo de
 tempore detrahitur, & uitiatur stipulatio. Et per hoc cessat
 aliud fundamentum, quod facit las. quod est mera cauillatio
 ad ista iura. Nam cum habeamus textus claros & apertos,
 non est recurrendum ad illa coniecturata argumenta, & so-
 phismata, ad quae tendit sententia Rom. & laso. ut dixit glo.
 ij. in c. j. de feudi cognit. in uerbis feud. In claris enim opus
 non est coniecturis. l. continuus. §. cum quis. ff. de uerb. ob-
 lig. Nec esse debet quaestio, ubi est casus legis: ut dicit Alex.
 in l. si sic stipulatus. ff. eo. Et dato, sed non concesso, quod isti
 text. non probarent: habeo regulam certam, quod de simi-
 libus ad similia, seu ab aequiparatis procedit argumentum,
 l. non possunt. ff. de legi. l. leges. la. j. in secundo responso. c.
 eod. c. si postquam, iuncta glo. fin. de electio. lib. vi. Sed sic est

quod conditio & dies æquiparantur. l. inter omnes. & sibi notatur. ff. qui satisda. cog. & in infinitis iuribus est uidere, ubi simul ponuntur, & æquiparantur dies & conditio. Dispositum ergo in conditione, haberet etiam locum in die, quum magis adaptetur qualitati, quàm quantitati. Et per hæc remaneat expedita ista conclusio satis utiliter. Quinta erit conclusio; * Diuersitas inter interrogationem & responsionem circa speciem, quando una res pro alia promittitur, uisitat stipulationem. Fundatur hæc conclusio in §. si de alia. infra eo. & in l. inter stipulantem. §. si Stichum. iuncta l. continuus. §. j. ff. de uerb. oblig. Ratio fundamentalis huius conclusionis est, quia in stipulationibus requiritur consensus utriusque partis. l. j. §. adeo. ff. de pactis. d. l. continuus. §. j. & dixi supra in prima ratione dubitandi. Sed quia in casu nostro, non est consensus, sed dissensus: quum unus tendat in Mutinam, alter in Rhegium: ideo nimirum si inutilis reddatur stipulatio. Declarate tamen & intelligite hanc conclusionem, ut procedat, quando appareret manifestè, partes dissensisse: secus si non appareret, uel esset in dubio: quia tunc seruanda esset distinctio glo. in d. §. si de alia. Possem circa hanc conclusionem sermonem in longius protrahere: sed quia istud esset auferre proprias dotes ipsi §. si de alia, ideo ulterius non prosequor. Sexta erit conclusio; * Diuersitas plurium specierum, cumulatatum copulatiue: siue quid adijciatur, siue detrahatur, circa id, ad quod congruè respondetur, utilis: circa uero adiectum inutilis est. Fundamentum huius conclusionis stat in l. j. §. sed si mihi. & in l. inter stipulantem. §. si stipulante. in ultimo responso. ff. de uerbo. obligatio. Ratio fundamentalis est, quia in hac obligatione copulatiue concepta, tot sunt stipulationes, quot sunt res. l. scire debemus. iunctis ll. proxime adductis. ff. de uerbo. obliga. & ideo, ubi sunt plures res in stipulationem deductæ, plures erunt stipulationes: quum res istæ inter se separatæ & diuiduæ sint, quare non est mirandum, si per inutilem utilis stipulatio non uisitat, & in hanc conclusionem unanimiter aspirant scrib. hic,

& ibi.

& ibi. Septima, & ultima erit conclusio: * Diuersitas plus
 rium specierum alternatiuè cumularum, si ad utranq; uel 17
 simpliciter respondeatur, utilis est: si ad unam tantum, inu-
 tilis. Fundatur ista conclusio in dī. l. j. §. si quis simpliciter. &
 longè clarius in l. inter stipulantem. §. si stipulante. in princ.
 ff. de uerbor. obligatio. Ratio fundamentalis in hoc potissi-
 mum consistit: quia in hoc casu est diuersitas in stipulatio-
 ne, totalem obligationis, seu substantiæ qualitatem respo-
 cientē. Nam cum quis interrogat alternatiuè, Promittis Sti-
 chum aut Pamphilum? uidetur sub conditione interrogare,
 ut quem malit, promissor soluat: quum in alternatiuis ele-
 ctio sit ipsius promissoris debitoris. l. plerunq; §. si. ff. de
 iure dotium. sufficit enim quòd in rebus alternatiuè promissi-
 sis, earum altera in forma specifica adimpleatur, l. si quis ita
 stipulatus. in fine. ff. de uerbo. obligat. Sed is qui interroga-
 tur, respondendo, Promitto Stichum, uidetur se uelle obli-
 gare purè, & sic præcisè ad illum Stichum. Et ideo non est
 mirandum, quum ad interrogata congruè non respondeat-
 ur, sed diuersimode, circa qualitatem ipsius stipulationis,
 si inutilis reddatur, & uitietur huiusmodi stipulatio. Et ex
 his remaneant expeditæ septem istæ conclusiones, in quib-
 us puto totam materiam hanc, in substantia saltem, esse
 conclusam. Duo tantum superesse conspicio, quæ necessa-
 riò ueniunt hoc in loco discutienda. Primum est, ut ratio-
 nem diuersitatis, inter has duas ultimas conclusiones (et si
 satis ex prædictis pateat) uobis assignem. Secundum est, ut
 dubitationem aliquam, circa rationem diuersitatis inter ter-
 tiam conclusionem, & hanc ultimam, pro ingeniosi uiribus,
 subsistere non permittam. * Ad primum deueniendo, dico, 18
 ex mente domini Lancel. Galli. in dī. l. j. §. sed si mihi. in prin.
 ff. de uerbo. obligat. quí clarius quàm alius quem uiderim lo-
 quitur, quòd ratio diuersitatis, quare dispositum in specie-
 bus copulatiuè in stipulationem deductis, non habeat locum
 etiam in speciebus alternatiuè eodem modo deductis, hæc
 est, quia in copulatiuis siue promittantur duæ species, quum
 præcessit

debemus. Corroboratur glossæ, & aliorum ratio aduersus Bartol. per aliam rationem glo. in l. inter stipulantem. §. si stipulante, in glof. magna. uersic. uel dic tertio. ff. de uerborum oblig. quam ibi Dominus Alexan. dicit ueram, & cōmunem. Dicit ibi Accurs. quod illa adiectio, siue detractio maioris summæ, habetur pro superflua, & superuacua; nec plus operatur, quàm si minor tantū summa promitteretur; quare huiusmodi superfluitas siue apponatur, siue omittatur, non habebit uitare ipsum actum & stipulationem, l. testamentum. cum concord. adductis in glof. c. de testa. Quod secus est in speciebus, ut demonstratum fuit satis abunde in præcedentibus. Non tamen nego, quin ratio assignata per Bart. sit bona, & tuta; imò eam uerissimam puto. Crederem tamen glof. & communis rationem meliorem, & magis concludentem esse: ut ex prædictis apparet. Et eò maxime, quia ratio Bart. est solum ratio simplex diuersitatis: sed ratio glof. & communis, est ratio rationis uiuacissima. Cogitabitur tamē, quænam ex his uestras magis demulceat aures. Limitate tamē, & declarate, quod dictum fuit in summis, semper id quod minus est attendi, ut sustineatur stipulatio, nō habere uerum; quando utraque summa simul & semel esset in obligatione alteri natiuē, circa quam caderet affectio, uel ratione causæ, pro qua quis promisit, uel respectu personæ, cui facienda est solutio, uel ratione loci, seu temporis, propter quod posset resultare interesse: quia tunc si aliquid adijciatur, uel detrahatur inter rogationi, stipulatio redditur inutilis. Ista est decisio Bartol. clara, in l. si duo. in fin. ff. de uerborum obligatio. & in dicta l. prima. §. sed si mihi. (licet nō ita clarē) ff. eo. ubi uide Dominum Lancel. post alios, colum. ij. Et per hæc, ad laudem Dei Opti. Maxi. impositus sit finis huic solenni §. Qui tanquam parentis adolescentis primogenitus, portionēq; iure sibi debita, honestatus, ueterano quādoq; altius meditandi iucundē causam præstabit. Alexander Loscus de Auiliana, scholasticorum minimus, almæ Cisalpinæ nationis Taurinensis uices Abbatis gerens.

EXCVSAE SVNT HAE DOMINI
Alexandri Lofæi, Auliani Iurifconsul. Interpretationes in
inicyto & splendidissimo Lugdunorum emporio, Gallorum
monarchiam regente Christianiss. & felicissimo Fran-
cisco, huiusce nominis primo; gubernante autem
Reuerendiss. & Illustr. Francisco à Turnone,
inter Cardinei cœtus primarios sapien-
tissimo, Anno Christianæ salutis
M. D. XXXVII.

INDEX EORVM, QVAE HOC
IN OPVSCVLO, CON-
TINENTVR.

Rubr. c. de Iudic.	char. 9.
L. Licet, eodem.	char. 23
L. A' iudice, eod.	char. 28
L. Placuit, eod.	char. 32
L. Properandum, eod.	char. 41
§. Sine autem alterutra. eiusdem L.	char. 64
L. Iuris ordinem, c. de iurisdic. omn. iudic.	char. 68
L. Priuatorum, eod.	char. 78
Autent. nouissima, c. de Inoffic. testamen.	char. 86
L. Prima, c. de inoffic. dona.	char. 99
Rubr. c. de petitio. haered.	char. 110
L. Prima, eod.	char. 117
Rubr. c. de liber. præter.	char. 118
Repetitio, §. Præterea, Institu. de inutil. stipul.	char. 127

- Char. 6. ibi, in sacrosancto ac Romano, legas, eo Romano.
 Char. 10. num. 3. ibi, pleniusq; alibi, legas, plenius quàm.
 Char. 18. numero 18. ibi, ideo præpositio titul, legas, præ-
 posito.
 Char. 20. nume. 20. ibi, & sæpius, abundat còpula &.
 Char. 27. nume. 9. ibi, extinguit, legas, extinguitur.
 Char. 30. numero 2. ibi, à maioribus familiæ, legas, ma-
 nibus.
 Char. 36. numero 5. ibi, sub qua est situata, legas, sub quo.
 Char. ead. ibi, in illa actione, legas, in illa dictione.
 Char. 37. nume. 7. ibi, uulg. l. arrianus, ff. de uerborum ob-
 ligatio, legas, ff. de action. & obligation.
 Char. 46. nume. 6. ibi, §. libertos, legas, §. libertas.
 Char. 48. nume. 9. ibi, torques, legas, torqueas.
 Char. ead. in fin. ibi, ultimo, legas, ultimum.
 Char. 58. nume. 19. ibi, qui iudex, legas, quum iudex.
 Char. 61. nume. 22. ibi, ut hæc l. deciditur, legas, ut hac.
 Char. 63. numero 23. ibi, ad præcedentiam, legas, ad præce-
 dentia.
 Char. 87. nume. 5. ibi, in quinta not, legas, in quinto.
 Char. 90. numero 8. ibi, ingratis liberis, legas separatim,
 in gratis.
 Char. 117. nume. 1. ibi, de qua, legas, de quo.











